



BIBLIOTECA NAZ.

Vittorio Emanuele III

XLVII

A'

61

NAPOLI









X L VII

~~B~~ A 61

So



FLORVS SANCTVS

HOC EST

EPITOME TOTIVS

HISTORIÆ SACRÆ

CONTINENS RES GESTAS

Et bella populi Dei ab orbe condito  
ad Christum vsque.

*Authore R. P. MATHÆO BOLERAN,  
Narbonensi, Congregationis Doctrina  
Christiana Theologo.*

SECUNDA EDITIO.



P. A R I S I I S,  
Apud GEORGIVM IOSSE, viâ Jacobæâ.  
sub signo Coronæ Spinæ.

M. DC. LXVIII.

*Cum Approbatione.*

PLATE 1

1871

PLATE 1

PLATE 1

PLATE 1

PLATE 1

PLATE 1

PLATE 1

PLATE 1




PLATE 1

PLATE 1

PLATE 1

PLATE 1



ILLVSTRISSIMO D. D.  
GASPARI DE FIEVBET  
D. DE MONTESQVIEV,  
PECHBONIEV,

Equiti nobilissimo, Comiti Con-  
sistoriano, Regi à Consiliis,  
& amplissimi TOLOSANI  
SENATVS

PRINCIPI  
PERPETVAM FELICITATEM.

**N**ON munus offertur (To-  
losani Senatus Prin-  
ceps Illustrissime) sed  
soluitur debitum; cum  
hic Sacre Historie Florus tibi de-  
dicatur. Nec citra iniuriam po-  
ā iij

terat gens nostra suos studiorum  
fructus alij rependere, quàm cui se,  
suaque debet studia: quòd enim in  
ista Tolose Academia nobis eloqui  
liceat, tuum est beneficium: sit  
itaque grati animi argumentum,  
quod ibi primùm eloquimur. No-  
bis tamen ex hoc munere plus ho-  
noris, quàm tibi gloria accedet:  
nisi fortè ea sit maxima virorum  
principum gloria, suam præstare  
gratiam quibus possunt. In hoc tota  
iam est tua benignitas, Princeps  
Senatus Illustrissime, ut ex nova  
huius nominis dignitate non tam  
honores novos, quàm ampliorem  
munificentia facultatem nactus  
fuisse videaris.

Hæc publica totius regni de te  
fama, ut te posthumus iste adiret,  
persuasit: cui enim defensor adest  
nemo, aderit tua clementia; ac  
veluti patronus tueberis, quem  
alioquin iudex fortè damnares.

Neque idcirco aliquis putet incultum hoc Opus haberi, quod etiam, hîc intelligit minùs laudari: satus dignum aestimet, in quo pietas, ac religio commendantur; eâque pene breuitate, & elegantia scribuntur, quâ tu Senatusconsulta pro Tribunali edicus. Optima quoque vitæ civilis instituta hîc populi edocentur; Illas enim leges continet, in quas tu statim post adolescentiam summa cum laude incubuisti; quippe qui, ut suum cuique jus redderetur, in Curia supplicum libellorum Præses tunc primùm iura dixisti; causasque regias mox procurans, tantâ in oratione Majestate, quanto in rebus iudicio, quod vellent æquitas postulasti. Ac demum pro tam eximia meritorum celeritate, in suprema amplissimi Ordinis sedete collocavit Rex Augustissimus;

â iiij

*minus equum ille putavit, qui merita subditorum expendit, cum honori nondum tempestivum videri, qui iam omni virtutum genere maturus & exornatus fuisset.*

*Tolosani ergo Senatus Principem esse te voluit, ubi ipse iam antea fuerat expertus tuam in iure dicundo equitatem; in procurandis regis causis fidem, ac diligentiam. Ecquis præterea melius sciret populorum lites dirimere, quàm qui optimè sciat Principis iura defendere? hæc tibi gloria, nisi esset labore parata, à Parentibus data fuerat: (neque enim tu primus tue gentis Princeps Senatus;) sed minus decorum fore putavisti patris gloriam adæquasse, nisi & meritum accessisset. Quam igitur quasi hæreditariam consecutus es dignitatem, favere sibi rogant*



*Annales isti; ut tui nominis  
inscriptione plures habeant sui  
aestimatores; siquidem viri prin-  
cipis iudicium in his rebus mereri  
pulchrum est; nec placere ceteris  
non potest, quod tibi non dis-  
plicuit. Vale.*

PP. Doctrinae Christianae  
Collegij Tolosani.




## AMICO LECTORI.



N tibi Lector amicissime Opusculum, & vt verum fatear, Breuiarium totius sacræ antiquioris Historiæ seu Scripturæ. Florum tamen appellauì auctoris prophani nomine; quia certè huius viri breuitatem, ordinem scribendi, atque ipsum ferè stilum, vt aduerteres, affectauì, sed non affecutus sum. Sanctum dictum esse volui, licet gesta ac bella Hebræi populi pertractet, quia reuera sancta sunt quæ à viris sanctis inspirante Deo ac Duce gesta sunt. Hactenus vidisti Florum Romanum, Gal-

licum, Francicum : deerat ti-  
bi legendus si placet, Sanctus.  
Hunc ego tibi offero, hunc tu  
æquo ac beneuolo animo per-  
leges, si faues. Vale.



# INDEX

## CAPITVM

### LIBRI PRIMI.



*E Adam & Eva primis  
parentibus* cap 1.

p. 4.

*De pœna & penitentia*

*Adam & Eva.* p. 5.

*De liberis primorum parentum.*

p 6.

*De Noë Patriarcha.* cap. 2. p.; 8.

*De Arca & Diluvio temporibus*

*Noë.* p. 9.

*De diuisione orbis & turri Babel.*

p. 10.

*De Abraham Patriarcha.* c. 3 p 10.

*De prelio Abraham cum quinque  
Regibus.* p. 13.

*De liberis Abraham Isaac & Is-  
maele.* p. 14.

# CAPITVM.

<i>De sacrificio Abraham.</i>	p. 15.
<i>De conflagratione Sodome &amp; Gomor- rha.</i>	p. 17.
<i>De Isaac Patriarcha.</i>	c. 4. p. 18.
<i>De liberis Isaac, Iacob &amp; Esau.</i>	p. 20.
<i>De benedictionibus.</i>	p. 21.
<i>De Iacob Patriarcha.</i>	c. v. p. 21.
<i>De duabus vxoribus Iacob.</i>	p. 24.
<i>De stupro illato Dina.</i>	p. 26.
<i>De fraudibus Laban erga Iacob.</i>	p. 27.
<i>De occurſu Esau fratris.</i>	p. 28.
<i>De Iuda Patriarcha.</i>	c. vi. p. 29.
<i>De Ioseph Patriarcha.</i>	c. vii. p. 31.
<i>De ſomniis Regis Pharaonis.</i>	p. 32.
<i>De pietate Ioseph. erga fratres</i>	p. 33.
<i>De benedictionibus morientis Iacob.</i>	p. 35.
<i>De persecutione Regis Pharaonis.</i>	p. 36.
<i>Anacephalaosis de septem Patriar- chis.</i>	c. viii p. 37.
<i>De mutatione populi seu Ecclesia Dei</i>	c. ix. p. 39.
<i>De missione Moysis &amp; Aaronis ad Pharaonem.</i>	p. 40.

# CAPITV M.

*De decem plagis seu flagellis Ægypti.* p. 41.

*De egressione populi ex Ægypto.* p. 42.

*Bellum Ægyptium Cum Rege Pharaone.* c. x. p. 43.

*Bellum contra Amalecitas primum.* c. xi. p. 45.

*Expeditione in terram Chanaan promissam à Deo.* c. xii. p. 46.

*Bellum contra Chananeos primum.* c. xiii. p. 45.

*Bellum contra Amorreos.* c. xiv. p. 48.

*Bellum Moabiticum.* c. xv. p. 49.

*Bellum Madianiticum cum Moabitis.* c. xvi. p. 51.

*De seditionibus seu murmurationibus populi.* c. xvii. p. 53.

*De prima discordia Hebraorum.* c. xviii. p. 54.

*De secunda discordia.* c. xix. p. 56.

*De tertia populi discordia.* c. xx. Ibidem.

*De quarta discordia.* c. xxi. p. 57.

*De quinta discordia.* c. xxii. p. 58.

*De sexta discordia.* c. xxiii. p. 59.

# INDEX

<i>De ordinatione Reipublicæ Hebrææ.</i>	c. 24. p. 60.
<i>De Manna dato in cibum.</i>	Ib.
<i>De lege scripta à Deo.</i>	p. 61.
<i>De Arca Dei &amp; Tabernaculo fœderis.</i>	Ibid.
<i>De vestibus Sacerdotum.</i>	p. 62.
<i>De morte Moysis &amp; Iobi.</i>	c. 25.
	p. 64.

---

## INDEX CAPITVM LIBRI SECVNDI.

<b>C</b> <i>Apud primum.</i>	p. 66.
<b>C</b> <i>Bellum Hierecantium.</i>	c. 2.
	p. 67.
<i>Bellum aduersus Urbem Hai.</i>	c. 3.
	p. 70.
<i>Bellum Gabaonicum.</i>	c. 4. p. 72.
<i>Bellum cum Chananeis, Amorrhæis.</i>	
<i>Ethæis, Phereisais, Iebusais, &amp;c.</i>	
	c. 5. p. 53.
<i>Diuisio Tribuum per Vrbes bello captas.</i>	c. 6. p. 73.
<i>Bellum Chananeum secundum.</i>	c. 7.
	p. 76.

---

# INDEX

<i>Bellum Syriacum Indice Othoniele.</i>	c. 8. p. 78.
<i>Bellum Moabiticum secundum Indice Aod.</i>	c. 9. p. 79.
<i>Bellum Philistaeum primum sub Sargare.</i>	c. 10. p. 81.
<i>Bellum Chananeum tertium Indice Debbora.</i>	c. xi. p. 82.
<i>Bellum Madianiticum secundum sub Ged:one.</i>	c. xii. p. 84.
<i>Bellum Ammoniticum primum.</i>	c. 13. p. 88.
<i>Bellum Philistaeum secundum sub Samsone.</i>	c. xiv. p. 90.
<i>Anacephaleosis.</i>	p. 95.
<i>Seditio Tribus Ephraim in Gedeonem.</i>	p. 96.
<i>Seditio Abimelech Regis Sichem.</i>	p. 97.
<i>Seditio secunda Tribus Ephraim.</i>	p. 100.
<i>Seditio Tribus Dan.</i>	Ibid.
<i>Bellum tribule aduersus Tribum Benjamin.</i>	c. xv. p. 101.
<i>Coniugium Ruth cum Booz.</i>	c. xvi. p. 104.
<i>Bellum Philistaeum tertium.</i>	c. xvii. p. 105.



---

# INDEX CAPITVM

## LIBRI TERTII.

- B**ellum Ammoniticum secundum  
Saüle Rege. c. i. p. 109.  
Bellum Philistaum quartum. c. ii.  
p. 111.  
Bellum contra Amalech secundum.  
c. iii. p. 113.  
Triumphus Davidis de Goliath Phi-  
listeo. c. iv. p. 114.  
Persecutiones Davidis. c. v. p. 115.  
Praea Davidis profugi. c. vi.  
p. 117.  
Bellum Philistaum quintum. c. vii.  
p. 119.  
Anacephalaosis. p. 120.  
Bellum Davidis & Isboseth filij Saü-  
lis. c. 8. p. 122.  
Bellum in Iebusaeos & Philistaeos.  
c. ix. p. 144.  
Bellum in Philistaeos, Moabitas, Idu-  
maeos & Syros. c. x. p. 125.  
Bellum Ammoniticum tertium  
c. xi. p. 126.  
e

# INDEX

- Conjuratio Absalonis in patrem.*  
c. xii. p. 127.
- Seditio Seba aduersus Dauidem.*  
c. xiii. p. 130.
- Postrema bella Regis Dauidis.* c. xiv.  
p. 131.
- Regnum pacificum Salomonis.* c. xv.  
p. 132.
- Diuisio regni Israël sub Rege Roboam.*  
c. xvi. p. 135.
- Bellum Aegyptium primum aduersus Roboam.*  
c. xvii. p. 136.
- Bellum ciuile primum sub Rege Abia.*  
c. xviii. p. 137.
- Bellum Aegyptium sub Rege Asa.*  
c. xix. p. 138.
- Bellum ciuile secundum sub Rege Asa.*  
c. xx. p. 139.
- Bella intestina regni Israël.* c. xxi.  
p. 140.
- Bella Iosaphat & Achab confederatorum.*  
c. xxii. p. 141.
- Bella Regis Ioram & Ochosia.*  
c. xxiii. p. 143.
- Mutatio regni Israël.* c. xxiv.  
p. 144.
- Bella Regis Ioas & Amasia filij.*  
c. xxv. p. 146.

CAPITVM.

*Res gesta in regno Israël. c. c. xxvi.*  
*p. 148.*

---

INDEX CAPITVM  
LIBRI QVARTI.

**B** *Eila reliquorum Regum Inda.*  
*c. i. p. 149.*

*Bella Regis Ochofie & Ioathan.*  
*c. ii. p. 150.*

*Bella Regis Achas. c. iii. p. 151.*

*Transmigratio & finis regni Israël.*  
*c. iv. p. 152.*

*Bella Ezechia Regis & sequentium.*  
*c. v. p. 154.*

*Bellum Egyptium secundum Rege*  
*Iofia. p. 156.*

*Transmigratio Babylonis. c. vi*  
*Ibid.*

*Missiones & miracula Prophetarum.*  
*c. vii. p. 159.*

*Miracula Elia Propheta. c. viii.*  
*p. 160.*

*Miracula Elisai Propheta. c. ix.*  
*p. 161.*

*Miracula Isaia Propheta. c. x. p. 164.*

# INDEX

- Interregnum & captiuitas Iudaorum.*  
c. xi. p. 65.
- Finis captiuitatis Babylonicae.* c. xii.  
p. 167.
- Bellum Holofernis contra Iudeos*  
c. xiii. p. 169.
- Prelia pro restauratione Urbis &  
Templi.* c. xiv. p. 172.
- Exeditio Alexandri magni in Iu-  
deam* c. xv. p. 173.
- Bella & persecutiones Antiochi Re-  
gis in Iudeos* c. xvi. p. 174.
- Bellum pro religione Duce Masha-  
thia.* c. xvii. p. 176
- Bellum Machabaum primum Du-  
ce Iuda.* c. xviii. p. 177.
- Bellum secundum Machabaum Du-  
ce Ionatha* p. 180
- Bellum tertium Machabaum Du-  
ce Simone.* p. 183.
- Bellum Romanum primum in Iudeos.*  
c. xix. p. 186.
- Bellum Parthicum contra Iudeos.*  
c. xx. p. 189.
- Bellum Romanum secundum.* c. xxi.  
p. 190.
- Finis bellorum & regni Iudaici.* c. 22.  
p. 191.

FLORVS



# FLORVS SANCTVS

HOC EST

HISTORIÆ SACRÆ.

*EPITOME.*

LIBER PRIMVS.



OPVLVS Dei, qui dictus est olim Synagoga sub Moyse, nunc sub Christo Ecclesia, ab Adam ad nos vsque quinque circiter mille annos ætatis impleuit. Ille vetustate nobilis factus, ipsi propè coæuus tempori, & adhuc religione fœlicior, dubitandi locum dedit, an illius virtutem plus ætas auxerit, quàm virtus ætatem ornauerit. Tot præsertim victoriis inclaruit, seu gladio seu verbo Dei militans, vtei nihil vnquam indomitum fuerit, siue Rex hostis insurgeret, siue hæresum cohors instaret. Tot certè illius legere triumphos licet, quot commisit prælia cum

hostibus. Et si quando victum debellatumque inueneris, dicas non tam hostes vicisse, quam peccata populi interrupisse victoriam. Suspice hanc Dei Rempublicam, quæ ob multiforine penes tempora regimen, quandam veluti percurrit hominis ætatem. Primum velut infans ex Patriarchis, & in Patriarcharum sinu creuit & circa legem naturæ, quasi circa matrem vagiit. Nulla adhuc disciplina, nullum erat præceptum traditum, solus naturæ instinctus legis & magisterii locum tenebat.

Hæc Ecclesiæ prima & rudis ætas ab Adam & posteris illius ad Moysen vsque per quingentos annos supra tres circiter mille patet; per quos terra aquis diluuii lota, & vrbes igne cœlitus misso lustratæ, prodigii loco fuerunt. Interim quoque stigma circumcisionis inustum est, vt vel hæc externa cicatrix populum Dei à prophanis gentibus distingueret. Natis Moysè & Aarone fratribus adoleuit hic populus, & sub his, aliisque constitutis à Deo iudicibus, vsque ad Regem David victor Palestinæ & totius circa maris euasit. Hoc tempus quod in mille annos tenditur, bellis sic efferbuit, vt adolescentiam meritò appelles; quæ ætas ad arma promptissima Reges, Duces, Populos, breui vniuersam Iudæam seruire Deo coëgit. Tunc legibus etiam digito Dei descriptis, & armis muniri cœpit Ecclesiæ adultæ Maiestas. Sequenti ætate à Dauide ad vsque transf-

migrationis tempus, quingentis annis non totis more gentium regnatum est post abrogatum Iudicum Magistratum. Perpetua interim Regum Iuda cum Regibus Israël, æmulâ potestate exhausta bella, si quadraginta pacis annosub Salomone excipias.

Ita pace, bello, suas vices seruantibus, Ecclesiæ Iuuentus è suis malis robur accipiendo, virtutem auxit; donec sub Pontificibus, ac Ducibus quibusdam ad senectam deflexit, in qua per Machabæos tantisper animum torpentem excitauit. Sed mox sub Christo Rege, Duce, Pontifice, redditâ iuuentute, ad nos vsque indeflexâ maturitate peruenit. Cæterum tantam rerum molem per tot annorum millia, tamque longam Historiam multi profecuti sunt stylo vberrimo: Ego si placet, in compendium ducam; & quidquid Doctrinæ temporum & sermonis elegantia decrit, breuitatis vt spero gratiâ, pensabitur. Et hîc quantum intelligo non vnus populi facta, sed omnium terè gentium quasi annales scribam. Ita enim Ecclesia cum diuersis gentibus ac populis bella permiscuit, vt ipsa totum orbem debellasse vel pacasse citra adulationem dici possit. Tot verò decursa annorum spatia tam frequentibus ad vtrumque solem victoriis respondent, vt restet adhuc locus miraculo, quî tam breui ætate tantum operum pace belloque administrari potuerit.

*De Adam & Eva primis  
Parentibus,*

CAPVT PRIMVM.

*Ex cap.  
1. & 2.  
Genes.*

**P**rimus mortalium Adam cum Coniuge Eva, si delicti pœnitentiam attendimus, Pater & Origo Ecclesiæ vocari possit. Vterque à Deo, sed non eodem loco & tempore geniti. Ille prior & totus ex spiraculo Dei animum, ex luto corpus effectum accepit: hæc Divini operis portio, pars item Adami Coniugis; si quidem huius costa per soporem excussa primæ fœminæ ædificium fuit, ut verè cuigilans dixerit, *Hoc nunc os ex ossibus meis, & caro de carne mea.* Sextâ mundi die progenitus Adam, nam primis quinque diebus, hinc cœlum syderibus splenduit, terra floribus vernavit & fructibus, illinc piscibus mare à terris seclusum impletum est, & sicut in aerem volucres se receperant, ita in terram bestię. Hæc omnia ex arte Dei prima prodierant, ut Adamum postremò natum veluti Regia quædam Regem suum exciperent. Certè eò posteriori venit origine, quò prior dignitate futurus erat. Translatus in amœnissimum hortum (paradisum vocant in cuius medio fons saliens ac deinceps in quatuor orbis fluminum capita



deriuatus, Cœli ac pluuiæ vicem subibat } ibi datâ sibi Coniuge Euiâ, consecrata audit primordia thalami : insuper adductis sibi animantibus ex omni genere, nomen suum cuique imponit, quod nulla ætas correxit, nulla deleuit obliuio. Et iustè quidem omnibus his indidit nomina, qui omnium norat indolem & latentem naturam.

*De pœna & pœnitentia Adam  
& Eue.*

**S**Ed infidias serpentis non intellexit : *Ex cap. 3. Genes.*  
Nec mirum latebat in serpente Dæmon. Hic miser præ superbia factus, præ liuore fœlicem hominem pati non potuit. Peccati nifus est habere consortem, vt haberet pœnæ complicem & miseræ socium. Loci amœnitas corruptelæ fuit illecebra, & ruinæ occasio. Pendebant ex arbore poma, non magis gustu sapida, quàm oculis suauia. Eua pro sexu auida, facilis decipi, pomum legit & vorat, & ne vel sola peccet aut vno genere criminis, Coniugem Adam ad vetitum fructum pertrahit. Hic nec sexu melior, nec mente cautior, mortis, quam interminatus fuerat Deus, deglutit sententiam. Vt vera hæc forent *in quocumque die comederis ex eo, morte morieris.* Peccat ergo hic, peccat illa, vir authore fœminâ, fœmina astu serpentis, id est suasu Dæmonis. At neuter impunè tulit, quia neutrum delicti pœ-

nituit ; uterque è paradiso ejicitur ,  
 aperti amborum oculi , & non minùs  
 mente quàm corpore se nudos erubere ;  
 protinùs folia ficus rapta sunt ad tuen-  
 dum pudorem. Lugent ejecti & quasi  
 extorres , & ne quando redeant , flam-  
 meo Cherubim gladio prohibentur.  
 Distulit mortem Deus , tum vt spatium  
 foret suscipiendæ sobolis licet morituræ ,  
 tum vt vitâ productiore longior fieret  
 expiatio criminis. Interim Adam steri-  
 lem campum ad multum sudorem exco-  
 lit & spinas pro fructibus colligit. O  
 dignam hominis fructum veritum depasti  
 pœnam. Mulier multiplicem fœtum cum  
 dolore nixa , facta est viro seruiens , quæ  
 Deo noluit obsequi , & vix vel ab vno  
 fructu abstinuit. Serpens reptare humi  
 iussus quia Dæmonis superbiæ seruierat ,  
 & terram mandere quia prohibitam es-  
 cam porrexerat.

*De liberis primorum Parentum.*

*Ex cap.  
 4.  
 Genes.*

**P**Rima soboles huius puerperæ Cain ,  
 secunda Abel , hic pastor opima gre-  
 gis Deo , ille agricola vilissima quæ que  
 de frugibus libabat. Et hinc inuidiæ fo-  
 mes , deinde parricidii nata occasio.  
 Nam egressus foras Cain fratrem ob-  
 truncat , inuidens quod ex lautiore sa-  
 crificio præsentius Dei numen sentiret  
 & amiciores in igne vultum. Parrici-  
 dam tremor capitis , aut alia similis pœna  
 secuta est , ceu signum aliquod à Deo

positum ne quicumque illum vagum & erronem ex diuina sententia inuenisset, occideret. Hic profugus ærumnam suam coniugio cum Calmana sorore & ex ea suscepto Enoch filio solatus est, errores verò suos in oppido de nomine filij excitato finire non potuit, at vitam potuit. Namque illum ( si credere fas est ) dum inter sylvas errat vt fera, sicuti feram confixit Lamech ipsius Caïni infelix nepos & incautus venator, imò cæcus vt volunt, cuius quia puer qui regebat vestigia, malè direxit manum, percussus fuste periit, vti deinceps Lamech iratis vxoribus indicauit, *Occidi virum in vulnus meum & adolescentulum in liuorem meum.* Vno verbo ambigua est mors parricidæ Cain, quo tempore aut loco aut genere mortis obierit. Certissimè constat adamum post substitutum in locum Abelis Seth filium, triginta supra nongentos annos natum mortis subijisse edictum. Dignus hic quem genus humanum recolat vt authorem, licet citiùs peremptor fuerit quàm parens, tamen tam in peccando felix vt Deum in terras deduxerit, alterum velut Adam, sed utique meliorem, id est primi cum posteris Redemptorem.

*De Noë Patriarcha.*

## CAP V T II.

Ex 5. 6.  
ad 12. c.  
Genes.

**P**ost Adamum & Sethum octaua fo-  
boles ortus est Noë instaurator  
mundi diluuiο absorpti factus , quando  
ad noui seminarium referuatus est. Proa-  
uos habuit Enos Sethi filium ; deinde  
Caïnam , Malaleel , Jared , Enoch ,  
quem tulit Deus & subduxit à confor-  
tio hominum [ viuere adhuc traditur  
serò admodum moriturus ] post Enoch  
Mathusala , post Mathusalam Lamech  
inter maiores Noë computantur. Po-  
stremus tanti huius Patriarchæ genitor  
filium intellexit quantus futurus esset ,  
cum ait : *Iste consolabitur nos ab operibus  
& laboribus manuum nostrarum in terra  
cui maledixit Dominus.* Igitur de Noë  
multa , nihil de maioribus , quibus sicut  
antecelluit virtute , ita peculiariter de  
illo scribendum fuit. Vnus hic cum tota  
familia , quando placuit Deo homines  
aquis extinguere inter tot funera exci-  
pitur , vt sicut humanorum scelerum sor-  
dibus eluendis immissum erat diluuium ,  
ita intactum præteriret hominem nul-  
lius sceleris conscium. Arcam quâ se  
cum vxore & tribus liberis & eorum  
coniugibus condatur , & fluctus enauiget  
iubetur ædificare.

*De Arca & Diluvio temporibus  
Noë:*

**Q** Vantum hæc Arca diuinæ artis miraculum ! nam centum annorum hoc opus fuit, ad trecentos cubitos longa, quinquaginta latitudo seu capacitas vteri capiebat, ad triccesimum porrò cubitum altitudo surrexerat, & in arcum defecerat. Ligna dolata scalpris & bitumine liata totum in tristega compingunt ex arte Dei ædificium. Non satis erat seruasse homines ad supplendam gentem, nisi & cuncti generis animantia in Arca Noë velut in seminarium concurissent. Mirum est, vt resipiscerent homines centum annos huic lignæ moli ædificandæ consumptos: nec resipuisse tamen obfirmatos vitiis, inolitâ vbivis peccandi consuetudine, *Omnis quippe caro corruerat viam suam.* Gigantes tunc erant, id est homines nimij corporis ob deformem libidinem, animo quoque sublimes audebant in Deum, & montes vt fert fabula montibus imponebant, nempe sceleribus scelera cumulabant, hinc eos sollicitabat forma mulierum, illinc persuadebat impunitas. Sed vix in Arcam cum cibariis intrauerat Noë, & mox effrænis hominum libido Deum sensit ultorem; quippe in dies efferuescens & multiplicatâ prole audacior sensim aquis extinctus est: quadraginta per dies noctesque ruit imber de Cælo, inundata tellus, operi

montes etiam Armeniæ, & sic fluctuans Arca totum orbem portabat. Dimisso coruo nec redeunte (detinebant cadauera) deinde bis è fenestra emissa columba, intellectum est aquas immixtas fidisse, vbi ramum virentis oleæ rostro prætulit pacis amicum animal. Tandem egressus est Noë & totus cum eo mundus emerfit, & ne rursus timeretur tam prodigiosa eluies, posuit Deus arcum in nubibus; Quàm felicitis Augurij significabat enim placatum Deum ex sacrificio Noë. Primam vitem panxit & ordine posuit, sed noui liquoris dulcedinem hauriens, & vim occultam non capiens, captus est ipse à vino, quod nec suo pepercit authori. Ebrius crapulam edormit & nudat etiam indecorè membra, vidit Cham filius & risit, & cum risu rem pudoris fratribus exposuit, sed in Chamo læsa pietas: hinc in maledicta Patris euigilantis incidit, quin etiam audiit posteros seruitute damnatos, ne levis pœna videretur, si in vno parente consisteret. Duo reliqui fratres accipiunt potestatem in posteros fratris, digna piæ mentis hæc merces, vt qui auersis frontibus & rapto pallio membra patris velauerant.

*De diuisione Orbis & Turri Babel*

**T**Vnc orbis vna Regio erat, vna lingua, vnus populus, sed crescentem

hominum foeturam cum terra vna capere non posset pleræque mundi factæ sunt partes, aliis aliò tendentibus & se in diuersas gentes & linguas scindentibus. Sub Heber (vnde Hebræorum nomen) facta hæc dicitur mundi partitio in Asiam, Europam, Africam. Prima filiis Sem contigit, media Chananæis, postrema posteris Iaphet. Huius diuortii linguarum causa, turris Babel. Nemrod abnepos filiorum Noë, idemque Gigas & alii multi celsissimam turrim ad Cælum vsque educunt, tum vt propius Deum suâ superbiâ appetant, tum vt perenne sibi faciant nomen: deerant saxa, lateres cocti pro saxis, bitumen pro cæmento fuit. Sed hanc audaciæ molem, ne dissimulante Deo altiùs exeat, protinùs eodem impetrante eruunt Angeli à fundamentis. Quâ arte id fecerint, diuinum est. Confundunt illi ædificantium linguas, mox cum socius loquentem socium non intelligeret, dirempta est societas omnis. Hinc septuaginta duæ linguæ totidem Noë familias in diuersa orbis misère. In locum turris successit Ciuitas, quæ Babylon dicta à confusione linguarum. Sic factum est vt idem Noë dum viueret & mundum propè periisse aquis viderit & enata senauefragiò, verè alter idcirco noui orbis Pater censendus.

*De Abraham Patriarcha.*

## CAPVT III.

*Ex cap.  
11. ad 21.  
Genes.*

**H**ic est ille populi Pater Iudaici, & Ecclesiæ Gentium præcipuum columen, Dei præsertim seruus obedientissimus, vt quidquid Deus instaret iubendo, ille parendo nunquam deficeret. Quater migrare loco & mutare sedes iussus, Patriam vbique esse intellexit. Primum relictâ domo Paternâ, gente, cognatione, ad Chanaan ex oppido Haran se transtulit. Vxor comes assumpta, & Loth nepos ex fratre Aram, tota insuper supellex cum vernaculis translata est vt spem redeundi sibi præcluderet. Mox cogente fame, terræ hunc angulum, vbi posito altari & tentorio Religioni vacabat & familiæ, mutat cum Ægypto licet tunc supersticiosissima gente, quam adire res erat periculo proxima, nisi Deus præciperet. Vix ingressus, timuit formosæ Coniugis pudicitia, timuit & vitæ suæ. Prudens ille dissimulauit Coniugem & professus est consanguineam, nec mentitus est (reuera sobrina aut neptis potuit tunc in vxorem duci) spe plenus consulturum Deum vxoris pudicitæ, quæ res est Dei, si vitæ suæ præcaueret ipse. Nec fefellit opinio. Rex Pharaon dirè per no-



Item flagellatur à Deo , donec dimissa Sarâ cum viro , abstinuit furto ac libidine. Raptę mulieri sic violenter illudi poterat , nisi Deus plagis voluptatem auerteret. Ex Ægypto reuersus in Haran Loth comite , breui dissociari ab ipso oportuit. Orta rixa inter vtriusque pastores , vtrumque loco diuisit non animo. O noxias & incommodas opes quę nec cognatos habitare sinunt communiter! Angusta visa est hæc terrę portio tantis viris totque diuitiis continendis. Ille multi auri argentique diues erat, hic pecore & armentis abundabat.

*De pralio Abram cum quinque  
Regibus.*

Captus Loth in Sodomis ( Sodomam quippe datâ sibi optione adierat, Patruus in Hebron ad conualem Mambrę venerat ) abducebatur vt seruus à Cordolahomor Rege Persarum. Sed Abram instructo mox exercitu ex decem & octo vernaculis supra trecentos facto de nocte impetu nihilominus illustrem parat victoriam. Nam quatuor victores Reges de quinque Pentapolis Regibus in fugam vertit, Nepotem recipit, relictis sarcinis & prædâ potitur. Ita, vt tulit occasio, virum pium & Religiosum miscuit cum milite ac strenuo duce; & ne militarem virtutem corrumperet auaritia, Regi Sodomorum manubias dedit.

dixerat Rex : *Da mihi animas , cetera tolle tibi*, at contrà Abram leuo manum ad Dominum Deum excelsum possessorem cœli & terra , quod à filo subtegminis usque ad corrigiam caliga non accipiam ex omnibus qua tua sunt , ne dicas: Ego distaui Abram. Vt demum hanc victoriam Deo redderet, quo protegente vicerat decimam ex omnibus Melchisedech Regi simul ac Sacerdoti consecrauit.

*De liberis Abram, Isaac  
& Ismaele.*

**A**ffluenti omnibus copiis Abram deerat filius , qui promissus bis terque diuino Oraculo , concessus est tandem post Ismahelem ex Agar ancilla. Ismahelem octogesimo sexto ætatis anno cum genuisset Abram annuente imò hortante Sarâ , centesimo etiam anno promissam à tribus Angelis sobolem creari posse sperauit , risit verò Sara & ex risu incredulo appellatus est puer Isaac , quem nonagenaria mater ipsa lactauit. Vtrumque prodigii simile & vterum gestasse aniculam & lac vberibus expressisse. Natus, & octauo die circumcissus est puer, vt patrem hoc circumcissionis stigmatate plenius referret, & sicut ille minutus corpore , virtute & nomine creuerat ( Abraham deinceps vocatus qui prius Abram ) ita hic quoque populi Dei Regum ac Ducum fecunda esset origo. Magni cum lætitia

epuli ablaſtatus Iſaac permiſſus eſt cum Iſmahēle creſcere & iſdem moribus inſtitui. Sed cum colludentes vidiffet aliquando Sara, timuit ne quaſi per ludum Iſaac minorem occideret maior Iſmahel. Hæreditatem forte affectans ſuggerente Agar matre. Tanti vel mali primâ ſuſpicionē, quin & Dei monitu, eiicitur cum filio ancilla mater in inuiam ſolitudinem, & ita cum matribus diſſociantur filii, quos ſicut diuerſo vtero natura fuderat, ita contrariis moribus ſimbuit educatio, ſiquidem Iſmahel vir effectus, & Ægyptiâ vxore ductâ ferino quaſi more vixit inter feras & ſaxa, adeo bellator & ſagittandi peritus, vt verè in prouerbiū ierit: *Manus eius contra omnes, & manus omnium contra eum.* Contra mitiſſimus Iſaac & domi aſſiduus, & parentum obſeruantiffimus, vitam ſemper paratior perdere quàm obedientiam.

### *De ſacrificio Abraham.*

**I**Vſſus à Deo Abraham vnicum filium imactare pro hoſtia, ſicut filium Pater libens Religioni poſthabuerat, mox dicto obediens ex conſenſo monte qui ſibi monſtratus fuerat, ita & filius ſtruem lignorum portat ad ſui incendiū, præbet manus ad vincula, & ceruicem aptat ad ictum paterni gladii, niſi prohiberet Angelus. Vno verbo ad mortem uſque obediſſimus. - O in-

credibilem animi paterni constantiam, qui Patrem funditus exuit, vt Deo parêret ! O fidem singularem, credidit senex etiam ex occiso, sed tamen rediuiuo filio exituram populorum innumeram gentem ! O filii simplex & rarum obsequium ! Vtriusque virtutis velut admirator Deus & Patri filium intactum relinquit, & filio iuratus spondet, se olim post mille Reges ex illo vt ex Patre oriundum. Itaque non moritur Isaac tam noua victima, suffecto in illius locum ariete, sed moriur mater Sara viginti septem supra centum expletis annis. Illam vir diu defletam digno prosecutus est funere, & sepulchro condidit ingenti pecuniâ empto ab Ephron Ethæorum Principe. Et hic mortales docuit dignam esse prudente viro curam sepulchri. Fuit in hoc, spelunca duplex, vt postquam vna Saram Conjugem concluderat, altera post Abraham acciperet. Vbi positus est ille septuagesimo quinto supra centesimum euoluto anno, ita confectus senio, vt potius defierit viuere, quam visus sit mori. Dignus vir tantus qui vel nunquam obiret, vel plusquam tria expleret sæcula ! Dignus quoque tam sanctâ Coniuge, cuius si forma eximia Regibus tum Pharaoni, tum Abimelech libidinem indidit, at pudicitia (Deo fauente) extinxit, & credita soror Abraham, coniugii iura seruauit.

*De conflagratione Sodoma  
& Gomorrhæ.*

**H**ic denique magnus est Abraham, cuius oratio ab vniuersa Pentapoli ignem de Cœlo ingruentem auerterat, si casti vel decem inuenti fuissent in quinque vrbibus homines. Exaudita tamen vota tanti viri in seruato Loth nepote & vtrâque illius filiâ. Cæterum absumptæ igneo imbrey Sodoma & Gomorrhæ famosæ olim vrbes, nunc cinis & fauilla. In monumentum rei diu stetit imago vxoris Loth ex sale conficta, & mare (vt vocant) mortuum & tota Regio infœcunda. Hanc pestem de Cœlo misit vindex Deus Sodomitici flagitii, quod quia commune & familiare toti populo, omni sexui, cunctæ ætati, ideo conflauit populus omnis, ætas, sexus, conditio. Tam fœdum, tam horribile visum est Angelis hoc spectaculum ignis, totam in cineres Sodomam & quasi in mortem nominis redigentis, vt crederent oculos Loth tam fœdo pollui posse spectaculo. Abductus igitur in urbem Segor & inde in montem, dixerant enim Angeli; *In montem saluum te fac, ne & tu simul pereas*, Præceptum illi est ne post tergum respiceret. Vxor rata licere sibi quod erat prohibitum viro, conuertit retro pedem & oculos, sed ipsa vicissim in pœnam, conuersa est ex fœmina in salis statuam, vt sic sale con-

ditā curiositatem in cæteris emendaret. Itaque Loth vnus sospes & duæ filiæ: Credidēre istæ funditū in excidio Sodomę periisse genus humanum. Itaque Pater (horribile dictū) cum vtrāque filiā rem mariti habuit, dormiens quidem, sed non sobrius ac prudens satis. Nam duæ Virgines Patrem vino impleuerant, vt quælibet suam noctem & prolem haberet, & ambæ non tam exple-  
rent libidinem, quam vt perituro orbi succurrerent. Maior Moabitici populi author, minor Ammonitici parens effecta est.

---

### *De Isaac Patriarcha.*

#### C A P V T IV.

*Ex cap.  
21. vsque  
ad 28.  
Genes.*

**A** Brahæ Patri successit hæres Isaac (nam cæteros ex Cethura seu Agar filios legatis muneribus ditauit.) Hic à Deo vt apparebat destinatus neci, permissus est viuere, cuius vita insigne morum futura erat. Non debuit citò mori qui Patri ad mortem vsque morem gesserat. Et quia ex Isaac oriunda erat Christi familia, imò & Christus ipse, traditur ipsi Rebecca in Coniugem. Nec vetat esse cognatam (sic ordinante Deo) quippe illi Bathuel Pater, ex Nachore fratre Abraham progenitus, nec erubescit virgo accipere munera ab Eliezer

pronuubo, vbi datas inaures & armillas intelligit esse dona consanguinei. Ad hoc coniugium non tam puellæ forma inclita, quàm plena officii charitas profuit. Nam roganti Eliezer pauxillum aquæ tum sibi, tum camelis de via fessis, protinùs infundit illa & camelos aquat quantum satis erat. Hoc vno experimento cogitauerat Eliezer probare quæ futura esset vxor Domini sui. *Quacumque, inquit, Puella mihi potum dederit ex hydria, quin & camelos meos decem adaquauerit, hanc certissimè vxorem Isaac optabo ex omnibus qui ad fontem conueniunt.* Incidit illi hæc cogitatio, humana an diuina incertum est. Non minor charitas Patris quàm filiæ erga Eliezer. Deducto illi in domum Bathuelis mox loti pedes, destrati cameli, apposita fœnum & palea, instructa mensa: sed ex tot tantisque officiis bonorum hospitum præcipuum fuit desponsatio puellæ. Negare filiam non potuit pater tam cœlesti omine destinata Isaac. *A Domino ( inquit ) egressus est sermo, non possumus extra placitum eius quidquam aliud loqui tecum.* Volens etia mabducitur Rebecca. Interrogata, vis ire cum homine illo? respondit ingenuè, vadam. Quantis abeuntem votis profectuti sint parentes imprecantes prospera, testantur hæc verba. *Soror nostra es, crescas in mille millia & possideat semen tuum portas inimicorum suorum.*

*De liberis Isaac, Iacob & Esau.*

**D**Vctam Coniugem Isaac tam impensè diligit vt amissæ matris dolorem Rebeccæ amor tandem lenierit. O beatum par, si liberis non caruisset! Sterilitatem tamen vteri vicit oratio, & quia duplex ob vtrumque Coniugem orantem, ita geminam prolem obtinet. Ante partum collidunt se in vtero paruuli, & quasi iam de laurea decertant & futuram inter ipsos discordiam de vtero ipso anticipant. Et cum vim faceret matri infantilis hæc altercatio, *Si sic mihi futurum erat* (inquit) *quid necesse fuit concipere?* Consulto Oraculo quid hoc rei foret, responsum est duas in vtero gentes seu populos contineri; quorum alter scilicet minor maiorem debellaret; hoc geminorum partus præmonstrauit. Nam qui secundo loco prodiit, plantam prioris premebat, vt vel vnicus videretur nasci puer, vel duos simul viderentur effusi. Inde Iacob, id est supplantator, posterior dictus, prior Esau, id est pilis horridus ac rufus. Illum mater, hunc pater charum habuit ob dissimilitudinem morum. Nam Iacob placidus ac mitis domi & quasi in gremio matris creuerat, Esau venator, ferox & quasi ferinus in agris euaserat. Vnum erat quo patri placeret, & tam ferus pietatem tamen coleret. Frequenter pingui ferinâ patrem pascebat. Delectabatur



pater tam suavi nutritio. Quin etiam  
 ſenior factus & caligans Iſaac, iam pro-  
 pè ſuo Eſaü benedixerat id eſt primoge-  
 niti iura conceſſerat, niſi conſcia Re-  
 becca tantum patris inuidens benefi-  
 cium Eſaü, in ſuas delicias, hoc eſt in  
 Iacob cauta, tranſtuliffet. At hic levis  
 erat corpore, hirsutus ille, nec tam fa-  
 cile vnus alterum diſſimulare poterat:  
 Quid in re tam ardua conſilii? quid in-  
 duſtrię? omne conſilium ſupplet ars  
 ſcæminea, & tandem pius dolus aufert  
 quod virtus non poterat. Dum vagatur  
 camposque luſtrat Eſaü vt patri placi-  
 tum quęrat edulium, citò conficit ma-  
 ter ex hœdi carne pulmentum. Et vt Ia-  
 cob Eſaü vel falſus credatur hœdinis  
 pellibus leues filii manus & colli nuda  
 circumdat, reliquum corpus optimis &  
 fragrantibus Eſaü veſtibus induit, vt  
 vel ſic veriùs fratrem reddat. Dolum  
 prodidit vox & manus fecere errorem,  
*Vox, inquit, vox Iacob eſt, manus autem  
 manus ſunt Eſaü.*

### *De benedictionibus.*

**I**Ta deluſus Senex filios diſcordes fe-  
 cit, inter quos nulla pax deinceps aut  
 reconciliatę gratię ſigna fuerunt, ſic  
 fictus Eſaü benedictionem patris felici-  
 ter caligantis ſibi præripuit & hæres  
 omnium bonorum ſcriptus eſt. De rore  
 Cœli & de pinguedine terrę, accepto  
 in fratrem & poſteros illius ſummo

Imperio. At non sine veri Esaü exhæredati rugitu & indignatione propè hostili. Vidit hic se altera vice supplantatum à Iacob, qui priùs primogeniti ius & locum lentis edulio mercatus, nunc dolo & mentito habitu benedictionem paternam abstulerat. Instat tamen Esaü & à sene vel de mendacio, vel de mysterio stupente & anxio, tandem lachrymis aliam benedictionem impetrat; sed præposteram, nec ferocis animi votis respondentem, siquidem iubetur saltem in posteris fratri seruire, spe datâ soluendæ olim seruitutis. Hac spe nihilo placatior factus oderat fratrem, & furtum quod recuperare non datur, parat vlcisci. Ultio in patris vsque obitum differtur, ne vno ictu fratrem patremque è viuis auferat. Rem suspicata mater, quæ in filium Iacob hæreditatem primogeniti transtulerat fratris, vitam quoque è periculis eripere studet. Itaque periclitantem Iacob ad auunculum Laban mittit, vt ibi seu perfugium seu exilium quærat, donec sileât germani indignatio. Interim Isaac octoginta annis supra centum expletis, excidit è viuis, parentantibus ipsi utroque filio Iacob & Esaü, in hoc saltem officium pietatis conspirantibus animis, cæterùm, discordibus. O pulchram sanctissimi viri mortem ipsâ vitâ efficaciorē, quæ odia fratrum acerbissima extinguere potuit vel suspendere! Quis virum hunc vel de fortitudine: admirari sufficiat, vel col-

laudare de prudentia? Tam fortis ille ut  
timuerint hostes: testis Rex Palæstino-  
rum Abimelech, quem pacem petere  
compulit: amauerint sui, testis vnicus in  
uxorem amor, liberorum sollicita edu-  
catio, seruorum non minus rectè insti-  
tuta quàm ampla familia. Magni fecit  
quoque ipsum Deus, ut qui nomen Isaac  
sicut & Patris Abraham diuino atte-  
xuerit, dictus deinceps *Deus Abraham,*  
*Deus Isaac.*

---

*De Iacob Patriarcha.*

C A P V T V.

**I**acob postea Israel dictus à conspecto  
Deo in Angeli specie, duodecim fi-  
liorum pater & vnica puellæ cui nomen  
Dina. Hic populum ac familiam Dei  
propagaturus Coniuges habuit binas so-  
rores, primùm Lia desponsa est, deinde  
Rachel, nec tamen incestus ille thorus  
fuit, quem Deus sanctum fecerat. Cæ-  
terum tanto labore & æumnâ, tot  
auunculi fraudibus ad optatum coniu-  
gium peruenit Iacob, ut dulcia non nisi  
post amara gustauerit. Primùm quàm  
longum ac difficile iter ad Laban expe-  
diendum fuit, sed Deo apparente, vel  
adiuuante de Scala, cuius ima terram,  
pars summa cælum pulsabat simul com-  
mitantibus Angelis qui nunc descen-  
dendo per gradus Scalæ, nunc ascen-

*Ex cap.  
28. vsque  
ad 38.*

dendo ad eum , pulchras vices seruabant , labor omnis viæ releuatus est senfim. Quantus hic vir cui se tota Regia Cœli circumfundebat , cui Deus ipse Scalæ innixus quasi de suggestu futura pronuntiat dormienti ? Repentè hæc visa horrorem , postea fiduciam fecere , inde Religio loci verendi ob præsens Dei Numen , inde votum de decima fructuum pendenda , inde titulus ex lapide capiti supposito. Itinere confecto venienti Iacob occurrit Rachel , quæ sicut consobrini castum admisit osculum , ita festinauit Patri denuntiare illius aduentum. His illa officiis ad futuras nuptias proludebat. Sed tanti erat forma pulcherrimæ Rachelis vt septenni labore in custodia gregis Laban quasi merces obtinenda fuerit , & vtinam soceri fraus nulla frustrata esset laborem generi , certè in gratiam tam boni coniugii & breue tempus & labor exiguus videbatur. Sic infra laborem amor fuit , & virginis forma seruitii tædia absterfit.

*De duabus vxoribus Iacob.*

**E** Voluto septennio ( ô iniustas auaritiæ sordes ! ) non Rachel nuptui traditur , sed Lia , maior quidem natu , at indecora vultu & Lipa oculis. Causatus est Laban consuetudinem loci , quia iuniores natu filiæ postremæ nubunt : sed verè in causa fuit auaritia , nouum septennium laboris exigere voluit Laban , priusquam Rachelem traderet.

Septem

Septem dierum conuiuio genialis thori  
 lætitia transacta est. Sed hanc lætitiā  
 tristitia non parua excipit. Nam Rachel  
 infœcunda luget, dum interim Lia qua-  
 tuor subinde enixa est liberos, Ruben,  
 Simeonem, Leui & Iudam. Certè Deus  
 factum formæ Rachelis vtero infœcun-  
 do deprimere voluit, & ne totus amor  
 Iacob in Rachelem transfret despectâ  
 Liâ: liberos tamen Rachel arte quærit,  
 quos negat natura, vt quos proprio  
 vtero non potest, suscipiat alieno. Viro  
 suo supponit ancillam Balam, quæ qua-  
 si ex vtero Dominæ duplicem partum  
 effundit primâ vice Dan, postea Nepht-  
 talim, quos Rachel, quia non genuit  
 ipsa, saltem adoptat. Artem hanc simili  
 arte elusit Lia. Ex Zelpha famula duos  
 per virum extorquet & arrogat sibi fi-  
 lios Gad & Aser. Dolum hunc vltus est  
 Deus: interruptâ fœcunditate Liæ ad  
 tempus. Sed rursus duplici prole mascu-  
 lâ Issachar & Zabulon intra duos annos  
 intumuit vterus. Nata est postremò  
 Dina ne quis sexus ex Lia deesset amplæ  
 Iacob familiæ. Tandem etiam Rachel  
 ne perpetuò inuideret sorori, Ioseph pe-  
 perit. Puer hic natus & matris ignomi-  
 niam erasit & alterius prolis habendæ  
 obses fuit. *Addat mihi (inquit) Dominus*  
*filium alterum.* Addidit Deus sed damno  
 matris, si quidem secundæ proli vitam  
 dando amisit ipsa dolore puerperii.  
 Ideo expirans mater filium vocat Be-  
 noni id est filium doloris, Pater vero

Beniamin appellat, id est filium dextræ.

*De stupro illato Dina.*

**F**elix Iacob tot filiorum pater nisi filiam procreasset, quæ stuprum passa & patrem luctu conficit, & domum dedecore fœdat, & urbem Sichem totam cædibus iniquè prosternit. Hæc virgo dum cupit se videri & amari non timet, visa est à Sichem filio Regis Hemor, & hic ex illa per vim abstulit Princeps quod sponte non dederat. Sed tam breue gaudium (quod solet in cæteris) luctus ingens excipit, & mors immatura sicut florem pruina decoxit. Data est in Coniugem Dina corruptori, si tamen circumcidi vellet cum suis. Et protinùs circumcidit se ipse & cum eo vniuersus sexus virilis in oppido Sichem, vsque adeo vrgebat amor, sed latuit dolus amantem, nam fratres Dinæ circumcisionem veluti occasionem captant perdendi Regis cum filio & totius plebis delendæ. Illi tertio die, quo vulnus in recutitis acrius ardet, per urbem hostili furore bacchantur. Tandem ita strage, cæde, prædatione sæuiunt, vt deinde urbem in vrbe quæsierint finitimi populi. Huius cladis misertus Iacob & indignatus in filios aucthores præsertim Simeonem & Leui increpat, & *Turbatis (inquit) me & odiosum fecistis me Chananæis. Nos pauci sumus, illi congregati percutient me & de-*

*labor ego & domus mea.* Digna viro sancto, digna patre increpatio, vt qui nec faciendam vltionem iusserit, nec factum approbet.

*De fraudibus Laban erga Iacob.*

**Q**Vis labores, æumnas & itinera Iacob enumeret? quanta in domo auunculi passus? quot fraudes vafri ingenii expertus? decies intra sex annos pactâ mercede frustratus est, nunc varios fœtus ouium nunc vnicolores sibi optante Laban. Imprimis quidquid ex pacto maculosum & varium natum esset ex grege concessum est Iacob: quidquid album aut nigrum Laban suum esse voluit. Tunc omnes ferè oues varios fœtus enixæ ob populeas virgas quarum pars nudæ cortice id est candida, cætera viridis, colores gregis miscuit in ipsa commixtionẽ sexuum. Invidit statim socer genero tantam ouium & caprarum fœturam, ideo sibi pecus omne sparso vellere natum attribuit. Sed qui alios fallere voluit, falsus ipse ac delusus est. Quippe Iacob oues & capræ nascebantur vnicolores, id est nigræ vel candidæ, quia virgulas arborum non applicuerat. Iterum Laban optare istas nunc alias & nunquam optata consequi. Quid enim hominis consilium proficit, nisi secundet Deus? Ob hæc ingratum focerum clam & iubente Deo deserit tandem patientissimus gener. Fugientem

insecutus Laban redire cogitur, quippe Deus vetuerat ne quid asperius aut diceret aut ageret; quin & fœdus vtrunque percussum est. Ideo tumulus testis ex aceruo lapidum

*De occurſu Eſaii fratris.*

**S**ed illæſus à ſocero Iacob, Eſaii fratrem venientem formidat. Hinc hostile illius odium, hinc frequens comitatus (nam cum quadringentis viris instabat) terrificant hominem. Sed ubi videt occurrentes Angelos velut castra Dei, homines timere desinit, Deo ipso armatus. Imò victoriæ de Germano preiudicium accipit, luctatus cum Deo in forma Angeli & victor effectus. Vnde Oraculum. *Quid times Israel, quoniam ſi contra Deum fortis fuiſti, quāto magis contra homines praualebis?* Ex hac horribili lucta claudicat Iacob, tacto neruo & luxato femore, sed mutatur nomen in melius, dictus Israël à viſo Deo. Itaque metu poſito fratrem adit Iacob, pronus ſalutat, ac deinde totus ex familia exercitus. Nam præmiſſo per nuntios munere totam familiam & pecus in duas quaſi turmas diuiſerat, vt ſuperaret vna, ſi periret altera, irruente fratre vt in ouile lupo. Ordo hicerat exercitus. In principio ancillæ duæ cum liberis earum, medii Lia cum filiis, poſtremo loco Rachel cum ſuo Ioseph. Sic Pater familias Duccem agit in re familia-



ri. Tandem placatus Esaü partim munere, partim honore, præsertim diuino Numine relegit iter suum & securum periculi dimittit fratrem. Pro tantis beneficiis gratias Deo habet Iacob, & sæpe erecto altari Deum litando sibi propitiatur. Quis porro errores & varia Iacob itinera explicet? A Patre primùm in Mesopotamiam ad oppidum Haran, hinc ad Sochoth transit ad salem Sichimorum. A Sichimis tandem redit ad Patrem, quo defuncto tot domesticis iactatur procellis, nam præter Dinæ dedecus, primogenitus Ruben, paternum thorum polluit, vitiatâ concubinâ Balâ, dilectus Ioseph diuenditur à fratribus, Iudas apud externos coniugia quærit lugegente Patre, hunc fames expellit propriis laribus in Ægyptumque amandat, seruire cogit Pharaoni. Tot denique labores tot dies mali peregrinationis vetulum Iacob conficiunt ut in vnica morte portum quietis inuenerit.

---

*De Iuda Patriarcha.*

C A P V T V I.

Primis Patribus annumerandus est Iudas, ex quo Reges Iudæi imò & Christus ipse secundum carnem. Iste Chananæi viri filiam Coniugem accipit, hoc est alienigenam præter morem &

*Ex cap.  
38. Gen.*

placitum patris. Ac licet hîc myſterium ſubefſet aliquod, non modicè tamen indoluit pater. Ex hoc coniugio tres liberi creati Her, Onam & Sela. Duo primi vltice Dei manu cadunt, quia coniugium cum Thamar vtriuſque vxore corrumpunt. Hæc deinde vidua, quia negatur ſibi minimus natus Sela ( ſi quidem pater timuerat ne hic pari cum fratribus forte occumberet ) Iudam veluti coniugem appetit. Sed quia meretrix credita eſt, meretricio quoque amore polluta eſt. Vbi geſtat vterum Nurus, viam præcipit Iudas aduri, & imprudens in proprium ſcelus fit durus cenſor. Sed illa poſitis in medium annulo, armillâ & baculo Iudæ, quæ ille munera dederat quaſi præmia veneris, facile abſoluitur. Nam dum rapitur ad pœnam, exclamat: *De viro cuius hæc ſunt concepi*, & iudicem tam pœnitet iniuſti iudicii vt pro Nuru exclamet, *iuſtior me eſt quia non tradidi eam Sela filio meo.* Quis crederet tam fœdum concubitum mirabili partu concluſum, vt gemini in vtero contenderent, vter viam panderet miraculo, & tandem poſterior priorem anteuertit. Priorem vitâ coccineâ reuinxerat obſtetrix, vt priore loco natum diſtingueret, falſò dicens: *Iſte egredietur prior*, ſed iſto retrahente manum quam protulerat, erupit alter ſtupente miraculum obſtetrice & exclamante, *Quare diuiſa eſt propter te maceria?* & ob hæc dictus eſt hic Phares, alter Zara. Hîc

utroque, licet ex nefando incesto, quot  
posteror tot Reges aut saltem populi  
duces genuere, sicut ex mediis sentibus  
nascuntur rosæ.

*De Ioseph Patriarcha.*

CAPVT VII.

**P**Ræcipuum locum inter Patres Au-  
thores populi Dei castissimus Io-  
seph obtinet, qui licet vndecim fratrum  
fere minimus, si ætatem spectes, digni-  
tate tamen primus, tandem adoratus  
ab ipsis instar Regis, ita illi visa quæ-  
dam & somnia promiserant, alterum  
procumbentium vndecim manipulorum  
coram duodecimo qui Ioseph erat; al-  
terum vndecim stellarum duodecimam  
in hoc puero adorantium. Hunc Pater  
ob eximiam indolem & quia serò genuer-  
at, liberaliter educauit, & dilexit im-  
pensiùs. Sed deliciæ Patris & tunicâ  
polymitâ insignis inter fratres adoles-  
cens, inuidiæ veluti feræ pessimæ præda  
fuit, citra sanguinem tamen, ut vel ex  
hoc liqueret quàm rara fratrum con-  
cordia. Nam puerum fratres vix sex de-  
cim annos natum à Patre in agros mis-  
sum tunicâ exuunt, in cisternamque  
proiiciunt, indeque eductum; ô Bar-  
baries, in Ægyptum amandant! Non  
pudet pretium à mercatoribus accipere.

*x cap.  
39. ad fi-  
nem libri.*

pro sanguine cui pepercerant. Quanta in vnum crimen succurrunt scelera. Verum inclyta Ioseph virtus peregrino solo egebat, vt cultiùs effloresceret, & hîc etiam calumniæ vento percuti debuit vt altiùs radices ageret. Emptus ille in seruum à Putiphare Eunuchò regis incidit in suspicionem stupri cum Coniuge ac Domina, nec sibi patrocinate relicto ad fugam pallio, missus in custodiam, pœnâ sua alienum flagitium expiauit. O mirabilem Dei cuncta administrantis, & si fas est dicere, fatorum ordinem, quo falsus reus verus Rex Ægypti factus est, & ex ergastulo gradum fecit ad Regiam.

*De somniis Regis Pharaonis.*

**T**Vnc Ægypti Rex (Pharao nomen erat) diuersa somniauerat tam horrenda visu quàm ambigua explicatu. Viderat hinc è ripa Nili septem boues pingues ac latas ac deinde totidem macilentas ac deformes, illasque ab istis tandem turpiter deuoratas. Illinc septem spicæ apparuerant plenæ atque formosæ, quas aliæ septem tenues & vredine percussæ quasi datum pabulum consumpserant. Somniorum Regis nullus in aula certus coniectòr fuit, quasi de industria vt tota penes Ioseph interpretatio staret, & ex interpretatione Regnum ei obtingeret. Namque septem steriles annos post septem annonæ ube-

res ex his septem bobus aut spicis auguratus, præfectus est rei frumentariæ, mox toti Ægypto Rex alter datus, additus collo torquis ex auro & insertus digito annulus Regis. Currus demum pro vehiculo fuit, & pro veste stola byssina circumdata est. Fidem huic augurio fecit euentus summi tum Pincernæ Regis, tum pistoris, quorum ille redierat in gratiam Principis, hic in cruce suspensus obierat ex vaticinio Ioseph. Paulo post prodigii similis fames ac sterilitas toti Ægypto incubat: præcesserat septennis soli vbertas vix credibilis. Interim conclusæ intra Regis horrea segetes laxantur in alimoniam, pecuniis frumenta redimuntur, tandem vbi defecere pecuniæ, pecora, equi, boues, asini cum panibus commutantur. Postremò urgente in dies fame sese suaque omnia, agros, vineas, fundos Regiæ seruituti Ægyptii mancipant. Egestas proxima res est seruituti. Ita tota quâ late patet Ægyptus Regis censum auxit & ærarium.

*De pietate Ioseph erga fratres.*

**E**X Ægypto in alias Regiones permeauit fames, præsertim in Chanaanam, gaudent enim serpere mala & virus suum vbiq; diffundere. A Chanaanâ frequentes accedunt fratres Ioseph supplices & proni ad depellendam fa-

mem frumenta petunt & (ô miram somniorum fidem!) cuncti illum adorant ut Regem, quem antea vili pretio venderant. Cognovit ille fratres ab illis non vicissim agnitus. Inde simulatæ minæ ut in exploratores & suspectam gentem, inde ficta odia, acerbitates, supplicia, vera item beneficia, lauta conuiuia, semel & iterum redditæ intra saccos pecuniæ, & gratis concessa annonæ, sæpius obortæ lachrymæ & suppressa suspiria. Et in hoc lusit prudentia Ioseph, ut loco vindicaret serio illatam iniuriam. Diu se fratrem dissimulare non potuit, qui fratrem agebat, id est in hospites tam beneficum. *Ego sum* (ait rumpens altum silentium) *frater vester quem vendidistis*. Fidem superat quo stupore, quo gaudio, quanto etiam de præteritis dolore accepta vox Ioseph in fratrum ruentis amplexus, singulis osculo & oculo lachrymoso blandientis. Deerat Pater Iacob ad cumulum gaudii. Accurrit senex tandem persuasus viuere cum quem deuoratum à feris iam pridem filii nuntiauerant. Reuiuiscere visus est moribundus senex conspecto Ioseph, & velle tantum gaudii morte finire: *Iam latus moriar* (inquit) *quia vidi faciem tuam & superstitem te relinquo*. Quippe non poterat lætiore exitu vitam concludere. Siliuit primùm Ioseph salutans patrem, lachrymis & crebro amplexu verba supplantibus, tum deinde monuit

fratres quo vultu , quo sermone Rex ad-  
eundus: *Disite*, inquit, *pastores ouium su-*  
*mus* , vt in pascua terræ Gessen mitteret  
Rex vbi procul ab Ægyptiaca supersti-  
tione viuerent. Introduxit igitur filius  
patrem ad Regem; dubiumque senex ma-  
gis coluerit Maiestatem Regis, an Rex  
virtutem annosam Iacob. Interrogatus  
à Rege quot annos natus : *Dies*, inquit,  
*peregrinationis* , *mea centum & triginta*  
*parui & mali*. Tandem vitæ suæ decur-  
sum in illo tractu Rameesses quo cum fi-  
liis edicto Regis se transfulerat , præ-  
clarâ morte composuit.

*De benedictionibus morientis Iacob.*

**V**Bi ægrotare Patrem audiuit Ioseph,  
venit cum filiis quos in Ægypto ex  
Ascenes filia sacerdotis Heliopolis sus-  
ceperat , vt Nepotes Auus , sicut filios  
Pater benedictione ditaret. Et certè mi-  
rabilis hic ordo benedictionum Iacob,  
quæ totidem erant Oracula futurorum:  
Primum Ruben primogenito, primoge-  
niti iura denegat in pœnam incestati  
thori paterni. Simeonem & Leui socios  
& authores Siehimitæ necis portione  
hæreditatis mulctat, tum Iudam Regem  
ac victorem, Zabulon mercatorem, Issa-  
char agricolam , Dan in suis posteris  
iudicem & arbitrum populi , Gad bella-  
torem inuictum , Aser pinguissimi soli  
dominum , Nephtalim habilem pugnæ,  
Ioseph præcipuum inter fratres ac velut

primogenitum, Benjamin denique bellicosum & prædatorem fore pronuntiat. Obrulerat Ioseph Ephraim & Manassem filios, & hunc quia maiorem natu applicuit ad dexteram, Ephraim iunior ad sinistram patris, sed, ô præsciam mentem futurorum conuersis manibus dextrâ Ephraim, sinistrâ Manassem amplexus est Iacob & maiori prælatus est minor. Tanta Ægyptiorum fletus de morte viri sanctissimi, ut septuaginta dies luctus durauerit, tanta exequiarum pompa, ut tota ferè aula cum Ioseph in Chananæam migrauerit, quò defuncti Patris ossa transtulit Filius, ut sanctiùs in spelunca Hebron cum Patribus suis Abraham & Isaac acquiesceret. Soli fratres Ioseph non tam lugere Patrem extinctum, quam timere fratrem ultorem qui memor iniuriæ, quam viuente Patre dissimulauerat, nunc mortuo, periculum erat, ne totam iram effunderet. At ille tantus erat, ut iniurias quasque posset contemnere, & indulgendo Fratribus quàm debellando hostes, clarior, augustiorque videri maluerit.

*De persecutione Regis Pharaonis.*

**E**T quidem illi florere opibus, pace & gaudio dum viueret Ioseph, at ubi centum & decem expletis annis vitæ actuosæ obiit, cæpere filii Israël noui Regis superbiam aut sæuitiam pati. Suspecta huic Regi fuit incredibilis fœtura



noui populi, timuit ne hostes in suo regno foueret, qui tandem è Regno ejicerent & vel numero ipso opprimerent. Vt tantum malum Rex auerteret (ô dura Regum Prudentia!) primùm gentem hanc operibus luri & lateris ad vrbes ædificandas opprimere parat, deinde sexum virilem per obstetrices abscindit, imbelli reseruato, tandem cum nec labore nec infantium iugulatione comminueret populum, præcipitari pueros recens natos iubet in flumen, vt scelus suum aquis si posset, absconderet, vel expiaret.

---

*Anacephaleosis de septem  
Patriarchis.*

C A P V T V I I I.

**H**Æc est prima ætas ac velut infantia, tum orbis, tum Ecclesiæ quæ septem annosis ex Patribus ortum duxit & creuit. Cæterùm illi tam diuersi inter se moribus, vt dispari virtute conspicerentur tamen videantur in vnam populi Dei salutem. Quid Adamo primo hominum parente sanctiùs? quid annosius? certè huius sanctitate quam reparauit ex peccato, & vitâ longiore opus fuit, vt spatium foret in cultu diuino instituenti primos mortales. Quid Noëmo ad misericordiam promptiùs? talem peri-

turus orbis expetiuit ne funditus interiret ? Quid loquar de obedientissimo Abraham ? debuit genus humanum huius exemplo ediscere, quanti sit seruire vni Deo ? Quid mitis ac bonus Isaac ? quàm necessarius iste vt filios ex vtero ipso discordes vel in ipsa morte sua concilians, duosolim populos sociaret ? Quid tanta in Iacob laborum patientia ? nisi vt posteros ad Ægypti ærumnas præpararet ? Quorsum Iudas cui destinatum Imperium peregrino vsus coniugio, vt significaret gentilem populum cum Hebræo miscendum & perpetuo fœdere victurum ? Ioseph vero Regale fastigium numquid populum Dei portendebat fore Regem ac victorem populorum ? Priùs tamen in seruitutis iugum ducendus erat, deinde excusso illo futurus erat ex seruo Pharaonis Regum Dominus ac totius Princeps Palæstinæ.

---

*De mutatione populi seu  
Ecclesiæ Dei.*

C A P V T IX.

Ex 2. c.  
Exod.  
vsque ad  
14.

**I**Taque Moyse & Aarone Germanis destinatis à Deo ducibus atque vltoribus, populus Hebræus sub Regibus Ægypti seruiens, & dira passus libertatem recipit & Regnum Palæstinæ inuadit. Solus ab Ægypti iugo liber Moyse,

liberandi populi quasi omen accepit. Quippe in profluentem etiam à matre proiectus postquam tribus mensibus latuisset nec celari amplius posset, fortè incidit in manus filiae Pharaonis, & tam Regiis manibus excepto puero regnandi spes vltro oblata est. Cæteros infantes flumen obruerat fluctibus, hic aquis extinguere non potuit sed de fiscella scirpea lita bitumine in qua expositus fuerat in gremium filiae Pharaonis tamquam matris traductus est. Quàm meritò propterea dictus Moyſes quia ex aquis sublatus adoptari potuit à Principe fœmina, reliquis Hebræis felicior, etiam quod viuere licuerit. Vbi adoleuit & liberum se videt, liberandis fratribus operam suam impendit. Ægyptium Hebræo insultantem enecat & sabbulo condit ut futuræ libertatis speciem præbeat. Rem gestam audiuit Pharaon, at vlcisci non potuit. Fugit Moyſes in terram Madian & ibi acceptâ vxore Sēphorâ securiùs agit in regione extera quàm in ipso natali solo. Duo sex Sēphora filios Gensan & Eliezer suscipit. Interim Rex Pharaon moritur; quo mortuo nullus Moyſi timendus restat inimicus, sed tamen nouo labore opprimuntur Hebræi.

*De missione Moyſis & Aaronis ad  
Pharaonem.*

**C**Lamant, eiulant, lamentantur ad Deum, donec miſertus Deus Moyſem precibus, lachrymiſque populi conceſſerit. Talem ac tantum vindicem libertatis tam miſera ſeruitus expectabat. Mittitur ergo Moyſes in Ægyptum, & mittentem Deum agnoſcit ex rubo ardente quem flamma non combureret. Tanto prodigio & Numen ſuum teſtatus eſt Deus, & ſe à Deo miſſum probauit Moyſes. Prætereà ne dubitent Hebræi virgam Dei præfert, quæ proieccta in terram fit ſerpens, quæ ruſuſtractata manibus in virgæ formam redit. Denique manum applicat ad ſinum & leprâ inficitur, extracta foras fit caro ſincera: haurit aquam de flumine & ſanguis fluit pro aqua. Sic ad pleniorẽ fidem multiplicantur prodigia vt ſaltem ex operibus Dei, Hebræi Deum intelligant. Adit igitur Moyſes Regem Ægypti, pro dimittendo populo rogat. Datur Aaron frater ſocius, vt quodiſte tentaret eloquio, ille tandem extorqueret prodigiis & cum neuter ſolus auderet, vterque ſocietate vinceret. Itaque coniuncti adeunt Regem & cuius inflexum animum nouem prodigiis flectere nequeunt, tandem decimâ plagâ euincunt

*De decem Plagis seu flagellis  
Ægypti.*

**P**Rimum nec versa in colubrum virga, nec mutata in sanguinem aqua nec educta ex aquis ranarum cohors expugnare Pharaonem possunt, quia colubros ex virgis & sanguinem ex aquis sicut Moyſes, expreſſerant Magi, & imitati ranas Moyſis, nihil in his prodigiis diuinum eſſe perſuaſerant, tametiſi virgas Magorum Moyſis virga deuorauerat. Tantum abſuit vt diſmiſſus à Rege abiret populus, quin durius exceptus ad conficiendos lateres etiam paleas colligere iuſſus eſt. Sed auctum ſeruitutis laborem potestas Dei maior repreſſit, maioribus editis coram Rege prodigiis, quæ numquam imitari penes Magos fuit, inde vox maleficorum: *Digitus Dei eſt hic*, vbi ortæ ſunt ciniphes hoc eſt tenuiſſimæ muſcæ, tum deinde genus omne muſcarum immiſſum eſt, poſtea quodcumque in agris paſcebat animal peſte interiit, ex cinere ſparſo in aëra conſlata vlcera & veſicæ turgentes, addita grando cum tonitruis, prodiit & ingens locuſta, quæ quidquid reliquum intactumque grandini fuerat, abſumeret. Et ne nunc quidem flagellis attritus Pharaon Deo flagellanti ceſſit. Tam cæcus, tam ſaxeus pectore tandem ad decimam plagam reſipuit per ipſas denſiſſimas tenebras, quibus tota *Ægyptus*

ptus inhorruit, vidit Rex obediendum esse iubenti Deo. Occisis demùm cunctis Ægyptiorum vbique domorum primogenitis, ne relicto quidem Regalis solii hærede.

*De egressione populi ex Ægypto.*

**D**Imissus ergo tandem annuente Rege, imò cunctis Ægyptiis abire compellentibus nec modò seruitutis iugum excussit Hebræus, sed insuper totam Ægyptum more militum spoliauit. Abducta foras vasa aurea & argentea, ereptæ cum gazis vestes pretiosissimæ. Quid etiam vltro non darent Ægyptii vt viuere liceat per Hebræos? Hoc libertatis ingens beneficium nullâ voluit Deus obliuione deleri. Agno iussit quot annis sibi litari & azimos panes septem dies comedi, vt memoriâ retineretur tam subitus populi exitus, vt nulli fermentatum panem auferre licuerit, sed farinam tantum conspersam. Est in diuinis festinandi quædam voluptas, aliquando necessitas. Sic tandem fœliciter mutata omnia vt liber iam populus ex seruo factus, ex paruo plurimus, ex egeno diues, item in locum Tyranni Deus quasi Rex successerit, ita tamen vt Imperium in vindices libertatis translatum Moysen faceret Reipublicæ Hebrææ Præsidem, & Aaronem diuinorum Antistitem. Primus sacra & cæremonias omnemque Dei cultum docuit: Legem

Dei in duas tabulas descripsit, Pontifices, Leuitas, vestes quoque & insignia, vt vel ipso habitu sacerdotes à reliquo populo distingueret: altaria quoque, Tabernaculum fœderis, Arcam præsertim, velut æternum diuini Numinis pignus, sabbatum denique, dies festos, profestosque, varia sacrificia, ritusque omnes diuinos constituit. Idem Moyses velut artifex belli, disciplinæ militaris, artisque bellicæ documenta dedit populo. Inde Tribuni, Centuriones, Quinquagenarii, Decani ex Iethro soceri sui consilio. Sic præliis exercuit iuuentutem, ne torperet otio, sic sacris, & cæremoniis addixit populum, vt hic gentes alias Religione, sicut sorte præcelleret. Hæc autem omnia monitu & Imperio Dei, vt citiùs acciperet ferox populus & sanctiùs obseruaret. Multa per Moysen, multa per Aàronem fratrem, omnia ferè per vtrumque, ne vel imperio consilium deficeret, vel potestatem solitudo corrumpere.

---

*Bellum Ægyptium cum Rege Pharaone.*

C A P V T X.

**E**gressis ex Ægypto Hebræis qui, in- *Ex cap. 14. & 15.*  
terdiu in columna nubis, noctu in  
columna ignis cerni poterat, & præuius. *Exod.*

ibat, insurgit à tergo Pharaon, quasi pœniteret emissi populi, & crederet vinci posse, quem cursu attingeret fugientem. Itaque currus & equites præsertim sexcentos, imò totam Ægyptum armat in transfugas & reducere manu parat, quos Deus in sui Numinis asylum receperat. In arcta deserti venisse cogitat, vt veluti aues cauea & aucupio teneantur. Iamque propinquans Pharaon, curribus, armis, milite instat in Hebræos, hunc tamen feliciter nec cruento certamine transfugiunt, vincuntque, pro ipsis toto mari pugnante. Quippe tunc illud rubri maris prodigium atque miraculum, quando in duos quasi muros discissum, siccum Hebræis præbuit vestigium, & intrantibus Ægyptiis horrendum instruxit sepulchrum. Nam hinc & inde reuolutæ in semet aquæ fluctibus hostes opertos ne vnum quidem regredi passæ sunt. Sic in ima currus & equites abierunt & ultra pergens Israël cieccta ad littus hostium cadauera triumphans aspexit. Inde lætitiæ cantica, inde ouatio in castris, inde opima de Rege spolia, inde carmen hoc Moyfis *Cantemus Domino, gloriosè enim magnificatus est, equum & ascensorem proiecit in mare.* Ipsa Maria soror Aaron tympanum quatiens, chorosque ducens adornat triumphum, ne quis sexus à Dei laude vacaret. Tandem victorem populum abire, valere & liberum esse permisit Ægyptus, dum finitima quæque Regio tremere, & remotus or-



bis tanto imbueretur miraculo , vt intelligerent omnes inuictos esse pro quibus Deus ipse pugnaret.

*Bellum contra Amalecitas primum.*

C A P V T XL

**P**eragrato toto fere deserto Sin , castrametatur in Raphidim exercitus Israël , quod vbi audit Rex Amalech & finibus suis incubare hostem , irruit in ipsum collatis signis & occupare venientem properat , ne vbi propius accesserit , difficilius deinde ejiciat. Tota huius belli moles in fortissimum Iosue , seu Iesum Naue transmittitur , qui dubium est an plus armis & armato milite Amalecitas represserit , an Moyſis contentissimâ oratione. Hic cum fratre vertice collis conscenso & sursum erectis manibus orabat & ô rarum ! tamdiu vincebat Israël , quamdiu Moyſes manus sustinebat erectas : vincebatur autem , si tantillum remitteret , vt intelligeret miles rem bellicam pietate felicius geri , quàm gladio , & victoriam de cœlo missam ad castra descendere ; vel certè illic vbi nomen Domini dimicabat , crucis quoque habitus erat necessarius. Igitur ne faciscerent manus Moyſi tam beneficæ , ipsas Hur & Aaron sustentabant assiduè , vt perpetuò vinceret populus. Sic non ante sol occidit.

*Tertul.*

*advers.*

*Inde 102*

*cap. 110*

quàm fufus cæfusque exercitus Amalec. In monumentum tantæ victoriæ ædificatum eft Deo altare , vt author cognosceretur triumphi, ex tali trophæo , fpesque data femper vincendi, quos Deus femel expugnauerat.

---

*Expeditio in terram Chanaam Promiffam à Deo.*

C A P V T XII.

**R**Vdis hic & paſtoritius populus novus ad bella , caulas tantum & gregum custodiam norat. Itaque non tam bello comparare ſibi terram promiffam à Deo , quàm explorare illam longè latèque & tentare vires ſuas num poſſet inuadere. Miſſi ex omni tribu fortiffimi viri in ſingula regna tractusque Chanaanorum , formam quandam expeditionis fecerant , niſi territi receſſiſſent. Sed reuera fuit hæc exploratio non militum ſed paſtorum ; quippe in prædam aduectus palmes cum ſua vua , tantus ſcilicet vt duo viri vecte ſuſpenſum portarent. Exportatæ quoque ficus, malogranata, ô ampla certè ſpolia & militari virtute digna! Quantum hoc dedecus , viros fortes vel ipſo conſpectu Gigantum qui terram illam incolebant, fugatos rediſſe ad ſuos, & reliquo populo merum incuſſiſſe, quaſi citiùs cum monſtris, quàm cum homini-

bus dimicandum foret? *Terra quam lustrauimus* (inquiunt) *deuorat habitatores suos.* Nec allicit satis, quòd melle & lacte fluat, id est apibus & pascuis abundet, & cæteris rebus ad delicias.

---

*Bellum contra Chananaeos primum*

C A P V T XIII.

**N**ondum par hostibus suis Hebræus *Ex caps.*  
 miles vinci facilè poterat vt igna- 21. *Núm.*  
 rus præliandi, præsertim si in hostes  
 militiæ peritissimos incideret. Talis ad-  
 uersus insurgit Rex Arad Chananaeus.  
 Tum quidem fœda clades & ingens præ-  
 da victum Hebræum ad vota velut pue-  
 rum ad lachrymas conuertit. Votum pro  
 victoria fuit, delendæ vrbes Chananeo-  
 rum, & hac lege exaudita vota populi à  
 Deo: confestim in primo belli exordio cæ-  
 sus Chananaeus, ad subuertendas illius vr-  
 bes magnam fecit audaciam, vtque locus  
 ipse vbi de Rege triumphatum est tantæ rei  
 famam seruaret, dictus est Horma, id est  
 Anathema, fortè quia suspensa ibi & fixa:  
 spolia in cultum Dei & monumentum vi-  
 ctoriæ.

*Bellum contra Amorrhæos.*

## CAPVT XIV.

*Ex eodem  
cap. 21.*

**E**X tam felicibus initiis progressus est ad meliora populus & deuicto Rege Chanæorum Regibus deinceps vincendis parem se fecit. Hinc Schon Regem Amorrhæorum, illinc Og Regem Basan tam facile expugnauerunt, quàm pueros vir vnus prosternit. Repulsi turpiter nuntii à Rege Schon, qui pacem petitem venerant, & facilem transitum per fines regni & insuper illatum illis bellum cum numero excercitu, honesta fuit occasio vlciscendæ iniuriæ. Quippe gladio percussus interiit Schon, totumque illius regnum facile venit in ditionem victoris populi: & qui nec transire iuxta fines suos permiserat, totum imperium tradere coactus est: ac deinceps caput Regni Hesebon Hebræos veluti Reges novos accepit. Non stetit hîc pugnandi felicitas, sed more ignis qui populatus incendio siluas, in obuia quæque se extendit, sic de Rege quoque Basan rapido cursu triumphatum est. Hic enim sicut Schon inuadendo peceauerat, ita simili clade cum populo suo ac filiis ac demum cum Regno disperiit. Nec terruit Gigantis moles & corpus plusquam humanum, tanti robur corporis æquauit virtus. Hebræi populi coniuncta cum Deo.

*Bellum*

*Bellum Moabiticum.*

## CAPVT XV.

**P**ost expugnatos Reges, post Gigantes prostratos, quis Regum non exhorreat, quis transeunti Hebræo sese opponat exercitus licet ex Gigantibus totus? Intellexit Rex Moab Amorrhæorum cladem, timuit sibi & suis; ne sicut bos herbas ad radices carpere solet, ita regnum suum populus Dei gladio detunderet. Nouam bellandi artem inuenit qui aperto prælio non audebat, ut ne omnino abstinere videretur à bello. Audiuit & fama erat populum hunc magis verbis & oratione quàm armis vincere: igitur verbis verba opponens malè imprecari ipsi iussit per Balaam, qui tunc erat summus augurio. Vocatus semel & iterum & sollicitatus muneribus, quia primâ vice non venerat prohibente Deo; Deinde eiusdem placito venit ad Regem Balac. Illum iter ingressum subitò remoratur Angelus, &, ô rem inauditam! cui insidet asina videt Angelum prohibentem pergere intentâ acie gladii, non videt ipse Balaam: itaque fuste terga asinæ tundenti quæstæ est illa, rarum! humanis vocibus, ut ex tam insolenti eloquio intelligeret hic Prophetæ, quantus Hebræorum Deus, qui etiam mutas pecudes vocales pro arbitrio fa-

E

cit, & erubesceret minus hominem obedire Deo quàm brutum animal. Datâ venia pergit impius vates, & ter conatus maledicere populo, ter quoque ne malediceret repressus à Deo est, & pro verbis imprecantibus coactus est proloqui apprecationes suauissimas. Atque inter alia de venturo Christo vaticinans, ait, *Orietur stella ex Iacob*. Quàm iniquè tulerit Rex Balac prænuntiantem prospera de Hebræis in quos maledicta expectauerat, testatur dimissio vatis nullo honore, nullo pretio diuinationis impenso. Sed quid contra Deum auderet Balaam, memor locutæ citra exemplum asinæ? *Non aliud possum loqui* (inquebat sæpe ad Regem) *nisi quod iusserit Dominus*. Sed qui vaticinio nocere non potuit, consilio saltem malefico obesse studuit. Regressus domum, suasit Regi ut Moabitides fœminas tam genere quàm forma insignes Hebræis permetteret in scorta: factumque est quod malus cogitauerat: scortationem populi secuta est idololatria in Phogor, ut in pœnam vel desertus à Deo primo prælio periret, vel percussus decresceret numero. Et quidem in viginti quatuor millia animaduersum est imperante Deo, cuius tandem prorsus ira deferbuit, ubi Phinees nobilem ex Hebræis, & principem fœminam Madianitem, fornicantes pugione perfodit ambos simul, & per eadem membra pœnam exegit per quæ turpiter peccatum fuerat. Igitur his insidiis

potius quàm bello adortus est Hebræos Rex Moab, & omnia sic ad peccatum composuit, vt crederent posterì vix illum victorem fore exercitum, quem vinceret peccandi libido.

---

*Bellum Madianiticum cum Moabitis.*

C A P V T X V I.

Sicut ante cum Madianitis coniunxerant vires suas populi campestrium Moab, ita nunc vicissim cum istis quasi rependerent gratiam, fœderantur Madianitæ; vicinia locorum, commune in Hebræos odium, visa sunt iustissima coniurationis occasio. Verum sicut frustra insidiatus est Moab, ita nunc infeliciter pugnat cum Madian, nec ex vtraque gente conflatus exercitus aliud efficit quam maiorem hostium cladem & clariorem populi Dei victoriam. Missi ad pugnam milleni ex quaque tribu, hoc est pugnatorum duodecim omnino milia, pauci in multos, vt iustissimè Deo, qui pugnam mandauerat victoriæ decus attribuatur. Dux tanti belli Phinees Eleazari Sacerdotis filius eligitur & meritò, iam hic diuinæ ultor iniuriæ priuatâ cæde Zambri & Cesbi ( hæc fornicantium nomina quos transfoderat ) ad publicam se promouerat. Tam subito tam feliciter pugnatum est aduersus Ma-

dianitas, vt quinque illius Religionis Principes non tam victi prælio quàm rapti morte viderentur : non tam acie gladij cadebant prostrati hostes quàm fulgore laminæ aureæ quæ fulgebat vel potius vincebat in castris Israel. Cæsi omnes mares, reseruata cum paruulis famina, rapta in prædam pecora, iumenta, vasa, cuncta demum supellex. Cætera cum vrbibus, viculis, castellis corrupta igni. Et hoc incendio effectum est vt destinata Dei sanctorumque domiciliis Regio, non tam deleta flammis quam lustrata videri posset. Victor de prælio reuersus exercitus tot spoliis ouans, tantâ prædâ onustus quæ sufficere posset auaro militi, quanto gaudio, quanto populi applausu exceptus fuisset, nisi propter muliebrem genus reseruatum, iratus Moyses lætitiæ triumpho turbasset! Sæuitum igitur & in fœminas, & solis virginibus parcitum ad coniugia. Agere gratias Deo non poterat satis victor populus nisi etiam redderet. Itaque censa & attributa Deo quinquagesima totius prædæ imperio Moysis. Addita ex voto multa auri argentique pondo, armillæ, periscelides, annuli, murenulæ, vt tantæ victoriæ diuturno monumento diu perstaret memoria.



*De seditionibus seu murmuratio-  
nibus populi.*

C A P V T X V I I.

**I**Nter hæc bella seu potius bellorum  
mira cula sustulit animos gens He-  
bræa, & virtute bellicâ clarior cœpit  
quasi adolescere. Ideo hanc illius ado-  
lescentiam iure appelles, quæ scilicet  
ætas effrenatior & incondita moribus  
nec lege scripta coerceri potuit, nec e-  
mendari suppliciis, nec cultui diuino  
tor cæremoniis obligari. Inde est quod  
decies obmurmurando nunc in duces,  
nunc in ipsum Deum impudentiùs ege-  
rit, quòd Nadab & Abiud filij Aaronis  
igni alieno thuribula sua inflammaue- *Ex c. 10.  
Leuit.*  
rint, præter religionem & morem,  
quod Duce Aarone vitulum ex inauri- *Ex c. 31.  
Exod.*  
bus aureis fusum conflauerit, & huic ve-  
luti Deo qui se de Ægypto eduxerat,  
arâ, thure, prece sacrificiis ad veri Dei  
contemptum litauerit, quod populi  
principes viros, cum vel scelerum ar-  
guerent, vel prauæ voluntati obliste-  
rent, vi oppresserit, vel occidere para-  
uerit, vt inter alios nobilissimum Hur,  
plebem à cultu conflatis vituli prohi-  
bentem, vt Aaronem & Moysen, vt Io-  
sue & Caleb, quos tantùm non lapida- *Ex c. 13.  
Num.*  
uit plebs furens quia terram à Deo pro-

missam , cui detraxerant exploratores, illi contra commendassent. Sed has iniurias, hæc tanta crimina non inulta esse voluit Deus , ne sæuendi in suos magis audacia cresceret. Igitur filios Aaron profano igne thurificantes diuinus ignis ultor absumpsit : populum vitulo aureo malè deuotum , ipsius vituli concrematio , & ex cineribus epota aqua & hominum ad viginti tria millia perfecta clades Leuitarum manu , pro tanto scelere expiauit. Denique maledicum quemque percussit Deus lethifero vulnere , & quotquot fidem dedere exploratoribus, ab ingressu promissæ terræ inhibuit. His pœnis insequente Deo tot reos criminum , intellexit populus & pœnam esse delicti proximam & causam obmurmurandi nullam iis subesse qui tantis erant obstricti beneficiis. Causæ tamen non defuere peccantibus quibus culpam prætexerent.

*De prima discordia Hebraorum.*

C A P V T X V I I I.

Ex c. 15.  
Exod.

**P**Rima quidem ob inopiam potus & cibi. Namque per solitudinem deserti Sur triduo perambulantes non inuenta aqua nisi amarissima , quæ de Marath (sic ab amaritudine dicto loco) largè fluebat , cum citiùs sitim pati quàm ta-

lem aquam sorbere mallerent, non mediocriter linguis exarsere in Moyſen, identidem muſſitantes. Quid bibemus? Hic exorato Deo & oſtenſo ligno, demiſſoque in aquas, ipſarum amaritiem in dulcedinem tranſmutauit. Tum deindè deſiciente Ægypti pœnu, ſeu inde compoſitæ alimentis fame prope eneſtus populus in ſeditionem verſus deſiderare cœpit ollas Ægypti & panem ſeruitij. Verùm coturnicum turba demiſſa à Deo ad vesp̄ram & mane collectum manna ad ſingulos dies, pœnitere fecit murmuratiōis in Deum, & plebeculæ famem ſedauit. Cæterùm ſicut miraculi plenus datus eſt eiſus ita ſumma populi admiratione acceptus & ab admiratione nomen ſortitus. Quippe vbi granula quædam candida inſtat frumenti pilo tuſi, vel ſeminis coriandri, vel potius pruinæ ſeu roris congelati viſa ſunt oculis & guſtu probata, ita vt ſapor dulciſſimus dulcedinem mellis æquaret, vel ſaltem par eſſet ſimilæ melle litæ, continuò exclamat populus Manhu, quid eſt hoc? Vnde man ſeu manna nomen relictum eſt, donec à Moſe pronunciatum eſt hunc eſſe panem cœli-tus miſſum, non minùs ſanctum quàm ſtupendum.

Ex c. 16,  
Exod.

*De secunda discordia.*

## CAPVT XIX.

Ex c. 17.  
Exod.

**I**Terum ac secundò auditum est murmur populi ob nouam aquarum penuriam in Raphidim, id est, in loco arente ac deserto siti Regione Tanto hoc murmure ferentium & quasi ad necem quærentium incitatus Moses, quid ageret, consulto Deo, virga quâ nili fluentia percusserat, percussit & petram ad montem Oreb, & mox ô Miraculorum seriem! percussa petra velut intra se clausi fluminis venas effudit. Potuse est abundè populus & locus à iurgio nomen accepit, vt non minùs Hebrææ perfidiæ quàm liberalitatis diuinæ vestigia extarent.

*De tertia populi discordia.*

## CAPVT XX.

Ex c. 11.  
Num.

**T**ertiam seditionis facem accendit tri-duani itineris tædium. Egressus namque miles Hebræus, anno secundo post exitum de Ægypto, & progressus à monte Sinai, præeunte Arcâ fœderis labore, fractus obmurmurauit Deo. At murmur istud aboleuit ignis immissus ab irato

Deo , & extremâ parte castrorum consumptâ , & forte prima acies cum media conflagrasset nisi lachrymosa Moysis oratio procurentem ignem extinxisset, locus tamen hic dictus est incendium Dei.

---

*De quarta discordia.*

C A P V T X X I.

**Q**uartæ seditioni locum fecit cupido *Ibid.* carniû. Iam ante concessum manna, quia cibus assiduus & vnus erat, nauseam creauerat, tum vulgo Ægypti quod promiscuum vegerat, tum Israëlitis utique improbis ( boni si quidem in vnico manna omnigenum cibum etiam delicatissimas carnes sapiebant ) malos pertæsum erat tamdiu idem manna manè colligere, mediumque ipsum secernere & à subiecta pruina & à rore superposito, tum deinde in mola frangere vel in mortario terere & panem oleatum ex ipso conficere; demum lapidè regustabunt pepones, allia, porros Ægypti. O qualis stomachus, cui panis Angelorum, id est arte Angelicâ confectus in aëre nauseauerat! Flebat indignans plebecula. *Quis dabit* ( inquit ) *nobis carnes ad vescendum?* Audiit Deus, & plus largiendo beneficium puniens quàm negando, vento ferente diuisit per castra coturnicum turbam, vt quisque & facilè caperet ( vola-

bant enim ad duos è terra cubitos ) & pasceretur per mensem opiparè ; sed tandem bene pastos & quasi ad ruinam saginatos percussit ultor Deus , & velut ex faucibus malè concupitum abstraxit cibum. Locus certè dictus est sepulchrum concupiscentiæ.

---

*De quinta discordia.*

C A P V T XXII.

Ex c. 16.  
Num.

**Q**Vinta pro honore & sacerdotio discordia fuit. Chore, Datan & Abiron Principes Leuitarum , factâ coniuratione in Sacerdotes eligi petunt. Sed qui amulati familiam Aaron Sacerdotio destinata , cœlos ambitione transcenderant , non potuit terra sustinere : sed repente dirupta viros absorpsit , & clausit in inferis , quos satis duro carcere non potuisset tellus continere. Simul ducentos quinquaginta viros , qui iura incensi invaserant diuinus ignis peremit. Denique quatuordecim millia & septingenti percussi de populo , qui tumultuantes in Moysen & Aaron consurrexerant , vt in Authores stupendæ necis Leuitarum ; & nisi medius & tanquam sequester inter mortuos ac viuentes accurrisset Aaron , actum erat de gente Hebræorum.

*De sexta discordia.*

## CAPVT XXIII.

**T**Andem & sexto in seditionem versi filij Israël; tum quod in deserto Sin deficientibus aquis, siti deficerent, quam Deus orante Moyse & percutiente bis petram largiter rigauit. ( hæc aqua contradictionis appellata, quod propter illam iurgatus sit populus, & incredulus Moyses promissæ terræ ingressu priuatus: ) tam quia profecti de monte Hor, iterum manna fastidiunt, & de via paulo longiore obmurmurant, sed linguas maledicas, serpentes igniti adurunt & digno plectunt supplicio. Misertus cladem populi Moyses iussu Dei serpentem æneum suspendit in cruce, vt quicumque percussus in hoc signum respiceret, sanaretur. Sic idem ferè & plagam fecit & medicinam. Non satis demum probata fuisset clementia Moysis, nisi aduersantes sibi etiam fratrem, sororemque habuisset. Sed castigatus verbis Dei Aaron, & Maria leprâ perfusa & à castris septem dies ejecta; vterque suo damno intellexit, quanti esset apud Deum Moyses, cuius ipse vlcisceretur iniurias.

Ex c. 21.  
Num.

*De ordinatione Reipublica Hebræa.*

## CAPVT XXIV.

**V**Erùm in his ipsis seditiõibus mirum est quantum populus creuerit dignitate, vt viderentur necessaria quoque fuisse illius scelera, quò melior Deoque carior fieret: nam nunc manna, nunc legem, & iudicia Dei, nunc ritum omnem sacrorum, nunc denique terram fatalem accepit à Deo.

*De Manna dato in cibum.*

**E**Surire primùm permissus est, & ob esuriem indignari, vt per annos quadraginta dignus foret cœlico pane expleri. Sed quot in vno cibo miracula! singulis mensuram Gomor implentibus nec qui plus collegerat, abundabat: nec qui minùs, egebat. Cibus hic insuper vnus dieculæ, vt qui in crastinum avarus seruaret (nisi in diem Sabbati) vermes pro manna & putrida grana inueniret. Sæpe qui matutinus non collegerat, sole meridiano liquatum deprehendit, vt desidæ imputaret annonæ inopiam. Qui demum ex iussu Dei die sextâ non duplicauerat hunc cibum, is posterrâ luce vacuum & sterilem agrum sæpius inuenit; vt vel coactus à labore cessaret sabbati die.



*De lege scripta à Deo.*

**N**Ec minora in data lege prodigia. *Ex c. 204*  
 Hanc Moyſes non prius accepit à *Exod.*  
 Deo, quàm ſummum verticem Sinaï cum  
 fratre conſcenderet, quàm fumaret mons  
 totus, coruſcaſſent fulgura, rugiſſent to-  
 nitrua, quàm præparatus populus lotis ve-  
 ſtibus, ſegregatis vxoribus, & demùm  
 appoſitis terminis, ne plebs incauta mon-  
 tem ſubiret. Hoc terribili apparatu data  
 lex à Deo, vt vel ſic diuinam eſſe conſta-  
 ret. Inſculpta quoque digito Dei in tabulis  
 ſaxeis, quarum vna cultum Dei, altera  
 officia in proximum exprimeret. Addita  
 demùm pacis, annonæ, victoriæ de hoſti-  
 bus promiſſa magnifica ad maiorem legis  
 obſeruantiam. Accepit populus ſcriptam  
 ſibi legem, tum Decalogum, tum formas  
 iudiciorum, tum ſactorum cæremonias  
 ritusque ſeruandos, vt hac Dei republicâ  
 nihil toto orbe ordinatiuſ videretur.

*De Arca Dei & Tabernaculo  
 fœderis.*

**S**Ed quantum huius populi dedecus, *Ex c. 254*  
 cuius ob profanum cultum in vitulum *Exod.*  
 conſtatilem, vtramque tabulam ex lapide  
 perfregit Moyſes, & quem ante in ſignum  
 fœderis ſanguine victimarum reſperſerat,  
 eiſdem ſanguinem iuſſus eſt fundere in  
 tanti ſcleris triſte piaculum. Hanc Deus

idololatriæ pestem auertit quâ facilè inficiendus erat Hebræus dato ipsi tabernaculo arcâ, & propitiatorio, & hæc tanti mali aptissima fuit medicina, vt deinceps in opere artis verum Deum agnosceret, & quasi oculis vsurparet, qui in vitulo ex arte factò falsum perfidè adorauerat. Arcam primum compingi iubet, in qua virga Moyſis, Decalogi tabulæ & manna intra vas aureum reposita erant; deinde Propitiatorium, id est, operculum Arcæ duo Cherubin hinc & inde obuersis vultibus sustentant. Mensa quoque instruitur quæ duodecim panes contineat singulis mutandos diebus sabbati. Postremò Tabernaculum cum quadruplici oppanſo velo erigitur. Candelabrum cum septem lucernis, altare Thymiamatis, Thuribula, Cyathi, Phyalæ, Mortariola, Fuscinulæ, & alia id genus vasa inferuntur in Sancta Sanctorum, vt diuino cultui nec ipsa pompa desit. Cæterùm hæc omnia vel ex auro tota, vel ex lignis Sethim, id est immortalibus, vt sic intelligeretur optimum in rebus & æternum Numen adorari à populis.

### *De vestibus Sacerdotum.*

Ex c. 18. **Q**Vo fato factum dicam Dathan & Abiron pro affectato sacerdotio tumultuatos in castris? nonne vt appareret diuino iudicio vni Aaronis familiæ destinatum honorem sacerdotii? Quippè huius virga collata cum cæteris ex

omni Tribu, sola ipsa viruit & turgentibus gemmis flores trufit, & amygdalas pro fructibus protulit. Hoc prodigio dictus ac iudicatus Sacerdos Dei cum posteris suis Aaron, & virga florida in Tabernaculo vti res sacra recondita est, ne quis amplius tanti culmen officii impiè & frustra ambiret. Sacerdotibus quoque suas Deus attribuit vestes, hoc est feminalia ad protegendum pudorem, tunicam præterea seu vestem ex byffo, succinctam baltheo ad gressum expediendum, Tiaram denique seu Mitram ad caput ornandum. Proprias item summi Sacerdotis vestes distinxit Deus, nempe Poderem seu tunicam talarum, cuius extremam oram mixta tintinnabulis malogranata contexerent: deindè Super humerale seu Ephod, vt loquuntur Hebræi, tertiò Rationale, in quo duodecim lapilli, & in ipsis duodecim Tribuum incisa nomina, insuper Baltheus seu cingulum reliquas vestes adstringens. Postremò Mitra cum lamina ex auro lunata. Atque hæc vestium decora non materies modò, sed & artificum manus commendabant, vt diceres naturam conspissasse cum arte, & vtramque ingenio diuino se se aptasse, vt opus inde pulchrum existeret & inimitabile.

*De morte Moysis & Iobi.*

## CAPVT XXV.

*Exc. 34.  
Deuter.*

**H**Is ita rite ordinatis post defunctos Aaronem & Mariam moritur tandem Moyses, qui centum viginti annos vixerat integris & immotis dentibus. Tam felix senectus feliciori morte conclusa est. Iubente Deo moritur in monte Abarim super verticem Phasgæ, & inde terram promissam intueri non, ingredi conceditur, ut vel minimam fidei hæsitacionem expiet tam graui pœna: Denique in osculo Domini, quem dum viueret de vultu ipso videre licuit & ore alloqui, occumbit Moyses, tam charus hominibus, ut triginta ab illis per dies defletus fuerit; tam dilectus Angelis ut defuncti corpus dignati sint tumulo condere, quem ipsi propriis manibus exstruxerant. Mortuus quoque circa hæc tempora Iob rarum patientiæ exemplar, qui inter pessimos bonus esse potuit, scelera ciuium suorum virtute exuperans. Hic primùm diues opibus, diues pecore, clarus Imperio, multâ etiam prole felicior, postquam annuente Deo in manus Dæmonis incidit, repenti inops factus, orbatus liberis, deiectus solio, pristinam felicitatem cum sterquilini fæce mutauit. Parum erat destitui omniciusu, nisi cœtum plagis corpus afflictum iaceret.

Tamen

Tamen infra constantiam Iob tota hæc  
 malorum congeries fuit. Vicit patientiâ  
 flagellantem Dæmonem & tandem minùs  
 Iob vapulando quàm Dæmon verberando  
 defessus sterit. Ideo in tantæ virtutis præ-  
 mium non reddita modò quæ Iob amise-  
 rat, sed duplicata insuper, vt patientia  
 rerum Domina haberetur, & posteri cre-  
 derent iacturam omnium, si ita visum est  
 Deo, facile esse debere. His igitur aut  
 præliis aut insidiis hostium, domesticâ vel  
 externâ clade adolescentiam exegit Popu-  
 lus Dei, & in hac secunda Imperii ætate  
 ad Iordanem vsque victoriâ sequente  
 peruenit.

*Finis Libri primi.*





# LIBER SECVNDVS.

## CAPVT PRIMVM.

**I**AM quadraginta per annos à transitu maris Rubri deserta Orientis loca peragruerat Hebræus, & nusquam tamen attritæ illius vestes, aut vetustate consumpta calceamenta, sicque acceptâ lege frænatus adoleuerat, vt liber & plusquam Rex deuictis Regibus ad vniuersam regionem promissam à Deo manu capiendam sat roboris habere ceperit. Mirum est, qui quadraginta annos errando more ferarum per auia & inaccessâ ad Iordanem tantum peruenerat, id est ad limen quæsitæ terræ, breui post tempore totam quâ latè patet Iudæam occupauerit, Deo, sole, aquis, terrâ cum Hebræo militantibus.

*Bellum Hierichuntinum.*

## C A P V T I I.

**Q**Vis non crederet extincto Moyse  
cessasse vel fortunam, vel virtu-  
tem Hebræorum? Restamen secus acci-  
dit suffecto in locum Moyſis Iosue, qui  
seu plenus seu armatus Deo, terrore po-  
tius quàm bello populi hostes profliga-  
uit. Et ne dubites defuisse cœleste auxi-  
lium, stetisse pro illo sydera, solem &  
lunam, fabula est, nisi narraret historia.  
Hoc ergo duce, vel potius Deo, tentata  
est primum vrbs Hierico trans Iorda-  
nem. Vrbs Palmarum dicta hæc Ciui-  
tas, vel quòd in ea plurimæ Palmæ,  
vel quòd instar Palmę cæteras inter  
Vrbes caput crexerat. Præmissi explo-  
ratores & clanculum ciuitatem in-  
gressi, non latuere tamen incolas loci  
aut Regem ipsum. Huius imperio fa-  
ctus erat. in exploratores impetus, nisi  
dum quærebantur ad necem, Rahab  
meretrix, quæ hospitio acceperat, sti-  
pulâ lini opertos in solario domus suæ  
subduxisset oculis satellitum. His per  
vada Iordanis circumcursantibus, vt  
duos viros comprehenderent, interim de  
fenestra appenso fune coccineo dimit-  
tuntur incolumes. Sic bonamulier, alie-

nam seruando, propriæ salutis elaborat. Nam in tanti gratiam beneficii à futuro Vrbis excidio Rahab cum tota familia excipitur, ideo iunctæ dextræ, & iureiurando pacta fides. Accepit ab exploratoribus Iosue venturam facilè in suas manus Urbem, quam formido iam inuaserat. Monuit insuper Deus vt Religione potius quàm armis & non tam militum, quàm sacerdotum vteretur officiis, quippe horum clangentibus buccinis, illorum suspenso arcu funditus ruitura erat vrbs Hierico. Itaque ex præcepto Dei portatur Arca à sacerdotibus & vltra Iordanem sicco vestigio transmittitur, & ô rem miraculi plenam! iussus est populus tranare flumen per arentem alueum, deficientibus aquis quando maximè abundauerant (si quidem tunc primo mellis tempore Iordanis ripas suas vel excefferat vel impleuerat) vt Rubri maris transitum Iordanis transitus equaret miraculo. In cumulum reuolutæ superiores aquæ ne descenderent, defluentibus in mare mortuum inferioribus, vt sic populo tam liceret calcare flumina, quàm iniqua montium superare. Tanti huius prodigii sicut olim laborare fides poterat, ita & aboleri memoria. Quare duodecim ex medio flumine durissimi extracti lapides per duodecim ex singulis tribubus viros, totidem ab Iosue immissi in alucum, vt nec intra nec extra deesset monumentum siccati à Deo Iordanis.



Hoc prodigio consternatis gentibus finitimis patuit facilè via ad expugnationem vrbis Hierico, vnde nullus egredi, nullus ingredi auderet, nec tam munimenta belli quàm timor Hebræi populi portas occluserat. Ante obsidionem primæ huius trans Iordanem vrbis, renouata circumcisio, celebratum Pascha, & manna deinceps abolitum & cum frugibus terræ mutatum, missus Angelus in specie viri & quidem euaginato gladio, vt tam ibi Deum propitium speraret Iosue, quàm haberet præsentem. Et quidem promissum Dei auxilium, & loci sanctitas declarata, cum soluere calceamenta de pedibus iussus est Iosue. His quasi præambulis signis subsequente Arcam Victoriâ capta est ingens Ciuitas, nullo, ô prodigium! quassante muros ariete, nullo in hostes intento gladio aut directo arcu. Ad septimum buccinarum clangorem (quippe septem dies circumcrepuerant tubis sacerdotes ex præcepto Dei.) Tandem vociferante exercitu corruunt muri Hierico dato in Urbem aditu, quacumque se collocarant armatæ acies. Quantâ cæde bacchatum sit in capta Vrbe, vix credi possit. Nam cum Rege populus cecidit, cum viris fœminæ, nec ipsi cum senibus excepti infantes: boues, asini, oves, & cætera huiusmodi animalia post occisos homines, non permessa sunt viuere. Vni Rahab ex fœdere, totique familiæ parcitum

est, cunctaque illius supellex erepta Vr-  
bis incendio. Consecrata demum Deo &  
loco anathematis reposita aurum, argen-  
tumque, vasa item ex ære vel ferro, vt  
ex his crescente ærario Dei, victoris po-  
puli ad meliora Deo auspice sese virtus  
extenderet. Talibus Iosue primitiis per-  
petuum victoriæ cursum sibi promeruit.

*Bellum aduersus urbem Hai.*

C A P V T I I I.

Ex cap.

7. & 8.

Iosue.

V Icerat Hebræus in vrbe Hierico re-  
liquas trans Iordanem Vrbes & Gen-  
tes accolas, nisi currentem victoriam  
repente tardasset Hai paruum quidem  
oppidum ac fere vicus ignobilis, hôcta-  
men non inglorius, quòd militem vin-  
cendi peritum in fugam auerterit. Num-  
quam securè negligitur hostis. Qui urbem  
explorauerant, in tam paucos hostes per  
tria virorum millia rem expediri facilè  
posse iactauerant, sed nec totus populus  
sustinuisset paucorum impetum, pro qui-  
bus iam pugnabat Deus. Audit Iosue tri-  
ginta sex suorum cædem & reliquæ mul-  
titudinis fugam, stupet primùm, deinde  
deplorat supplex ac pronus coram Arca  
Domini. Discit ab oraculo quamdiu fur-  
tum anathematis maneat inultum in ple-  
be, tamdiu in peccati reos prequaliturum

hostem. Igitur sacrilegii non segnis fit inquisitio, itur per tribus, familias, domos, donec sorte deprehensus est fur publicæ saluti infestus. Achan miles ex Tribu Iuda confessus culpam, raptum scilicet ex manubiis Hierico pallium coccineum, regulamque auream & ducentos argenti siclos, mox lapidatus in valle Achor cum tota familia perit, simul igni traditur supellex cuncta, præsertim tentorium, in quo furtum anathematis suppressum fuerat. Hinc aceruus lapidum, & hætenus vallis Achor dicta, eò quòd exclamasset Iosue: *Quia turbasti nos, exturbet te Dominus.* Sic expiatis castris bene ominandum erat in posterum. Prædicatur à Deo subuersio urbis Hai & præscribitur forma pugnandi, ut vel ex hoc intelligas diuinum esse aliquid etiam in ipsis insidiis. Nam dum Iosue composito exercitu Urbem inuadit, & Rege egresso in pugnam metum simulat, & fugam, longius sic hostem ab Urbe distrahit, ita ut relicta à tergo in insidiis quinque hominum millia vacuum Urbem occupent & inflamment. Iosue procul conspecto incensæ Urbis fumo finitâ fugâ conuersus in Regem cum totis copiis persequitur, accurrunt insuper qui iam Urbem ceperant. Sic, ô feliciter additum virtuti dolum! vtrinque cæditur hostis quasi medius, hinc qui fugerant, insequentibus, illinc qui ex insidiis assurrexerant, adiuantibus. Vnus ex tota multi-

tudine superstes Rex agitur in crucem  
& sub aceruo lapidum deponitur cadauer,  
vt finitimæ gentes horrerent populum Dei  
qui non modò Reges bello vinceret, sed  
etiam in patibulo quasi vilia capita su-  
spenderet. Pro capta & incensa Vrbe agit  
Dux Iosue gratias Deo, ædificato altari  
& cæsis victimis; nec enim potitus prædâ  
miles ex iussu Dei, partem prædæ ad  
sacrificia negare poterat, nisi ingratus.

---

*Bellum Gabaonicum.*

CAPVT IV.

Exc. 9.

**E**T iam tantus erat populus Dei, vt  
parcere posset subiectis & sibi à vi-  
ctoria temperare. Hoc experti Gabao-  
nitæ, licèt per fraudem, periculum im-  
minens à ceruicibus suis depulerunt.  
Istos, auditis quæ fortiter gesserat He-  
bræus, tantus pavor inuadit, vt redi-  
mere vitam seruitute malint, & fraude-  
tandem extorquent, quod vix iure im-  
petrassent. Simulant se longiùs venisse,  
qui prope aderant & sic omnia suis  
aptant mendaciis, vt post ostensos ve-  
teres saccos, vtres scissos & solutos,  
detritas vestes & calceamenta pictaciis  
confuta, panes demum durissimos de  
prolixo itinere nihil dubitauerint He-  
bræi. His indiciis extraneos professi  
pacem postulant & fœdus percutiunt.  
In

In testem iurati fœderis comedit populus Gabaonitarum cibaria. Sed viâ post triduum audiit Iosue conterminos esse qui peregrini crediti fuerant, & quidem de illorum numero, quorum capita Deus proscripserat. Quid faciat Iosue? periurus occidat mendaces, an reseruet deuotos morti homines? Placuit, ne murmuret vulgus, vitam dare pactam iuramento, ne Diuini præcepti Religionem periurio violent, & peius sit occidisse, quibus datum erat viuere, quàm reseruasse qui debuerant mori. Itaque permissi sunt viuere, sed ita vt deinceps non viuerent sui, & posterì seruirent Hebræis tum ad ligna cædenda, tum ad aquas comportandas in Domum Dei. Sic mulctatum est seruitute mendacium, sic serua Religio iuramenti, mutatâ in ignominiam pœnâ capitis. Et tandem Ciuitas Gabaon imminenti ruinæ vel per fraudem euasit. Tanti visum est Hebræos habere fœderatos, & non experiri victores. Sed quid profuisset non habere hostes, nisi etiam experta esset verè amicos. Nec defuit occasio. *Ex c. 10.* Quinque Amorrhæorum Reges, præsertim Adonisedech Rex Hierusalem coniurati Gabaonem obsident. Rogatus Iosue non distulit auxilium vbi maxime necessarium vidit. Adest igitur repente nec opinantibus cum toto exercitu, & ita noctem ad occultum progressum accommodat, vt tam cito vicisse hostes quàm venisse videretur, tam subito Amorrhæos con-

turbat aduentu, vt de cœlis non de Galgalis irruisse attoniti cogitarent. Hinc tantus terror, vt solum fugæ restaret præsidium, & persequi fugientes non tam laboraret Hebræus quàm comprehensos gladiis perimere. Tanto cladium numero nec manus sufficiebant, nec dies iam inclinatus ad vesperam. Quis crederet in hoc rerum articulo cœlum ipsum ac sydera quasi commilitones pugnasse cum Iosue? Cœlum primò lapidibus pluit, plures lapidati de cœlo quàm cæsi gladiis inuenti sunt. Sol item & Luna restitere in medio cursu, & ille quasi nesciret occasum, tamdiu lucem protulit, donec in tenebras compulsi quinque Reges, certamini finem dederent. Nunquam productior dies illuxit orbi; nec clarius Hebræis victoria contigit. Huius nequando puderet victorem, eam trucidatis quinque Regibus consummauit. Suo quisque suspensus in stipite vitam finiit, vt omnes pœnâ pares forent, sicut in Hebræos coniuratione concordēs. Ad vesperam patibulis depositi sunt & in speluncam vbi latuerant projecti, clausique ibidem immanibus saxis, vt nulla eorum apud posteros reliqua esset memoria. Liberatâ Gabaone & neci datis quinque Regibus, quodam quasi æstu & torrente victoriæ secutæ sunt. Ciuitates, tum vbi illi regnaverant, tum conterminæ aliæ. Vno quasi impetu prostratæ Maceda, Lebna; Lachis, Eglon, Hebro, Dabir, tota

demum tum campestris tum montana  
Regio percussa gladio, deleta igni, in  
ditionem populi venit. Nulla verò vi-  
ctis rebellandi spes relicta est, quia ne-  
minem viuere passus, omnem ætatem,  
sexum, fortunam gladio confudit. Vi-  
sum est Deo & necesse fuit nouam hanc  
Coloniam non priùs his terris insistere  
quàm veteres coloni ad vnum vsque pe-  
rissent, sicut ad locandam felicem arbo-  
rem priùs è solo radicitus eruitur in-  
fœcunda.

---

*Bellum cum Chananais, Amorrhais,  
Ethais, Phereſais, Iebuſais, &c.*

C A P V T V.

**N**Escio quâ desperatione concitatis  
animis, iterum bella, iterum ho-  
ſtes, ne forte situ & otio flacceſceret  
victor exercitus, vel vt intelligeret non  
tam expectandam à Deo, quàm proprio  
labore quærendam victoriam. Credo, in  
vltionem prioris ignominia viginti  
quatuor Reges armantur, vt quinque  
Regum dedecus expient & abſtergant.  
Dux & quasi-fax, huius belli Iabin Rex  
Azor viginti tres alios cogit in pu-  
gnam ad aquas Meron. Hinc Iobab  
Regem Madon, illinc Regem Same-  
ron, Regem Acſaph & aliquot ad aqui-  
lonem principantes. Chananæus inſu-

*Ex c. 19  
Joſue.*

per , Amorrhæus , Ethæus , Phereſæus , Iebuſæus & Euxus ſuppeticas ferunt. Igitur globus populorum , equorum , curruum tantus, vt vel ipſa multitudo ſe ſuperiorem fore promitteret. Sed ſicut numerum non timet lupus , ita nec Iofue promiſcuam hoſtium turbam exhorret confirmatus à Deo , quin ſperat ipſam ſibi obſtare poſſe multitudinem & propriis viribus ruituram : ſicut videmus arbores ipſâ fructuum copiâ frangi & ad terram proſterni. Vix primo certamine tentati hoſtes , mox cæſi omnes vel fuſi fugatique. Nec diu fugientibus adeo profuit fuga, vt tandem non venerint in manus victoris , vi captis vrribus, quò male tuti confugerant. Primus cum ſua Civitate Rex Azor diſperit, vt ſic turbo iſte & ſeminarium belli ante ſocios occumberet. Sublato Rege Azor & flammis aboletâ Vrbe , cæteros Reges & Vrbes quibus eminebat , vinci non puduit. Tota deinceps Regna ſe tradunt cum populis , quando impune nullus obſiſteret. Omnes demum ferro & igni populatus Iofue , ne vnum quidem relinquit ex hoſtibus, tum ut gentem inimicam Deo funditus exſcindat, tum ne quis à tergo inſtet ultra tendentibus. Quin etiam de ſtirpe Enacim id eſt de Gigantibus & de illorum Vrribus victoriam adornare placitum eſt , vt quorum erant pluſquam humana corpora, & pares, vt videbatur cum Deo vires, etiam ab hominibus ſe vinci poſſe erubeſcerent.



*Diuisio Tribuum per Vrbes  
Bello captas.*

C A P V T V I.

**E**T hic tandem finis bellorum Duce *Ex c. 13. Iosue.*  
Iosue, post deuictos eos etiam quos  
vincendi nulla propè spes fuerat. Datur  
interim pax & otium victorique vbique  
populo, totâ quàm latissime Regione  
vel subactâ gladio, vel sub tributo ser-  
uiente. Cæsis tot hostium millibus dec-  
rant Ciuitatibus, vicis, ac villis inco-  
læ. Missæ igitur in nouam Coloniam  
nouem Tribus cum dimidia Manasse  
( quippe iam vltra Iordanem Tribus  
Ruben cum Tribu Gad & altera dimidia  
Manasse, concedente ipso Moyse sedes  
fixerant ) ita singulis tribubus attributæ  
sunt certæ Vrbes & Oppida, vt ne diu-  
tius solitudine horreret tam vasta Re-  
gio, & vt totus terræ à Deo datæ tra-  
ctus divideretur ex æquo. Citra iniu-  
riam ( ita Deus præscripserat ) in par-  
tem diuisæ terræ non venit Tribus Le-  
ui, cui ipsa Dei portio iam obuenerat,  
id est decimæ, primitiæ, oblationes,  
libationes ex Religione Deo soluendæ.  
Assignatæ tamen Leuitis Vrbes aliquot  
quas incolerent, & suburbana, in qui-  
bus eorum pecora pascerentur. Item  
destinatæ Ciuitates refugii, vbi homi-  
G liij

cidis ex casu tutos esse liceret. His demum quâ potuit æquitate distributis omnibus moritur Iosue, cuius vita clara victoriis, cujus gesta insignia miraculis, præstantissimum populi Ducem fuisse confirmant.

*Bellum Chanaanum secundum.*

C A P V T V I I.

*Ex c. 1.  
Indic.*

POst diuisas sortitione Tribus, & in suas quamque sedes profectam, non deinceps totius populi bella, sed singularum Tribuum expeditiones quædam fuerunt, tum vt fines suos producerent, tum vt hostes quibus pepercerat Iosue, debellarent. Gratis & de industria relictæ sunt Chananæus, Pheresæus, & alii multi, vt sine hoste omnino non marcesceret virtus Hebræa, & nunc in huius, nunc in alterius expugnatione quasi ad quandam cotem sese illa exaceret. Igitur aduersus Chananæum consociatæ Tribus Iudæ & Simeonis, arma capiunt, oppidum Bezech expugnant, & decem millia virorum obruncant, & nisi Rex aufugisset, venerat cædes ad cumulum. Itaque dum fugiens comprehensus est Adonibezech tota in illo hostium moles opprimitur. Capto Regi non continuo vita eripitur, sed quasi in multam suorum scelerum vt confes-

• fus est, præciduntur summa manuum  
ac pedum. Hac pœnâ iustè punita est se-  
ptuaginta Regum iniuria, quos trucu-  
lensus Rex amputatis similiter manibus  
pedibusque ad Triumphum seruauerat;  
& vt sæuitiam contumeliâ obrueret,  
sub mensa veluti canes ad colligendas  
reliquias substernebat. Sic membra trun-  
catus & per partes cæsus, tandem in  
Hierusalem expugnata atque incensa  
totus occiditur. Debellato Chananæo,  
tum qui montes, tum qui campos in-  
federat, addito etiam sicut ad pugnam,  
ita & ad victoriam Phèresæo, tota ver-  
sus meridiem Regio Tribui Simeonis &  
Iudæ seruebat. Percussi in Hebron olim  
Chariatharbe tres Gigantes, Sesai, Hai-  
man & Tholmai, cæterorum periculo  
addidere terrorem. Capte Vrbes Gaza,  
Ascalon, Accaron, ac demum per mon-  
tes volitante victoriâ, tota in Vallibus  
belli fors consistebat. Hîc tam terribilis  
erat falcatorum curruum vsus, vt inuicto  
populo metum tamen injiceret. His tam  
insignibus exemplis tantum abest vt  
cæteræ Tribus animos ceperint, quin  
segniores factæ vel promiscuè habitare  
cum Chananæis aut Amorrhæis, etiam  
connubia iungere contra fas Dei, vel  
tributarios tantum habere, quàm delere  
funditus maluerint. Sic avaritia vicit  
obedientiam, & quos Deus occidi iusse-  
rat permissi sunt viuere, vt illi deinde  
vincerent à quibus vitam acceperant.  
Vnica Tribus Ioseph æmulatione ardens

Vrbem Bethel ( quæ prius Luzor ) ditioni suæ adjicit. Nec hic dolus virtuti defuit aut nocuit. Viam & aditum in Vrbem obsessam qui patefecit, aliorum eæde vitam suam redemit.

*Bellum Syriacum Indice Othoniele.*

C A P V T V I I I .

*Ex cap. 3.  
Indic.*

**P**Opulus Hebræus beatus ac potens & numquam, ab hostibus suis vincendus videbatur, nisi prius ipse victus peccandi libidine in eorum se potestatem abjecisset, quorum sacrilegos cultus susceperat. Quos prius auaritiâ amicos contubernales, demum consanguineos fecerat nefandis nuptiis, ex ipsis deinde superstitio veri Dei cultum excussit atque memoriam. Quam fædum dictu, ut qui Deo cœli ritè litauerant, postea Baalim & Astaroth Deorum monstribus supplicarent! Tantam impietatem iratus Deus seruitute vlciscitur, dignâ quidem scelere pœnâ, quippe octo per annos serviunt Regi Mesopotamiæ Chusan Rasathaim, quos obsequij diuini pertæsum fuerat, ut experirentur quanto dispendio sortem mutassent seruire coacti qui ante regnabant. Subiit populum facti pœnitentia, quâ tandem plus offensus Deum placauit, quàm prius sacrilegio offenderat. Flectitur iraque sup-

plicum votis & lachrymis, ipsis Othonielem mittit libertatis vindicem & ut sic dicam *saluatorem*. Hic repente coacto exercitu Syriæ Regem vno velut incautum certamine opprimit, populo libertatem, tetrīs pacem & securitatem in quadraginta annos restituit. Ille ad hanc victoriam jam quasi proluserat, vi captā Cariath-Sepher id est Civitate litterarum. Victor Othoniel, Iudex liberati populi constituitur à Deo, cum namque decebat in illos exercere Iudicia quos sibi iure belli mancipaverat.

---

*Bellum Moabiticum secundum,  
Iudice Aod.*

C A P V T I X.

**T**Anto sibi dato Iudice non peccare Hebræi, quasi pædagogum reueriti; quo defuncto rediit peccandi licentia, crevit superstitio, crevit & indignatio Dei. Hinc noua seruitus, & tributum sub Eglon Moabitarum Rege. Huic, quia non audebat, in populum inuictum audaciam facit Deus & adhuc dubitanti sociat hinc Ammonitas, hinc gentem Amalech inimicam Hebræis. Hoc auctus præsidio & diuinâ spe plenus Urbem Hierico seu Palmarum id est totum illum tractum (nec enim Vrbs diruta à Iosue reposita adhuc erat) per

*Ex eod.  
c. 3.*

vim aufert, cæsis aliquot Hebræorum millibus, cæteris consternatis. Deinceps in decem & octo annos victori Regi seruit populus & tributum pendit, donec missus Aod filius Gera non tam tributum se onere exoluit quàm Regis trucidandi consilium cepit. Ita illi persuaserat Deus, ut vnius nec totius populi salus constaret. Ad expediendam Regis cædem mirum est quo fato & cædentis ambidextra manus, & cæsi corporis crassities, & gladii ancipitis palmaris breuitas conspirauerint. Igitur Regem adit Aod & in aurem se loqui velle simulans, non silentium modo, sed & solitudinem impetrat: remotis arbitris assurgenti Eglon sicam tam feliciter infigit Aod, ut sequente capulo ferrum in vulnere, sædo alui profluvio sædiorem efflauerit animam. Parùm felix visa fuisset illata nex Regi, nisi impunè & citra periculum occidentis fuisset Rex cæsus. Itaque relicto in percusso ventre gladio quem adeps obstrinxerat, ita fugam suam adornat ut clausis cœnaculi ostiis quasi nihil manu egisset, abierit. Mox cognitâ à seruis Regis cæde, securus in Seizath venit Aod, luctus, terrorque apud Moabitas, apud Hebræos gaudium fiduciaque inualuit. Tunc hortante Aod; *Sequimini me, nostri sunt Moabita*, decem millia circiter gladio occumbunt, & occupatis diligentissime vadis Iordanis quæ transmittunt in Moab, ne unus quidem fugâ elabatur. Quis mirabitur tanto Duce

partum hunc Triumphum, qui periculo vitæ suæ, populi salutem expedit? Quis indignabitur Regi Eglon clanculum paratam necem? hæc pœna fuit pro Idolis quæ in Galgalis adoranda posuerat. Quis potuit ictum percussor frustrari, cuius manum etiam sinistram direxerat Deus? Quis dolum in accincto ad dextrum femur gladio arguat? omnia vindicanda Dei iniuria sancta esse iubebat.

---

*Bellum Philistaum primum  
sub Sangare.*

C A P V T X.

V Nius dici certamen octoginta annorum pacem peperit. Tumultuatum quidem interim apud Philistæos, & tentatum aliquod bellum, at sexcenti ex Philistim viri percussi à Sangare filio Anath cæteros timere Hebræum docuerunt. Vomere, vel ut alij volunt, stiuâ aratri seu stimulo boum confecta est strages, ut intelligeret hostis rusticanos etiam Hebræorum, militiam nosse, & tam ipsam domari posse stimulis quàm boves ipsos. Talibus hastis seu lanceis tertius hic Iudex insignior fuit, quàm alij fortibus armis, non virtute bellicâ formidandi.

*Ex cap.  
3. Iudic.*

*Bellum Chanaanæum tertium  
Iudice Debhora.*

C A P V T X I.

*Ex cap.  
3. Iudic.*

**S**emel & iterum victi ab Hebræis Chananæi, tertio & obstinatius in suam perniciem bellum mouent, hostium numero & quasi mole præcipuum, si comparare placet cum prioribus, admirabile quoque & stupendum euentu; quippe non viro Duce, sed fœminâ inchoatum, per fœminam insuper fœliciter confectum est: quasi indigna esset tam sæpe rebellis natio vt à viris sicut antea vinceretur. Causa belli hujus, oppressio populi per viginti annos Iabia Regi Chanaan seruiantis, Deo Hebræorum sacrilegia pœnâ consimili persequente. Sed sicut amor superstitionis miseros fecerat, ita sceleris pœnitentia liberos abire iussit. Quâ fortitudine valeret Chananæus, hinc satis apparet, quod nongentos currus falcatos haberet, infinitum prope exercitum, Ducem maximum Sisaram: quâ felicitate deuictus sit, incredibile dictu est; quippe vel solus terror Deo desuper fulgure, grandine, tonitruis militante profligavit, quos tanti erat ferro attingere. Caput admirationis, Dux fœmina, quæ plena Deo nunc vatis oracula responde-



bat, nunc sub palma iudicia exercebat in populum. Barach filius Abinoem comes ( nec enim hic solus exire in aciem audet ) vt præcipua Chananæi expugnatio res esset fœminarum. Audivit Sisara Barach Debboræque ascensum in montem Thabor cum decem millibus pugnantorum, quæ pessundari facile credidit per nongentos currus, vel obrui numero- roso exercitu de Aroseth gentium. Sed vanum fidei fefellit spes sua. Testis torrens Cison vbi hostes mutuâ cæde caderent, currus terrefacti colliderentur. ipse Sisara curru defiliens fugâ persequentem Barach peruerteret. Quid tantum profuit fuga quem fata vbique expectabant. Tandem in tentorium Iahelis conjugis Aber Cinæi anhelans venit, & apud mulierem cum Rege fœderatam, quid insidias timeat? quin lacte pro aqua quam oppidò sitiens petierat accepto, amica & tuta sperauit omnia. Sed ô formidolosum fœminæ animum, illa oper- tum pallio hospitem, vbi soporatum vi- det, tempora clauo transforat, in ter- ramque affligit, vt sic soporem cum morte coniugeret Sisara. Tandem Iahelis clauo infixus terræ finem Chana- næo bello fecit, & tantam Ducis cæ- dem ac dedecus totius Regni Iabin ruina secuta est. Hoc summum Dei beneficium celebravit Debbora cantico, trium- phum verè imputans Deo, eo quod fœ- minæ viros vicissent.

*Bellum Madianiticum secundum  
sub Gedeone.*

C A P V T X I I.

*Ex c. 6.  
Iudic.*

**O**Mnis mox Regio quæ modo Palæstina audit, quadraginta annos pacem habuit. Quis enim post Chanaanum tertio debellatum auderet? Ausus est tamen Madian, & ne debilior, quia solus, insurgeret, iunxit se illi Amalech & cæteræ Orientis gentes. Sic sociatis viribus hostium, crevere mala oppressi populi, ita ut in antra & concaua montium, velut in domos refugerent alij, ferarum quàm hominum similiores, alij altissima conscenderent & situ munitissima loca, ut ibi nihil quàm ab irato cælo metuerent. Interim vacuam Regionem suis colonis, hostes cum gregibus suis, ô dura fors! fixis tentoriis inhabitant: fata omnia vix in herbis pubentia populatur innumera hominum & camelorum quasi locustarum cohors. Ita nihil reliqui erat ad messem, ad pabulum abactis procul gregibus iumentisque Hebræorum. Quanta peccantis populi scelera quæ tantis Deus iussit expiari calamitatibus! Quid deerat miseris; nisi ut omnino perirent? Et perierant etiam in patria iam non sua, nisi misso Prophetâ, deinde Angelo per

Gedeonem, promississet Deus prospera omnia supplicanti Hebræo, ne ultra concessæ illi à Deo terræ inquilinus fieret hostis barbarus. Itaque in Ducem eligitur Gedeon seu Hierobaal ( hoc dictus est nomine ab destructa ara Baal, lucoque succiso. ) Dubitans Gedeon confirmandus fuit à Deo sibi per Angelum in oblato sacrificio loquente. Duplici insuper opus fuit prodigio, primum quidem ostenditur petenti solum vellus roscidum in area, terra circumquaque arida & expressi velleris rore concha impleta, deinde vellus siccum apparuit, totâ interim terrâ rore mirabili superfusâ. Ex his signis, diversis licet, in vnam spem concurrentibus bene auspicatur Gedeon & se à Deo datum Ducem intelligit. Sed quis crederet? magno delectu factò ex domo Abiezer, ex Tribubus Manasse, Aser, Zabulon & Nephtalim prohibetur multum exercitum educere. *Multus tecum est populus* ( inquit Deus ) *non numero vinces, sed paucorum fortitudine*, vt intelligeret Gedeon, vel totam fore Dei pugnantis victoriam, vel certe etiam in paucis vincere posse qui armatus est Deo. Igitur ex coacto exercitu dimissa in suas domos viginti duo millia virorum: & adhuc visus est Deo populus multus, cum decem millia tantum reliqua essent, donec in tercentum bellatores tot millia hominum contracta sunt: artem & viam docuerat Deus Gedeonem, quâ imbecilles segregaret à bella-

toribus. Vniuersos ad flumen deductos quò sitim extinguerent ex ipso haustu aquæ facillè probauit; vt qui cursim manu lympham in os projicerent & quasi more canum linguâ lamberent, retinerentur ad prælium, qui curuato poplite vel toto corpore procumberent tanquam genus inutile armis, amandarentur. Ita sobria mens viros probat & milites facit. Trecentorum Dux Gedeon (nam reliquum vulgus in sua tabernacula abierat) tripartito exercitu Madianitas ex improviso adoritur. Castra primum dum comite puero Phara tacitus explorat, audit somnium Madianitæ & ex re inani solidam spem arripit & labantem animum confirmat. Viderat vnus excubitorum Madian, subcinericium ex hordeo panem volui per castra, & illius quasi fulminis lapsu æquatum solo tabernaculum: *Non est hoc aliud* (inquit socius) *nisi gladius Gedeonis.* Hoc audito quid non tentet intrepidus Gedeon? Hunc trecenti in castra hostium secuti dextrâ buccinam, læuâ inclusam gestant in vacua lagena lampadem, & ò nouum bellandi ingenium! vix cum sociis tuba personuit Gedeon & complofis lagenas frangendo vbi terribiliter conclamauit miles; *Gladius Domini & Gedeonis*, mox turbata hostium castra, fugere omnes in diuersa vlulantes, & sic trepidatio pro victoria fuit. Laborasset victor Hebræus in tot millibus cædendis, nisi se se ipsi mutuâ cæde truncassent.

truncassent. Quin & fugientes sistere, aut persequi cum non sufficiunt trecenti, vocatâ in auxilium Tribu Ephraïm ad occupandum Iordanem, apprehensi sunt Oreb & Zeb militiæ principes, quorum præcisa capita ad Gedeonem, vt certa victoriæ trophæa portantur. Deerat ad cumulum triumphi, vt Reges quoque Madian Zebee & Salmana in Gedeonis manus subiecti venirent. Hos in ipso cœstu fugę comprehensos manu suâ obtruncat Gedeon, vbi audiuit ab istis fratres suos occisos. *Ideo ( inquit insultans ) viuit Dominus, quia si seruassetis fratres meos, non vos occiderem.* Hanc necem primogenito Iether mandauerat, sed cum timuisset puer in tantos viros ferro insurgere, toto robore patris opus fuit. Tandem hoc Duce domitus iacuit Madian, nec posthac ausus est rebellare quadraginta annorum indultâ requie. Vir quidem hic magnæ, sed calamitosæ virtutis, qui septuaginta filiorum pater ex multa Coniuge post mortem in vnico hærede superuixit. Quippe liberos omnes ante diem, præter minimum natu Ioathan, dira mors absumpsit, & sic apparuit tantæ virtuti inuidisse fortunam. Hoc vno saltem beatus Gedeon, quod placidâ senectute vitam finiit & bellicos labores longâ pace potuit obsignare. Magnus hic, qui Reges & innumerabiles exercitus debellauit, maior, qui delatum sibi ac posteris regnum ac dominationem respuit, solâ prædâ contentus, quæ Is-

maëlitis erepta fuerat. Præda hæc ex inauribus aureis ad pondus septingentorum siclorum, ex monilibus, vestibus purpureis Regum & torquibus aureis camelorum. Laudanda porrò fuit pietas Gedeonis, nisi profanam fecisset superstitio populi. Nam conflatum ex inauribus Ephod, id est vestem summi sacerdotis bene instituerat; sed illo postea abusus est populus ad Idololatriam. Ideo quod Gedeonis gloriæ & saluti vertendum erat, in perniciem cessit domus amplissima.

---

*Bellum Ammoniticum primum.*

C A P V T X I I I.

**I** Terum Hebræi posthabito diuino in Idolorum cultum defluunt, & vetera crimina nouis cumulant, at certè non inulta. Iterum Deus suos eorum prædæ ac seruitio tradit, quorum superstitio- nem amauerant, ut quos pacis com- moda primùm per viginti tres annos sub Thola Iudice ac deinde per viginti duos sub Iaïr Galaadite à Dei Religione amo- uerant, belli posthac innumeræ clades, calamitatesque reuocarent. Itaque ab Ammonitis dirè diuque, id est per annos decem & octo vexatos pœnitere coëgit, & vastitas Patriæ & rerum afflictarum summa inopia. Ideo pene simulatam,

quam tot mala extorserant pœnitentiam respuit Deus, sed ubi proiectis Idolis seruire Deo velle profitentur, tandem negatum impetrant Dei miserantis auxilium. Mox vnusquisque socios aduersus hostem hortari, at sine Duce quis audeat? Qui primus Ammonitas bello tentauerit, hic omnium voto Ductor decernitur. Et hic Iephthe fuit, filiorum Galaad fortissimus, vt alter Ioseph à fratribus pulsus & exheredatus, quia ex scorto seu adultera genitus, principatum inter fratres obtinet, nec aliâ mercede quàm principatu pro bene gesto in Ammonitas bello paciscitur, iam tum in terra Thob latrocinantium & egenorum Princeps factus. Exordium belli à legatione ad Regem. Hic rogatus à Iephthe pacem, nec à vastatione Galaad temperans, in locum pacis, bellum sibi accersit eò acerbius quò iustius. Votum pro victoria hostia promittitur, quidquid primùm reuertenti de prælio obuium venerit. Venit filia Iephthe vnica, tympana quatiens chorosque ducens & post defletam in montibus virginitatem immolatur Deo. Sic voti reus pater pietatem exuit, vt religioni malè seruiat. Fortè consecrata est Deo puella, vt etiam non occiso corpore, quasi moreretur abstracta à nuptiis nunquam genitura mortales. Inde mos Hebræorum, vt quot annis per dies quatuor defleatur filia Iephthe, cui virginitas inuitata pro morte fuit.

Ex c. 17.

*Bellum Philistæum secundum sub  
Samfone.*

C A P V T X I V.

Ex c. 13.  
usque ad  
16. Iudic.

**D**Omiti primùm Sangare Duce Philistæi, iterum in Hebræos quasi secundum faciunt impetum fortio- rem quidem, sed non feliciorem. Illi victores tum duro seruitutis iugo populum opprimunt, vt per quadraginta annos solis lachrymis liceat tantum dolorem lenire. Certè digna erat noua populi impietas hac longâ seruitute mulctari, at dignæ quoque illius lachrymæ, quas ipse Deus abstergeret, dato aduersus Philistæos Duce ac vindice potentissimo. Samson hic fuit sterilis matris partus, vt victoriam promitteret victa ipsa in eius exordio natura. Nazareus fit, id est Deo consecratus ab infantia, vinum & siceram bibere prohibetur & comam rondere, vt totus Deo sacer diuinam fortitudinem hauriat, profano cibo exhaustus & quasi exsuccus. Quantum huius viri decus, cuius natalem parentibus pronunciat Angelus, & fugiens in flamma holocausti placitum Deo sacrificium confirmat? Crescit puer, sed in exitium Philistinorum, & in hos rebellandi non tam illi suberant causæ, quin quærenda fuit honesta occasio. Hoc sine accepta



in vxorem mulier Philistæa inuitis parentibus, & obstante lege, Deo tamen interiùs afflante. Oritur primùm rixa in conuiuio coniugali, mox belli fit iusta causa. Proponit inter epulas Samson problema, quod nisi extricant conuiuæ Philistæi intra septem dies, triginta sibi Sindones pendant & totidem tunicas. Problematis nodus hic erat: *De comedente exiuit cibus, & de forti dulcedo.* Cæsus in via leunculus, & in frustra diuisus, tum deinde inuentum in ore leonis examen apum, & fauus mellis, quem Samson in via comederat cum inscio Patre ænigmati locum fecerat. Quis tantas ambages resolveret, nisi Samson ipse? Vxor per septem dies illi blandita & rogitans arcanum mariti tam citò euulgar, quàm solerter extorserat. Vbi audit Samson conuiuas nodum soluissè cum dicerent, *Quid dulcius melle, & quid fortius Leone?* agnoscit locutam vxorem, indignatur, & non minùs quàm diuortio muliebrem perfidiam mulctat. Tum Ascalonem descendit, & triginta Philistæis neci datis detractas vestes in pretium soluti problematis tradit. Ethæc adhuc belli præludia, donec addita cædi hominum strages camporum. Nam totas Philistinorum segetes, vineas & oliueta succendit Samson, & adhuc plus irâ sauiens, quàm igne, incendio isti, ne vulgare sit, artem & ingenium nocendi adhibet. Trecentas vulpes capit, alteram alteri per caudas fune religat, in medio-

que faces inflammat, quibus ipso discursu & in transuersum motu magis ardentibus cunctæ quoque in agris arserunt fruges seu stantes in stipula, seu iam collectæ in cumulum. Tantæ stragis causa fuit data vxor Samsonis alteri viro ob diuortii moram. & iniuriam. Crediderant parentes repudiatam omnino, quæ ad tempus relicta fuerat. Non tulere patienter Philistæi, sed incendium Samsonis alio incendio vlciscuntur, & quasi obruunt. Mox vxorem Thannatæam cum Patre flammis absumunt, vti stragis acceptæ causas ac fomites. Et hinc noua bellandi occasio, tamque felici impetu percussî Philistæi, & tam multi ab vno, vt sura femori imposita stuperent singuli, ac deinceps non in Samsonem tantum, sed in vniuersum populum coniurant Philistiim de vno, si possint, inter multos repetituri vindictam. Coactò exercitu castra metantur in terra Iuda, minantur perniciem, vastitatem intendant, nisi Samsonem sibi tradant reuinctum. Fortè tunc in spelunca Ethan latebat, & ita ligandum se permittit duobus nouis funibus, tradique se passus est à Tribu Iuda in manus hostium, quò contritules à ruina belli eriperet, vt tamen vociferantibus Philistæis, sicut ad prædam canibus, mox resoluta sunt vincula, sicut ad ignem ligna in cineres abeunt. Ille liber & expeditus inuentâ mandibulâ asini, ô qualibus armis! mille Philistæos, quasi quoddam imbelle pe-

cus prosternit, cæteros in fugam pulsos cum timere docet, qui vel solus vincebat. Sitienti de pugna protinus de molari maxillæ scatet fons limpidus, qui sitim miraculo extinguat, vt ab eodem & victoriam & poculum victor hauriret. Debellatis tam sæpe Philistæis quid reliquærat, quàm vt arte, & dolo comprehenderent, quem vi, ac manu non poterant? Bis terque conatos frustra, magis ac magis vinci puduit ab vno, & clarior apparuit fortitudo Samsonis, quem nec dolus ipse euinceret. Gazam Urbem ingresso excubant Philistæi, vt manè exeuntem opprimant. At ille nocte concubiâ euigilans ambas portæ fores cum sera humeris, ô verè fortibus! transportat in vicinum montem. Deinde dum habet Samson in valle Soreth, iterum ad dolos intenta omnium studia, sed frustra omnes doli, nisi cum scæmina suas artes pactâ pecuniâ addidit. Hæc, (Dalilam dicunt) qua Samson utebatur vt scorto, licèt illusa sæpius, tandem amatori suo illudit. Nunc septem nervis constrictus, nunc nouis funibus religatus, nunc septem capitis crines cum licio plexos clauo terræ affixus, cum omnia facilè vel rupisset vel extricasset, tandem capite crasso, vt ipse confessus fuerat, amisit fortitudinem. Traditus deinde hostibus serò intellexit viros à viris interdum expugnari non posse, à scæminis posse, & omni virili robore fortiores esse blanditias ipsas muliebres,

præsertim si meretricium est lenocinium. Carceris tenebris damnato Samsoni eruunt oculos Philistæi, vt sic exoculatum turpiùs derideant & magis impunè, tum inter epulas, tum inter sacrificia Dei Dagon. Idem ludibrio est qui fuerat ante terrori. Sed non diu quidem, renatis quippe cappillis rediit pristina fortitudo, vt detonsa potiùs videretur, quàm stirpitus excisa. Igitur cum viri creuisset virtus crescente comâ, iterum facilè triumphat de hostibus, quos centies vicerat. Sed ne posthac veniat in manus hostium, maluit semel moriendo vincere, quàm vltra viuere, & timere ne vinceretur. Iussus est per iocum duas inter columnas stare, vt nunc huc nunc illuc impingeret, vtramque amplexus, vnâ læuâ, alteram dextrâ tam fortiter concussit, vt ruinis lapsæ domus se, suosque hostes oppresserit. Ita enim Deum rogauerat, *Moriatur anima mea cum Philistim.* Tria millia vtriusque sexus, qui de solario domus ludentem Samsonem spectatum venerant vna ruina domus conuoluit, vt verè de illo, qui in ipsa morte vincebat dictum fuerit *Multò plures interfecit moriens quàm viuus occiderat.* Hac morte vitam finiit Samson, quam sibi ipse intulit iubente Deo, ne prolixius viueret in opprobrium Dei. Certè non sanctiùs potuit mori, nec fortius, vt quem non nisi manus propria posset extinguere,

*Anacephaleosis.*

**H**Actenus populus Hebræus sibi con-  
 cors totus fuit in edomandis exteris  
 hostibus, & alieno imbutus sanguine, suo  
 ipse voluit erubescere. Haftenus pulchra,  
 egregia, sancta, & vt verè dixerim, diuina  
 bella gessit aduersus Reges populosque in-  
 numeros. {Sequuntur alia fœda, impia,  
 vno verbo ciuilia, quibus conuerso in sua  
 viscera gladio per cruentas seditiones sua  
 ipse membra lacerauit. Quàm turpe est  
 dicere qui Chananæis, Syriacis, Moabiti-  
 cis, Philistæis, Madianiticis bellis nomen  
 suum celebrauerat, deinde Sichimitarum  
 & Ephraimitarum seditionibus, & maiori-  
 bus in dies flagitiis veterem gloriam cum  
 ignominia labe mutasse. Pudet sane hæc  
 ciuiliū certaminum probra intermiscere  
 iustissimis præliis: sed ista vt spero cõ-  
 sanctiora videri poterunt, quò alia fœ-  
 diora & magis turbida apparebunt. Vt  
 apud Pictores fuscis & ingratis coloribus  
 permixtis pulchri egregique resplendent  
 magis, ita apud Scriptores mixtura vitio-  
 rum virtutes conspicuas facit & vultu me-  
 liores. Seditiones quæ sequuntur omnes in  
 vnum locum non in idem tempus contuli,  
 vt quidquid ferè per trecentos annos sub  
 Iudicibus bene gestum est, habeatur colle-  
 ctum, tum seorsim, quod intetim pecca-  
 tum fuit, vt quasi viuus color ex vmbra  
 magis eluceat.

*Seditio Tribus Ephraim  
in Gedeonem.*

**P**Rima fax & quasi turbo bellorum ciuiliū æmulatio Tribus Ephraim aduersus Gedeonem, qui ex Tribu Manasse ortum duxerat. Memor illa, Ephraim prælatum Manasse, dum vtrique benediceret Iacob, indignata est vicisse Gedeonem, & cum illo in partem non venisse victoriæ. Orta ex tumore indignatio ad iurgia processit, quin etiam ad vim hostilem ventum erat, nisi hunc ciuilem motum mollibus verbis repressisset Gedeon, & illos vicisse diceret, qui ne quidem pugnauerant. *Quid tale facere potui (inquit) quale vos fecistis? nonne melior est racemus Ephraim vindemiis Abiezer? in manus vestras tradidit Dominus Principes Madian.* Et hæc citra sanguinem dura contentio. At inclementius actum est cum viris Socoth & Phanuel, nam primores Socoth septuaginta per tribulos & spinas distractos comburi iussit ardentibus spinis. Turri verò Phanuel subuersâ, ciues loci gladio minuti sunt. Hac poenâ pungente vindicanda fuit contumelia quâ punctus ac laceffitus fuerat Gedeon, iuste illis ereptâ vitâ, qui transeunti ac lassō militi negauerant cibos, & illud in fratres egerant, quod in hostes impunè agere poterant.

*Seditio Abimelech Regis Sichem.*

**D**Elatum sibi à populo imperium res- Exc. 9.  
puerat Gedeon vt solus regnaret in Indic.  
Israël Deus. Abimelech ex concubina  
Gedeonis filius genere, eloquentiâ, for-  
titudine facilè Princeps, patris mode-  
stiam ambitione, imò pietatem crude-  
litate oppressit: septuaginta fratribus,  
excepto minimo natu qui transfugerat,  
occidi iussis, solus dominari facilè po-  
tuit. Iuuit eloquentia temeritatem ho-  
minis. Vnâ oratione cunctos Sichimitas  
ad arma sumenda compellit. Igitur con-  
stituitur Rex Abimelech, decreta insu-  
per & data septuaginta pondo argenti  
de phano Baal. Inde conducti inopes  
multi ac vagi & rerum nouarum cupidi.  
Nec diu stetit tam malè parta domina-  
tio. Tertio post anno regnum ipse sibi  
& vitam abstulit, ne diutius viueret in-  
uisus suis & bello oppressus. Oderant il-  
lum Sichimitæ, etiam qui Regem fece-  
rant: ô mobilem & fluxam hominum  
fidem! Septuaginta fratrum sanguinem  
vlcisci parant, primùm quidem insidiis  
appetunt, deinde vbi nil prosunt insidiæ  
apertâ vi oppugnant. Aduolat in auxi-  
lium Gaal filius Obed cum fratribus,  
nec minùs quàm regnum in præmium  
huius auxilii præsumit animo, hac spe  
solicitat populum & palam dicit, *Vti-  
nam daret aliquis populum istum sub ma-  
nu mea, ut auferrem de medio Abimelech*

Audiuit Zebul Præfectus Regis in Sichem, & prudens dissimulatâ irâ clam monitum vult Abimelech. Hæc erat epistola. *Surge nocte cum populo qui tecum est, & latita in agro & primo mane oriente sole irrue super Civitatem*: Nihil cunctatus Rex surgit ipsâ nocte, & in quatuor locis collocato exercitu Gaal egressum in pugnam, conuertit in fugam, deinde turpiter ex Vrbe ejicit illum Zebul, tandem tam acri obsidione Urbem oppugnat Abimelech, vt cæso omni populo sale captam Urbem seminaverit, vt vel hac strage Tyrannum ageret. In arcem velut in aliquam naufragii tabulam confugerat globus civium, sed hoc quoque præsidium quod gladio non potest, igne ferus expugnat. Præciso arboris ramo humerisque imposito cuncti certatim socii ramalia ad inflammandam turrem exportant. Vox in furoris æstu hæc fuit ad milites: *quod me videtis facere, cito facite.* Tanto inarsit turris incendio vt fumo & igni mille homines, tum viri, tum fœminæ conflagrauerint. Sed quam ex turri Sichimorum laudem peperit illi virtus bellica, hanc totam in turri Thebæorum amittit. Nam progressus in oppidum Thebes Abimelech, quasi præceps rueret in interitum, cum iam portis incubat & obsidionem vrget, terrore nominis in arcem quæ media in Vrbe eminebat omnis fere populus, præsertim viri Principes, properanter se condunt.



Portam muniunt ac sepiunt inclusi homines. Ad portam igitur tota belli moles conuertitur, subijcitur ignis vt Regi viam faciat quam manus non inuenit. Et fecerat, nisi mulier desuper iniecto molæ fragmine caput Regis illisum frengisset. Hic ne suæ necis esset author scœmina, conficiendum se armigero suo tradit. *Percute me (inquit) ne dicatur quod à scœmina interfectus sum.* Haud dubium, peius illum occubuisse illatâ sibi aut imperatâ nece, quàm si totus à scœmina periisset. Sic vnus morte septuaginta fratrum expiata cædes, & iustè deuastari ab Abimelech Sichimitæ, vt quia Regem illum factione quadam fecerant, ab illo funditus perderentur. Ita illis exclamans de monte Garizim prædixerat Ioathan minimus natus Geconis, & ex fabula de arboribus veritatem insinuauerat. *Ierunt (inquit) ligna vt ungerent sibi Regem, respuit oblatum imperium oliua, ficus quoque & vitis, quod nec ista vinum suum, nec aliæ duæ suam dulcedinem deferere vellent.* Annuit solus Rhamnus, imò si non fasces sceptrumque deferant, minatur incendium. *Sinon vultis me Regem egrediatur ignis de rhamno & deuoret cedros Libani. Videte ne rhamnus vobis sit Abimelech. & vos ille bello velut igne absumat.*

*Seditio secunda Tribus Ephraim.*

Ex c. 12.  
Iudic.

**I**Terum populus Ephraim, qui antea Gedeonem, tum deinde Iephte victorem æmulatus prælio & iurgio adortur. *Quare vadens ad pugnam (inquiunt) contra filios Ammon vocare nos noluisti? incendemus domum tuam.* Sed quia mendacio, belli causam prætexunt (vocaue- rat enim eos Iephte) iusto prælio fundit debellatque populus Galaad Duce Iephte. Et ne quis per vada Iordauis ad suos redeat incolumis, occupant flumen Galaaditæ ne quis impune transeat. Ad quadraginta duo milia cæsorum Ephraimitarum peruenit numerus. O quantum ex parua scintilla incendium; & quanto sanguine restinguendum fuit!

*Seditio Tribus Dan.*

Ex c. 18.  
Iudic.

**I**N arcto posita Tribus Dan, eo quod Amorrhæus fere cuncta occupauerat, sedes quærit vbi angustias locorum cum latifundiis commutet. Iurè hoc quidem & honestè, sed non erat inuitis extorquendam, quod precibus concedi poterat. Quinque ex fortissimis viris exploratores mittuntur de Esthaol & Saraa (vilis hæc erant oppida Tribus Dan) qui terram vberem latamque ad nouam coloniam deputent. Postquam, inuentam esse, quæ tantæ sufficiat multitudi-

ni renuntiatum est, sexcenti armis accincti procedunt, primum iuxta Carathiarim confident, qui locus dictus est ideo Castra Dan. Progressi ad montes Ephraim, domum Michæ ( hic ex Tribu Ephraim oriundus montem colebat ) Ephod & Teraphim id est sculptili aut conflarili Idolo spoliant, & sacerdotem illius Leuitem abducunt, *Veni* ( inquit ) *ut habeamus te sacerdotem & patrem.* Hunc Michas Idolo suo sacerdotem deuouerat, non contentus filio tunc sacrificulo. Sacrilegos multâ manu insecutus Michas, questusque his verbis, *Deos meos quaro & sacerdotem & omnia qua habeo: & dicitis mihi; quid tibi est?* nihil tandem impetrat, quàm ut in spoliata domo tuto viuere liceat. Spoiliis onusti sexcenti viri Urbem Lais in Regione Rohob positam expugnant, & flammis delent, ut nouam excitent de nomine Dan. Facile ac pronum fuit populum securum & quiescentem opprimere, nullo præsertim ferente auxilium. Hic igitur noui coloni sedes fixere, postquam sublati de medio veteres. Et hoc tolerabile videri potuit, nisi Idolo Michæ abusi ad cultum, veri Dei religionem extinxisset.

*Seditio secunda Tribus Ephraim.*

Ex c. 12.  
Iudic.

**I**terum populus Ephraim, qui antea Gedeonem, tum deinde Iephthe victorem æmulatus prælio & iurgio adori-  
tur. *Quare vadens ad pugnam (inquiunt) contra filios Ammon vocare nos noluisti? incendemus domum tuam.* Sed quia mendacio, belli causam prætexunt (vocaue-  
rat enim eos Iephthe) iusto prælio fundit debellatque populus Galaad Duce Iephthe. Et ne quis per vada Iordauis ad suos redeat incolumis, occupant flumen Galaaditæ ne quis impune transeat. Ad quadra-  
ginta duo milia cæsorū Ephraimitarum peruenit numerus. O quantum ex parua scintilla incendium; & quanto sanguine restinguendum fuit!

*Seditio Tribus Dan.*

Ex c. 18.  
Iudic.

**I**N arcto posita Tribus Dan, eo quod Amorrhæus fere cuncta occupauerat, sedes quærit vbi angustias locorum cum latifundiis commutet. Iurè hoc quidem & honestè, sed non erat inuitis extorquendum, quod precibus concedi poterat. Quinque ex fortissimis viris exploratores mittuntur de Esthaol & Saraa (vilia hæc erant oppida Tribus Dan) qui terram vberem latamque ad nouam coloniam deperant. Postquam, inuentam esse, quæ tantæ sufficiat multitudi-

ni renuntiatum est, sexcenti armis accincti procedunt, primum iuxta Caria-thiarim confident, qui locus dictus est ideo Castra Dan. Progressi ad montes Ephraim, domum Michæ ( hic ex Tribu Ephraim oriundus montem colebat ) Ephod & Teraphim id est sculptili aut conflabili Idolo spoliant, & sacerdotem illius Leuitem abducunt, *Veni* ( inquit ) *ut habeamus te sacerdotem & patrem.* Hunc Michas Idolo suo sacerdotem deuouerat, non contentus filio tunc sacrificulo. Sacrilegos multâ manu insecutus Michas, questusque his verbis, *Deos meos quaro & sacerdotem & omnia qua habeo: & dicitis mihi; quid tibi est?* nihil tandem impetrat, quàm ut in spoliata domo tuto viuere liceat. Spo-liis onusti sexcenti viri Urbem Lais in Regione Rohob positam expugnant, & flammis delent, ut nouam excitent de nomine Dan. Facile ac pronum fuit populum securum & quiescentem opprimere, nullo præsertim ferente auxilium. Hic igitur noui coloni sedes fixere, postquam sublati de medio veteres. Et hoc tolerabile videri potuit, nisi Idolo Michæ abusi ad cultum, veri Dei religionem extinxisset.

*Bellum Tribule aduersus Tribum  
Benjamin.*

C A P V T X V .

Ex c. 10.  
e. 10.

**B**ellum hoc Tribule potiùs quàm  
Bciile dicere placuit : in hoc enim  
totæ vndecim Tribus in vnicam acerua-  
tim & hostiliter arma corripunt : antea  
vna aut altera Tribuum inter se quasi pa-  
ria gladiatorum concurrerant. Causa  
huius belli, ultio infandi criminis, vnde  
certò victoriam præsumerent, qui hac  
laude certarent. Constuprata fuit vxor  
cuiusdam Leuitæ in Vrbe Gabar, tantâ  
adulterantium libidine vt ex stupro o-  
bierit, tanto dolore Coniugis, vt illudum  
vxoris corpus in duodecim frustra se-  
ctum in singulas Tribus diuiserit : vnâ  
mente, vno ore Tribui Benjamin indici-  
tur bellum, nisi tradantur ad necem au-  
thores sceleris. Et quia non traduntur  
hinc & inde instruuntur acies. Pares pro-  
pe pugnatorum vires, quadraginta mil-  
lia vndecim Tribus, sola Benjamin vi-  
ginti quinque millia ad arma coëgerat,  
par quoque animus, sed non par causa.  
Nam isti pessimis viris fauent, illi ius  
omne violatum vlciscuntur, Duce Iudâ  
( hunc constituerat Deus ) & tam iusta  
causa præliandi, semel & iterum debel-  
lantur vndecim Tribus. Primo prælio

viginti duo millia filiorum Israël gladio cadunt, secundo decem & octo millia; tertio tandem ita feliciter pugnant, vt priorem suorum iacturam tota vniuersa Tribus Benjamin interneccione resarciant. Cæsa viginti quinque pugnantorum millia, sexcentis omnino superantibus quos gladio concita fuga subduxerat. Rem totam expediunt partim insidiæ bene circa urbem Gabaa collocatæ, partim simulata fuga vt à ciuitate hostes abstraherent; partim ignis excitatus & fumo demonstratus vt de insidiis surgerent qui latuerant & totam gladiis Urbem distringerent, sic enim vrbs Hai capta, huius capiendæ exemplar fuit. Tanta Urbium strages vt ne viculus quidem flammis supersit, tanta insuper cædes, vt cunctæ fœminæ, ipsa quoque iumenta disperierint. Cernere erat inter occisos, viros tam pugnæ habiles, vt læuâ sicut dextrâ non minus acriter pugnarent; tam peritos fundibularios vt certo ictu etiam capillum percuterent. Pœnituit maiores natu Israël vnâ Tribum excidisse funditus ad paucorum expiandam libidinem. Visum est reparari quæ adhuc in sexcentis reliqua erat. Nec sine coniugiis noua populi fœtura suppleri poterat. Deerant fœminæ, nec virgines suas nuptui dare patitur iuramentum (nam ante prælium de non supplenda gente iurauerant singulæ Tribus & nefas erat ex alienigenis vxores ducere.) Quid consilii capiant in re tam

ardua ? quadringentæ reſeruantur Virgines ex deleta vrbe Iabes Galaad , quam , quia non miſerat ad commune prælium , tam dirâ clade puniri placuit. Reſtabant ducenti ſine vxoribus viri. Et his etiam per dolum , at citra ſanguinem prouiſum eſt. Nam dum filiæ Silo ad feſtum diem choros ducunt , ex improuiſo rapiuntur ad nuptias. Ite ( dixerant ſeniores Iſraël ) *Et latitate in vineis ; Et cum videritis filias Silo ad ducendos choros procedere , rapite ex eis ſinguli vxores ſingulas.*

---

*Coniugium Ruth cum Booz.*

C A P V T X V I.

**P**OST obitum Samſonis ſeruiebat adhuc Philiftæo populus Hebræus. Interim tamen pax & otium inter vtrumque , tum quia imbelles Iudices ſucceſſerant , tum quia nec ferrum quo terram colerent , haberent Hebræi , ita vt illi deſcenderent ad Philiftiim adacuendos vomeres , ligones , ſecurim , tridentem & ſarculum. Interim ergo conuerſa in amores & nuptias odia populorum. Itaque Ruth Moabitis fœmina cum Booz nobili Hebræo matrimonio iungitur. Nupſerat hæc primùm viro item ex gente Hebræa , Maalon nomen erat ; ſed hoc deſuncto cum Pa-



tre Elimelech in Regione Moabitarum, quò illum ex Bethleem Iuda compulerat fames, noluit alterum coniugem, nisi quem Socrus Noëmi traderet. Hanc igitur primùm relictâ patria prosequitur Ruth in Bethleem: *Populus tuus* (inquit) *populus meus & Deus tuus Deus meus*. Deinde non spreto labore spicilegii in agro Booz, licet peregrina mulier in gratiam tanti viri admittitur, ac demùm in thorum ex quo proles suscipitur nono post mense, nomen Obed imponitur. Hic Pater Isai seu Iesse, qui Dauid Regem paulò post in lucem edidit, quo regnante turbida populi adolescentia in virilem quasi ætatem tam pace quàm bello inclitam conuersa est.

---

*Bellum Philistæum tertium.*

C A P V T X V I I.

**V**T sudam aëris temperiem fœdæ tempestates, ita pacem horrida bella alternant. Postquam per aliquot annos quieuerat Hebræus, tantæ huius tranquillitati inuidit fortuna; & subitò tertium cum Philistæis bellum quædam quasi tempestas in Hebræos detonuit, tam duro impetu, vt capta etiam arca, cæde, strage vastauerit; sed tandem conuerso turbine in lenem auram, pax reddita cum arca regnare populum per-

*Ex cap. 4.  
vsque ad  
8. lib. 1.  
Reg.*

miserit. Tercio igitur loco Philistæi velut anniuersarii & prope assidui hostes, populum Dei oppugnant. Castrorum locus in Aphec. Concurrunt acies, initur certamen, vincit Philistæus, fugatur Israël, cæsis per agros quasi quatuor mille viris. Lugent attoniti Proceres tantam suorum cladem & turpem fugam, causa in promptu erat, & quia grauitè in Deum deliquerant filii Heli Sacerdotis, vt non tam fortuita videri posset hæc clades quàm inflicta à Deo pœna pro sacrilegiis; deinde nullus erat Samson, & Heli nonaginta annos natus imbellem vitam agebat. Portatur arca fœderis de Silo in media castra, vt sicut in ea sedebat Dominus exercituum, ita ipse pugnam dirigeret & arma secundaret. Custodes Arcæ missi Ophni & Phinees, ambo filii Heli, pessimi tunc inter mortales, quod vtique mali res angurii fuit, ab iis Arcam seruari, ob quorum scelera populo Deus perniciem parabat. Visâ arcâ gaudent Hebræi, sed breui & vt sic dicam volatico gaudio. Nam cæsa ex Israël triginta millia peditum, & toto fere exercitu dissipato, ipsa quoque Arca Dei (ô nefas) à prophanis hostibus diripitur. Quo audito pius Senex repente de sella retrosum cadens ceruicem in terram elidit, & vitam abruptit. Non potuit captæ Arcæ superstes esse qui tam sollicitus pro Arca vixerat. Acceptâ morte coniugis Phinees, tam subitus dolor inuasit vxorem,

vt ex vtero prolem excusserit , & vocatus est puer Iccaboth , id est translata est gloria Domini de Israel ; quia capta est arca Dei. Arcam Philistæi in templum Dei sui Dagon inferunt , tali trophæo ouantes. Statuunt iuxta ipsum Dagon, quasi verò falsus cum vero Deo eâdem sede possent consistere. At secus res accidit. Nam alterâ die , tum deinde sequente inuentus est Dagon exturbatus in terram more supplicis coram arca ; quin etiam capite & duabus palmis truncus super limen templi projectus est vt vile aliquid calcandum ab intrantibus: ( ideo deinceps non calcant Azotii limen in templo. ) Sic dire percusso Deo Philistæorum, quid clementiæ expectaret populus ? inde est quod per septem menses ( tamdiu apud ipsos detenta est Arca ) interfecti multi de plebe , enata per agros & villas murium cohors cuncta depascens : & quos mors præterierat , percussi in secretiori parte natium mortem orabant vt mitiorem pœnam. Sed necesse fuit vt apud Sodomitas viros dum computrescerent prominentes extales , pœnam suam sentiret flagitium. Nulla huic diuinæ plagæ medicina utilis erat, non sedes pellicæ, non de Vrbe in Urbem transmigrans Arca. Ergo remittenda illa fuit ad populum Israel, vt forte absens morbum curaret, quem vbiuis præsens creauerat. De consilio Sacerdotum imposita plaustro nouo, iunctisque ad currum vaccis fœtis reducitur illa in terram Israel, Quinque insuper mures

aurei & totidem ex auro ani intra capsellam clauduntur, vt vel sic tum se tum agros percussos à Deo intelligant. Tandem perducitur Arca ad Vrbem Bethsames Philistæis conterminam, hinc (quia Bethsamas septuaginta de populo percusserrat Deus ob curiosius introspectam Arcam) in Cariathiarim, postremò in domum Aminadab translata est, præfecto illius custodiæ Eleazaro filio. Post redditam à Philistæis Arcam facilè ipsi deinceps debellantur. Vix namque expiatus est populus à Samuele haustâ aquâ & effusâ in conspectu Dei, & mox irruentes hostes partim fuga dissipat, partim gladio cædit; Et quia intonans Deus fragore magno super Philistiim terrore pugnam adjuuerat, pugnæ locus dictus est Lapis adjutorij. Exinde pax in Israel, vt ultra non auderent Philistæi & redditis vrbibus quas viceperant intra fines suos se continerent.

*Finis libri secundi.*





## LIBER TERTIVS.

## CAPVT PRIMVM.

*Bellum Ammoniticum secundum ,  
Saüle Rege.*



T hæc hætenus gesta per Iudices , nunc deinceps Regibus summa omnium potestas commissa est. Reges more Gentium postulat Hebræus , nec pudet pertæsum esse diuinni imperij , dolet populus , vbi senuit Samuel in locum optimi Patris degeneres filios subiisse. Postulata concedit Deus , sed iratus ait Samueli. *Non te abiecerunt , sed me , ne regnem super eos.* Primus Saül ex Tribu Benjamin , cui Pater Cis nomine , Rex inungitur effusâ super caput lenticulâ olei , quem Samuel osculo salutatum populo Principem sistit: *Certè videtis quem elegit Dominus , quoniam non sit similis illi.* Nam Regnum illi quasi promiserat & probitas morum , non enim erat melior illo , & celsitudo

*Ex cap. 8  
vsque ad  
11. lib. I.  
Reg.*

corporis, ab humero & sursum supereminens cæteris; reliquum erat, vt etiam fortitudine bellicâ se superiorem ostenderet. Dedit ansam pugnandi Rex Ammonitarum Naas obsidione Urbis Iabes Galaad. Missi ab Vrbe legati qui pacem orent & fœdus & vel annuo tributo reddimant. Non auditi ab impotente Rege, imò his verbis increpiti. *In hoc feriam vobiscum fœdus, vt etiam omnium vestrum oculos dextros.* Tamen septem dies ad monendos contribules facile impetrant: ita suis viribus confidebat, vt neminem ex Israel qui contra auderet venturum speraret. Venere tamen audacter filiorum Israel trecenta millia, virorum Iuda triginta millia. Hunc numerum coëgit Rex ex duodecim tribubus, singulis per frustra bouum monitis. Tum tripartito exercitu primo mane tam ferox irrum-pit in media hostium castra, vt cunctos vel ad fugam compulerit vel neci demiserit. Vix duo pariter relictæ, quasi socij socios fugerent. Acclamat populus victori Saüli qui veterem Iepthe triumphum æquauerat. Iterum ergo in Galgala Regem illum pronunciat Samuel. Et merito, nam antea electus, nunc se dignum præstiterat, tum hostes profligando, tum maxime inimicis parcendo: cum enim quæreret populus ad necem qui Saülem despexerant & nolebant regnare, ille contra edicto prohibet ne quis vim inferat. *Non interficietur quisquam in die hac, quia hodie fecit Dominus salutem in Israel.*

*Bellum*

*Bellum Philistæum quartum.*

## CAPVT II.

**P**Vduit populum Hebræum seruire <sup>Ex c. 13. & 14. l.</sup> Philistæo, ex quo regnare cœpit in <sup>1. Reg.</sup> Saûle, & quacumque potuit, jugum ille excussit. Itaque Ionathas non modò Regis filium, sed etiam Regiæ Majestatis vindicem agere primus instituit, & percussâ statione Philistinorum in Gabaa non tam hostibus bellum infert, quàm accendit ad prælium. Illi cum triginta mille curribus & sex mille equitibus castrametati in Machmas Hebræos in cisternas & antra quasi timidum pecus compellunt. Saûl ipse desertus à suis ( nam sexcenti omnino remanserant ) ad vltimum discrimen adducitur. Quid opus fuit Philistæis exire in prælium, cum non essent qui vincerentur : satis visum est per tres cuneos disposito agmine prædas abigere, quippe non interueniret Saûl cum sexcentis viris inermibus ( cauerant Philistiim ne quis faber Hebræis gladium aut lanceam cuderet. ) Indignatur Ionathas tam licenter & impunè hostem grassari, solus comite armigero irrumpit in castra, nec minùs audet, quia impar tot millibus: *Non est, inquit, difficile Domino saluare vel in multis, vel in paucis*, nec prærupti aditus illum morantur, quin pugnae aui-

dum ipsa pugnandi difficultas instigat magis. Eminebant ex utrâque parte castrorum petrae seu scopuli, quasi dentes accisi per quos nitendum erat, nomen vni Boses, alteri Sene. Igitur pedibus manibusque reptans Ionathas, ita de vultu ipso turbata castra arripit, ut alij coram Ionatha, quasi de cœlo afflati cadant, alios cadat armiger promiscuè, etiam qui à præda redierant, prostratam multitudinem suo numero augment. Audito Saül Philistæorum tumultu, vel mutuo se cadentium, vel ad fugam properantium, primum, tantum Dei miraculum admiratus (nam inscio Patre ausus erat Ionathas) reliquos expugnat exercitus. Ne vnus quidem relictus erat, nisi Ionathas in iusiurandum Patris gustato melle peccasset. Adiurauerat Rex populum dicens, *Maledictus vir, qui comederit panem usque ad vesperam, donec ulciscar de inimicis meis.* Non audiit Ionathas, & ex fauo virgulâ expressum mel voravit ex fame. Deprehensum iuuenem per diuinam sortem Pater interfici iubet, sed pœnam capitis tumultuans populus avertit. *Ergone, inquit, morietur Ionathas, qui fecit salutem magnam in Israël?* Hoc nefas est. Certè excusandus Ionathas, qui iurati Patris edictum nescierat, & criminandus Saül, qui nec Patrem egit tantâ seueritate, nec Imperatorem tam facili iuramento. Potuit enim ampliùs triumphare de hostibus, si fatigato militi licuisset comedere.



*Bellum contra Amalech secundum.*

## CAPVT III.

**A**scendentibus de Ægypto Hebræis *Exc. 15. lib. I. Reg.* armatus obstiterat Amalech. Placuit Deo per Saûlem hanc veterem vicisci iniuriam & noui Regis obedientiam probare. Itaque iussus totum Amalech perdere, id est viros simul & fœminas, paruulos ac lactentes, bouem & asinum, camelum & ouem vnâ cæde confundere, malè pius reseruat Agag Regem, & optima quæque de armentis & gregibus destinat libanda Deo. Sed audit ab irato Samuële: *Numquid vult Dominus holocausta & victimas, & non potius ut obediatur voci Domini? Melior est obedientia, quàm victima, & auscultare magis, quàm offerre adipem arietum.* Interficiendus tandem fuit Agag ex placito Dei, & quem decuerat à Rege occidi, sacerdos propriâ manu obtruncat. Tanto capite cæso, reliquo corpori Amalech nulla reliqua spes salutis fuit. Post occisum Agag pinguem ac trementem abiit Samuël, abeuntem apprehendit Saûl, & illius dissecto ac scisso pallio, Regni sui scissuram intellexit. Non obtemperans Deo indignus vsus est qui regnaret.

*Triumphus Davidis de Goliath  
Philistæo.*

C A P V T I V.

Ex c. 17.  
& 18. l.  
1. Reg.

Congregato utrinque exercitu tum Philistinorum in finibus Domnini, tum Hebræorum in valle Terebinthi. ne tam frequenti conflictu comminuerentur vires, unius pueri, pastorisque manu, quis crederet? de cunctis hostibus expeditus est triumphus. Quis tale unquam audiuit, ut immanis staturæ vir (nam sex cubitos & palmum procerus, Gigas dici potuit) percussus à Davide adolescente iacuerit? Quanta huius facti prodigia? Non modò puer in virum, pusillus in Gigantem, sed etiam inermis in armatum insurgit. Goliath caput casside, pectus loricâ hamatâ indutum, hasta præ manibus, ocreæ in cruribus arææ, denique clypeus ex ære quoque protegebat humeros: Davidi sola funda, & baculus, & quinque in pera lapilli pro armis erant. Induerat illum Rex suâ loricâ & casside, & gladio latus cinxerat, sed armis gestandis inassuetus non potuit gressum expedire. Igitur ætate, corpore, armis inferior David frontem Goliath vel vno lapide ferit &, ô rem incredibilem! tam certo ictu semianimem prosternit, ut etiam caput iacentis gladio præciderit, ut insigne trophæum vi-

etorix. Quid iuuit Goliath armorum pondus ( nam lorica quinque millia siclorum æris , hasta sexcentos siclos ferri habebat, & ipsum hastile liciatorio textentium simile erat?) Quid profuit corporis moles infanda, nisi vt lapsu grauiore rueret? Quid timeret adolescens hic etiam Gigantem appetere, qui custos gregis paterni, nunc vrsos, nunc leones apprehenso mento præfocauerat sæpe? Erit, inquit, ad Regem spe Dei plenus, Philistæus hic quasi vnus de leonibus. Occiso Goliath continuo fusus Philistæorum exercitus insequente Hebræo victore. Reuertenti de prælio Dauidi pendente de manu capite Goliath, de cunctis Urbibus nobiles accurrunt matronæ, & tympanis ac sistris choros ducentes accinunt. *Percussit Saül mille, & David decem millia.* Magna hæc laus filio Iesse debita quidem, at imprudens tamen, & causa Regalis odii fuit. Nam vicissim, quasi anser oloribus obstrepit Saül. *Dederunt David decem millia, & mihi mille: quid ei superest nisi solum regnum?*

---

*Persecutiones Dauidis.*

C A P V T V.

**T**Am felix, tam citò victor Dauid fastu inolescere poterat, nisi odium & liuor Regis fatigasset, vicit tamen inuidiam constans animus, & utilior per-

*Ex c. 19.  
vsque ad  
23. lib. I.  
Regum.*

sequendo factus est Saül, quàm Ionathas amicissimus blandiendo. Mirum est ut domi, ut militiæ, ut in Vrbe, in agro, apud exteros, apud socios, apud hostes vbiuis gentium persequente Saül, effugerit Dauid, & tanta illum Regis ira citius ad regni decus prouexerit. Primum configere lanceâ semel & iterum annixus est Saül, sed semper casso vulnere perlata est in parietem lancea, & corporis declinatione vitatus est ictus. O ingratam Regis manum in Cytharædum iuuenem, qui pulsû cytharæ dæmonem ab eo sæpe arcuerat! Egressus aulâ Dauid domi se condit, nec ibi securus latet. Cogitur per fenestram demissus ab vxore Michol ad Samuëlem transire in Naioth, deinde in urbem Nobe ad Achimelech Sacerdotem. Tandem nusquam toto regno Saülis tutus ad extera regna migrat, primum ad Achis Regem Geth, postea in Masphat ad Regem Moab, nec tam sæpe hospitii iura commutans, securior factus sola loca & antra petit, quasi inter feras, quàm inter homines habitatio minoris esset periculi. Igitur à Masphat iubente Gad Propheta in saltum Ared transgreditur, aliquamdiu moratus in spelunca Odolla, vbi factus Princeps quadringentorum virorum, tum quos æs alienum oppresserat, aut rerum inopia, aut animi incæror, huic numero vidit adiunctos fratres, & vtrumque parentem. Quid enim consanguineis, aut parentibus tutum esse poterat, quamdiu in istum sæuiet

Saül? Penetrandum porrò fuit in opacum montem solitudinis Ziph, deinde ad petram deserti Maon. Et hîc comprehensus erat Dauid toto illum exercitu Saül cingente, nisi monitus Rex, in Philistæos arma vertisset, quos acceperat infudisse se regno. A deserto Maon ad Engaddi compellitur Dauid. Intra speluncam latens. Regi ingressio poterat vitam eripere, sed manum à cæde abstinens, chlamydis oram tantum abscindit, ut ex veste accisa, quid licuisset in corpus, Rex intelligeret. Et intellexit, cum ait: *Iustior tu es, fili mi, quàm ego: Tu enim tribuisti mihi bona, ego autem reddidi tibi mala.* Nec destitit Saül tam de se bene meritum insequi, & illius insidiari vitæ, cui suam debuerat. Iterum ergo in colle Achille instat Saül, & hîc dormienti hasta, & scyphus aufertur à Dauid; potuit & caput Regis, nisi maluisset acceptas iniurias reuerentia Maiestatis obruere.

---

*Pralia Dauidis profugi.*

C A P V T VI.

**Q**Vis speret profugum hominem, & extorrem debellaturum tamen hostes Populi? Quis credat Urbem illum obsidione soluisse, qui vix persequentium manibus elabi poterat? Bis tamen licuit

*Exc. 23.*

*lib. 1.*

*Reg.*

Philistæos, & semel Amalecitas expugnare. Tribunus mille virorum institutus à Rege ducentis præputiis Philistinorum (centum dumtaxat petierat Rex) filiam Regis Michol obtinet. Nuntiatum est Dauidi oppugnari Ceïlam à Philistæis, & deprædationibus cuncta vastari. Ille cum suis (sexcenti fere erant) impetum facit, & ne temerè faciat, bis consulto, & probante Deo cæduntur passim hostes, abiguntur prædatores. Vrbs Ceïla defenditur. At erga ingratos se collocasse beneficium intelligit Dauid, ubi audit Oraculum Dei, *Tradent te viri Ceïla in manus Saül*, & eos sibi perniciem moliri à quibus ipse fortiter depulerat. Datâ ipsi ab Rege Achis Vrbe Siceleg, quam cum suis incolet, præda sæpe onustus Amalecitas, & conterminas gentes duris vrget præliis. Ipsi vicissim ab Austro irrumpunt in Siceleg & de Vrbe succensâ captiuas abducunt cum filiis matres. Incautos comprehendit Dauid, excutit prædam omnem de manibus, acclamante exercitu, *Hæc est præda Dauid*. Hic, vetantibus qui venerant ad prælium, ne prædæ quidquam contingerent qui ad sarcinas manserant, quasi legem constituit, vt æqua esset pars descendens ad prælium, & remanentis ad sarcinas.

Exc. 30.

*Bellum Philistaum quintum.*

## C A P V T VII.

**I** Terum coacto ingenti exercitu insur- Exc. 28.  
 gunt Philistæi quasi perpetui hostes vsque ad  
 Reipublicæ Hebrææ, ut supremum si pos- 31. lib. 1.  
 sint funus comparent. In prima acie Reg.  
 Satrapæ Ductores incedunt, postremam  
 tenet cum Dauide. Rex Achis. Hic illius  
 Achis filius apud quem antea loco pro-  
 fugii periculum adierat David, & nisi  
 mentitus esset insanum & amentem ut  
 eiiceretur ex aula, vitam ipsam cum pru-  
 dentia amiserat, sic nunquam pruden-  
 tior, quàm cum stultior apparuit. Ali-  
 quantò post apud filium Regem venit ut  
 tandem exilio errores suos finiat in ex-  
 terno Regno. Expertus David quam-  
 diu inter suos erraret, creare illis vel  
 perniciem vel fugam vel metum, me-  
 mor interfectum Abimelech cum cæte-  
 ris Sacerdotibus & Nobe Ciuitatem per-  
 cussam Saülis gladio, quod in eam trans-  
 fugerat, maluit extorris agere etiam  
 inter hostes quàm apud suos diuertere  
 cum suorum noxa. Non placuit Satrapis  
 comes David ad hoc bellum, suspecta  
 visa est peregrini hominis manus præ-  
 fertim contra Hebræos pugnaturi. *Non  
 ascendet, inquit, nobiscum ad prælium,  
 ne fiat nobis aduersarius cum præliari cæpe-*

*rimus*. Sublato igitur Dauide de pugna-  
torum numero, soli Philistæi certamen  
ineunt cum Rege Saûle, tota in illum vi  
& quasi mole prælii irruunt, pulso exer-  
citu fusoque cæditur Ionathas & reliqui  
præter Isboseth Regis filii. Rex ipse toto  
corpore saucius incumbens gladio propriâ  
manu occumbit nolente armigero vel non  
audente Regem etiam expirantem con-  
ficere. Hanc illi miseram necem Samuel  
defunctus prædixerat Verum an fictum  
illum stiterit coram Rege Saga mulier  
incertum est. Victori Philistæo & oppi-  
da trans Iordanem relicta & spolia con-  
cessa de victis. Præcisum Regis caput ve-  
lut trophæum circumlatum cum armis  
ad probum Hebræi nominis, corpus in  
muro Bethsan suspensum, arma templo  
affixa vt nobilius sic appereant. Hac vi-  
ctoris contumeliâ offensi viri labe Ga-  
laad, de nocte cadauer Regis & filiorum  
auferunt & cremata Regali luxu ac lu-  
ctu sepeliunt. Iussit pietas sic parentare  
Regi, quo nec vulgus supremo funere  
priuari solet.

*Anacephalaosis.*

**A** Dauide Rege ad transmigratio-  
nem vsque tertia ætas Hebræi po-  
puli censenda est; in qua & prosperis  
florens & aduersis rebus probatus iuue-  
nile robur exercuit & quasi vir effectus  
est, pati æque ac facere fortiter edo-  
ctus. Centum fere annis Dauide præser-



tim & Salomone Regibus tum pace tum bello sic effloruit tantis auctus opibus, tantâ nominis famâ insignis vt nihil addi posse videretur, vel ad rerum bellicarum decus, vel ad pacis tranquillitatem, vel ad opes ac superbiam Regni, vel ad nominis claritudinem. Tantum bello profecit, vt Philistæos, Ammonitas, Idumæos, Moabitas, Syros quæque etiam tributo imposito ditioni suæ adiecerit. Quanta pacis securitas; quando vnusquisque sub vite sua, aut ficu, sicut in munitissima turri habitabat? Quid ditius, quid magnificentius cum tanta esset copia argenti in Hierusalem, quanta & lapidum & Sycomoros cedri æquarent? Quæ fama, quale Hebræum nomen: cum ab extremo orbe Regina stupens aduenerit & cunctæ Gentes horrent? At vbi ex opibus ad luxum & vitia delapsus est, quot ærumnis grauatus, quot cladibus attritus iacuit? Primum scindi in partes, tum deinde comminui bellis externis, denique spoliari & dignitate suâ excidisse visus est. Nec alia requies malorum aut meta, quàm è patrio solo transferri in hostiles terras, vbi Hebrææ magnitudinis vix vmbra relicta sit.

*Bellum Davidis & Isboseth filii  
Saülis.*

C A P V T V I I I.

*Lib. 2.  
Reg. c. 2.*

**Q**Vasi non sufficerent hostes viresque  
externæ quibus extingui posset vix  
nascens Hebræorum imperium, arma  
etiam ciuilia, pro pudor? mouenda fue-  
runt, vt citius & efficacius interiret. Et  
actum de illo erat, nisi Regnorum arbi-  
ter tantò istud firmius statuisset, quantò  
magis in ruinam nutauerat. Extincto Saül  
& Ionathâ ( quos defflere & ornare laudi-  
bus non piguit Dauidem ) & cæteris occi-  
sis liberis, reliquus erat Isboseth quem  
Abner circumductum per castra Regem  
constituit toto fere Regni tractu ( quippe  
Dauid Domum Iuda auctore Deo insede-  
rat. ) Ille puer adhuc Rex inunctus inter  
fratres, nunc vir secundò in Hebron à  
viris Iuda vngitur ac salutatur. Verùm,  
sicut duo soles vnus orbis non capit, ita  
nec vnum duos Reges Imperium: alter vt  
alterum exturbet, ab vtroque arma ra-  
piuntur, & multos vt vnus regnet, gla-  
dio cadere necesse est. Itaque primùm  
duodecim hinc inde Ephæbis belli ciuilis  
præludium & quasi sors prima committi-  
tur, tum à singulis istis, à se inuicem cæ-  
sis ad commune & maius prælium veni-  
tur; pellitur in fugam Abner Duce Moab,

*Lib. 1.  
Paral.  
cap. 12.*

& fugientem insequi non cessat Abisai germanus Ioab, donec illum conuersâ hastâ percussum in inguine confodit Abner. Hic magnam suorum cædem è tumulo spectans ( nam trecenti & sexaginta sui iacebant, at decem & nouem omnino ex pueris Dauidis ) exclamat ad Ioab & pacem petit. *Num, inquit, usque ad inter-  
nectionem mucro defauiet? an ignoras quod  
periculosa sit desperatio? usquequo non di-  
cis populo ut omittat persequi fratres suos?* Abstenuit prælio Ioab, & suadente ipso sole qui occiderat, & amore pacis hortante. Hoc primo certamine superior Dauid, ipso Abner fœdus & amicitiam ambiente, tandem in omnes Tribus potestatem accipit cum Michol vxore. Hinc magni latitia epuli, hinc fœdus Abneris cum Dauide, & vrinam cum Ioab, qui scorsim dolo adductum & incautum iugulat, nec tam fratris Asahel necem vlcisitur *Lib. 3.  
quàm Regis in se iram ac maledicta ac-  
cerisit. Reg. c. 24.* Sepultus est Abner tanto populi luctu ac planctu Regis, vt nunquam in suspicionem venerit tam detestatæ ab illo necis. Nec minor in domo Saülis comploratio auditâ illius morte, in quo vno tota regni cura recumbebat & salus. Mox coniuratio duorum militiæ principum aduersus Isboeth, deinde interfectio, ac demum totius regni Benjamin ad Dauidem translatio. Crediderant isti ( voca- *Cap. 14.*  
bantur autem Rhecab & Baana ) placitum Regi allatum caput Isboeth, sed iustissimus Dauid impios homicidas truci-

dari continuo iubet, præcisasque eorum manus & pedes pendere in piscina Hebron, vt à iustitia, magni Regni inchoaret exordium.

---

*Bellum in Iebusæos & Philistæos.*

C A P V T IX.

*Lib. 2.  
Reg. c. 5.*

**Q**uid proderat in vniuersum Israël dominari Dauidem, nisi caput Regni Hierusalem sedes quoque illius foret? Obstabat Iebusæus, qui tunc illam incolebat, tollendi etiam erant cæci & claudi si fortè prohiberent ingressum, confisi fortissimis manibus, propositum præmium qui prior fecisset impetum colle ascenso, primus ille Ioab fit Princeps militiæ. Arcem Sion occupat Dauid; & ideo de illius nomine dicta Ciuitas & in ea Regni sedes ædificata ex lignis cedrinis, quæ plurima misit Tyri Rex Hiram cum artificibus; sublatis de medio cæci & claudi, vt post-hac liberè & impunè regnaret. Audiit Philistæus Dauidem ex profugo Regem & nuper ex hospite nunc hostem factum, & mox armati ad necem quærunt. At contra accidit. Illos Rex nouus diuino incitus Oraculo in Baalpharisim ita in fugam vertit ac dissipat vt verè dixerit, *Diuisit Dominus inimicos meos sicut diuiduntur aquæ.* Iterum illi maioribus instant copiis, iterum Dauid Deo in cacumine Py-

*Paral. 1.  
cap. 14.*

rorum insonante ad terrorem hostium  
tam feliciter conterit vt paucis relictus sit  
fugiendi locus.

*Bellum in Philistæos , Moabitas  
Idumæos & Syros.*

C A P V T X.

**T**Andem aliquando seruit Hebræo  
Philistæus , qui centum ferè per an-  
nos seruitute populum Dei oppresserat. *Lib. 21.  
Reg. c. 3.*  
Nono prælio debellatus à Rege tributo  
velut equus lupato frænatur. Pari sorte  
Moabita mulctatur & fortè vulgo excepto  
principes viri cum Rege Moab interfici  
inbentur. Et sic parentum suorum, quos  
Rex Moab occiderat, placuit filio necem  
vltisci. Præterea in Regem Soba Adade-  
zer, quodã velut igne excurrente victoriã *Paral. 1.  
2. c. 18.*  
capti mille septingen ti currus, & viginti  
millia peditum. Subneruati quoque præter  
centum omnes equi curruum. Et quia præ-  
sidium Regi attulerat Soba , præsidium  
ipsa accepit in pœnam , id est arcium cu-  
stodes, & vectigalis Regi Dauidi facta  
est. Postremo de Idumæa triumphatum  
est , vt non modo Syri sed etiam Idumæi  
cognomen obtineret Dauid , & longè  
latèque huius terror cum nomine spar-  
geretur.

*Bellum Ammoniticum tertium.*

## C A P V T XI.

*Lib. 2.  
Reg. c. 10.*

**B**ella omnia sua confecerat Dauid, postquam subactâ Syriâ & debellatâ Idumæâ, imperii sui fines protulerat. Et Moabitis recens in iugum missis, quæ gens finitima hostis in Regem insurgeret? Insurrexit Ammon, & contumeliâ excitatum hoc tertium bellum solo Regni Ammonitici excidio velut aquâ incendium restingui potuit. In locum defuncti Regis Naas, de Dauide bene meriti subierat Anon. Ad hunc consolatores mittit Dauid, id officii pessime interpretati principes Ammon, exploratores iudicant. Id ita esse male persuasus Rex turpiter Legatos dimittit, abrasâ dimidiâ parte barbæ & præcisus ad nates vsque vestibus. Quanta hæc visa iniuria? ad quam iustè vindicandam ferrati sunt per medium principes Ammon, circumacta super populum ferrata carpenta & cultris quasi lateres diuisi per medium singuli, vt sic abrasos Legatorum pilos, totius corporis sectio expiaret. Quid vero profuit conuocasse vel mercede conduxisse Syrorum auxilia, præterea Regis Maacha & Regis Histob, nisi vt ornatius triumpharet Ioab cum fratre Abisai, maioribus co-

*Paral. 1.  
cap. 19.*

piis vel fufis vel cæfis? vix enim insonante buccinâ commiffum eft prælium, & ecce bis auerfi retro Syri, trucidati feptingenti currus & quadraginta millia equitum. Ipfe Sobach militiæ Princeps percuffus Daudis manu interiit. Denique pulſæ in fugam auxiliares Regum copiæ ad quinquaginta & octo millia, & nouo tributo mulctata Syriæ ſocietas cum filiis Ammon. Totâ deinceps vi belli conuerſâ in obſidionem Rabba ( hæc erat Vrbs Regia Ammonitarum, ) diûque alternante victoriâ, tandem vi capta eft Ciuitas. Data illa in direptionem militi, multa tamen aſportata in Hieruſalem præda, impoſitum Daudis capiti Diadema Regis Ammon auro gemmiſque irradians, vt ſe cunctorum hoſtium victorem & maximi imperii Dominum intelligeret.

---

*Coniuratio Abſalonis in patrem.*

C A P V T X I I.

**A**Bſalonem regnandi primùm infana Lib. 2.  
 cupido, deinde paterna ſeueritas c. 13. &  
 in pœnam occiſi fratris Ammon, quæ 14. l. 2.  
 diu illum ab aula ſepoſuerat, ipſa etiam Reg. c.  
 ultio diuina quæ Bethſabee illicitum tor- 11. 12.  
 rum & necem Vriæ Coniugis digno vr-  
 gebat ſupplicio, ſimul occasio pacis  
 quo regnum florebat, adduxere in hoc

Cap. 19.

immane consilium, ut patriam perderet, patrem vitâ, regnum Rege orbaret, & quidquid nec olim Pharaonis optasset. Quantâ hoc scelus affectione? nam sedens ad portam venientes ad Regem prehensabat, osculabatur, iudicem populi se ferens, sollicitatis omnium ad defectionem animis. Quibus sociis? quando ipse Achitophel Consiliarius Regis, quem quasi si quis consulere Deum, & Amasa Regis Nepos & cum illo flos inclitæ iuventutis & robur militiæ, cunctæ demum Tribus per vim aliæ, aliæ sponte coniurarent. Locus coniurationis Hebron, ut vnde Pater Regnum auspicatus erat, hinc filius sibi usurparet. Pacta omnium iure iurando fides, ut impietati ipsa quoque Religio serviret. Ex Hebron in urbem Hierusalem traductus coniuratorum exercitus ut mox arcem teneret Imperii, qui ius omne regnandi causâ violaverat. Non expectato filii aduentu; *ne fortè, inquit, veniens occupet nos & impellat super nos ruinam*, festinat, Urbe, domo egredi, & pedibus etiam nudis non iam ut Rex, sed ut priuatus incedens torrentem Cedron transgreditur. Procedunt primæ legiones Phelethi & Cereothi, & sexcenti Gethæi pugnatores validi: tum sadoch sacerdos & universi Levitæ portantes Arcam fœderis quocumque Rex tenderet. Placuit tamen ferri Arcam in Urbem, dum consensu cliuo oliuarum & adorato Nu-



mine quid agendum foret flens tacitusque David decerneret. Interim quo furoris æstu ingressus est urbem Absalon? more fulminis in obuia quæque bacchantis. Totam mox Regiam incesto concubitu fœdat, decem concubinis patris, quas abiens domi reliquerat, illato stupro, ô inauditum facinus! Ita persuaserat irâ incensus Achitophel, ut cum audierit omnis Israël, inquit, quod fœdaueris patrem tuum, roborentur tecum manus eorum. Actum erat de Rege & de florentissimo regno, nisi in manus Chusai Arachitæ tam fœda coniuratio incidisset. Hic hortante Rege mentitus seruum & amicum Absalonis, consilio suo moratur ac detinet, ne ut suaserat Achitophel facto ipsa de nocte impetu Regem populumque defessum torrentis instar absorbeat. Indicato Regi consilio Achitophel, trans Iordanem egressus instruitur exercitus. Ductores hinc Ethæi Gethæus Princeps, illinc Ioab & Abisai. Locus certaminis saltus Ephraim qui plures hostium consumpsit quàm gladius. Post viginti millia coniuratorum cæsa, Absalon mulo fugam præcipitat. Ingressus syluam, subter condensam quercum ita illi capillis hæsit, ut prætereunte mulo, solus ab infaustra penderet arbore. Nemo illum confodere lancea, quia filium Regis ausus est, deinde mandauerat Rex: *Seruate mihi puerum Absalon.* Unus Ioab neglecto Regis imperio tribus lanceis fossum populo lapidandum proiecit in foueam. cap. 19.

Hic exitus, hæc pœna parricidæ. Mortuo Absalone, mox populo pax concessa & repressi gladii. Sed versa est in luctum victoria, dum Rex immodico planctu identidem lamentatur, *fili mi Absalon, Absalon fili mi, quis mihi tribuat, ut moriar pro te?* Tandem post defletum qui nihil deflendus erat, reducitur domum Rex, reliquo exercitu Absalonis prosequente, ut quia locus erat Regis clementiæ erga perduelles, ita horum pœnitentia victorem non lateret.

---

*Seditio Seba aduersus Dauidem.*

CAPVT XIII.

2. Reg.  
cap. 20.

**D**Vce Sebâ filio Bochri ex stirpe Saül magna rursus pars populi ciuile aliquod bellum agitat. Furorem auget prioris defectionis impunitas, & noua Regis consternatio. Dixerat ille Abisai: *Nunc magis afflictorus est nos Seba, quàm Absalon.* Hoc tamen bellum citiùs oppressum est quàm inciperet. Vix Sebam infecutus Ioab in Abela Vrbe conclusum oppugnauerat, & mox tradito illius capite, obsidio Urbis soluta est, & ex sapientis matronæ quasi quodam oraculo vnus capite redimi potuit cæterorum salus. Huius victoriæ laudem Ioab totam labefactat illatâ nece principi

Amasæ. Victor hic tot populorum, equatum sibi non sustinuit Amasam; & victus ipse tandem aulicæ invidiæ succubuit. Nam de Amasa dictum est post necem, *ecce qui esse voluit comes David pro Ioab.*

---

*Postrema bella Regis Davidis.*

C A P V T XIV.

**I** Am Regem emeritæ militiæ cessare in bella oportuit præsertim grandæum; 1. Reg. cap. 21. adhuc tamem quasi supremo impetu cum Philistæis rebellantibus congreditur David. Triplex illi seni prælium cum Gigantibus Iesbibenob, Zephi (tertii nomen later: ) Paral. cap. 20, primum ipse Rex certamen confecit & quia nisi accurrisset Abisai & Regi fuisset pro clypeo, percussus in acie ceciderat; ad duo alia non permissus est adire certamina; nam serui iurati dixerant. *Iam non egredieris nobiscum ne extinguas lucernam in Israël.* Victi Gigantes, citiùs virorum monstra quàm, viri quorum ille hastam vibrabat cuius ferrum ad trecentas vncias; illi seni in manibus pedibusque digiti ultra humanam formam, ut qui illos vicerat, plusquam homines vicisse crederetur.

*Regnum pacificum Salomonis.*

## C A P V T XV.

Reg. 3.  
cap. 1. 2.  
3. 4. &c.

**H**ic finis armorum, deinceps quadraginta in annos pacis otia & securitas, obediēte Salomoni omni populo tum Hebræo, tum alienigenâ quem Dauid sub iugum miserat. Quid vero ad Dauidis gloriæ cumulum adjici potuit, quàm vt regnantem cerneret hæredem regni, priusquam è viuis ipse migraret? Affectauit hunc gradum secundus natu Adonias: iam sibi currum & equites ad imperium præstruxerat, iam instituta conuiuia, quibus sibi viros Iuda inescaret & dicerent, *Viuat Rex Adonias*, sed clanculum studio matris Bethsabæe & Nathan Prophetæ Rex Salomon instituitur, postea in Gihon mulæ insidens adducitur acclamante vniuersâ Tribu Iuda, exceptis quotquot in suas partes adduxerat Adonias. Hic orare pacem & vitam à nouo Rege cogitur, qui eductum à cornu altaris quò pallens confugerat, domi securum viuere passus est, & frater amari maluit quàm victor timeri. Igitur instituto tandem hærede regni, affixis cruci septem viris de stirpe Saül ad cædis Gabaoniticæ piaculum (quippe hoc vno remedio triennem in populo famem depelli posse docuerat

Oraculum ) propitiato item Deo , ( qui ob recensitum populum septuaginta milia immisâ tabe peremerat ) ac demum imperatâ nece Ioab & Semeï , moritur David quadragesimo regni anno , postquam septem in Hebron , & triginta tres in Hierusalem annos regnauerat. Dictus est à Deo datus , eò quod ipsum Deus Regem non hominum suffragia dederant. Sed nescio triumphis ille suis frequentibus quàm longâ pace , filius gloriosior sit habendus. Plus hic populorum frænauit , plus attriuit Regum non armis , sed sapientiæ illius famâ , quâ sibi à Deo concessâ , vti postulauerat , ceteros retro Reges antecelluit & par ipsi nunquam fortè futurus aliquis. Patuit rarum hoc prudentiæ lumen , quando altercantibus geminis meretricibus de puero vtrius esset : ( nam sicut suum vera mater profitebatur , ita altera quæ suo extincto alienum supposuerat , impudens affirmabat ) *Afferte* , Rex inquit , *mihigladium & diuidite infantem viuum in duas partes* , iudicauit ô sapientiam incredibilem ! eam esse matrem quæ puerum diuidi non est passa , succlamante alterâ ; diuidatur. Quanta huius sapientiæ fama quam vt audiret Regina Saba ab extremo oriente venit Hierusalem , nec tam cæca profert ænigmata , quæ non dissoluât facilè Salomon , nec tot auri argentique defert pondera , gemmas , aromata , quæ non exuperent Regis opes immensæ. Tantum in cibo Regio luxum , tot ordines

videt in aula famulantium, tot tamque pingues hecatombes in templo, tantam præsertim suspicit rerum omnium disciplinam ab hyssopo ad cedrum, ut quasi deficiente præ stupore animo dicat. *Maior sapientia tua & opera tua quam rumor quem audiui, beati viri tui qui audiunt sapientiam tuam.* Quis Templi à Salomone ædificati magnificentiam satis iactauerit? ô locupletissimam ædem, cuius parietes ex dolatis lapidibus nullo strepitu mallei aut securis compacti, & vestiti omnes cedro, cuius pauimentum abiete tectum, cuius vasa & instrumenta affabre facta, candelabra, lucernæ, forcipes, hydriæ, fuscinulæ, phialæ, mortariola, præsertim mensa & altare! Quàm sanctus ac verendus hic locus, quem Dei Maiestas implet, in quo vota & preces populi, sacrificia & cantica sacerdotum, manubiæ denique victoris exercitus. Quid de Regalibus tectis dicam, tum Registum Reginae, hoc est filiae Pharaonis, in quibus dubium est an artem materia superauerit, an materia arti decesserit? Hæc tanta ad Dei cultum artis opera & singulare lumen sapientiæ nunc quoque admiranda forent, nisi mulierum amor & profanus Deorum cultus sapientiam & religionem omnem ex animo excussissent. Mirum est quod ille desipuerit senex, qui iuuenis supra mortales sapiebat, & qui tam piè de Deo senserat, prophanis Numinibus etiam phana substruxerit. Quantum hæc  
in

in scelera indignatus est Deus? Testantur tres in Salomonem concitati hostes. Primus Adad Idumæus, deinde Razan Rex Syriæ, postremò Hieroboam. Idumæam Adad socio Razan vi capit, sicut hic conspirante Adad Syriæ Regnum inuaserat. De Regno totius Israël, id est decem Tribuum occupando aleam iecerat Hieroboam, & ex seruo Dominus fieri ardebat, nisi quæsitus ad necem, & fugere in Ægyptum compulsus praua consilia ad obitum vsque Salomonis distulisset.

---

*Diuisio Regni Israël sub Rege  
Roboam.*

C A P V T XVI.

**M**ORTUO Salomone post quadragessimum regni pacatissimi annum, 3. Reg.  
cap. 12. ecce recrudescunt bella, & quod pudet dicere, etiam ciuilia. Hæc velut ignis cinere opertus rursus exæstuant, hisque viam pandit regnandi cupidissimus Hieroboam, Deo etiam ad audendum instigante. Regem illum fore decem Tribuum Israël vaticinatus erat Ahias Silonites, & ad id apertè significandum pallium nouum decem in partes disciderat. Præterea ex duro Regis Roboam imperio rebellandi nata occasio. Rogatus Rex imminui tributa & à Patre imposi-

M

tum iugum suppressi, spreto seniorum consilio, ex iuuenum sententia respondet indigna Rege: *Pater meus cecidit vos flagellis, ego autem cadam vos scorpionibus.* His auditis rebellat populus, & mox creato in Regem Hieroboam, decem Tribus à suo Rege deficiunt. (Hoc illi portenderant traditæ in manus decem pallii scissuræ) Sola Tribus Iuda, & Benjamin principem suum ambiunt, & ex centum octoginta mille viris conflata agmina recipere partem regni festinant: sed properantem ad pugnam exercitum inhibet Deus, *Non bellabitis*, inquit, *contra fratres vestros.* Reuersus vnusquisque domum ex Dei præcepto abstinet manum à prælio, assiduis tamen licet exiguis bellis dimicatum est emulatione quadam, & similitate imperii, vt deinceps vno in regno duo Reges velut inter se pugnauerint.

---

*Bellum Ægyptium primum aduersus Roboam.*

CAPVT XVII.

**P**Eccauerat cum populo Roboam, & relictæ Dei cultu ad Idola deflexerat. Missus in ultionem Sefac Rex Ægypti, tamen post munitissimas in Iuda captas Vrbes regreditur ab Hierusalem, sublatisque thesauris templi ac



Regiæ, præsertim clypeis aureis, in quorum vicem suffecti ænei, spoliata, & seruientem sibi Urbem dederit, quam <sup>3. Reg. cap. 14.</sup> mille ducentis curribus, & sexaginta mille equitibus expugnare potuit, nisi veruisset Deus, qui dixerat, *Quia humiliati sunt, non stillabit furor meus super Hierusalem, veruntamen seruiant Sefac; ut sciant distantiam seruitutis mea, & seruitutis regni terrarum.*

*Bellum Civile primum sub Rege Abia.*

C A P V T X V I I I.

**H**ic Paterni regni heres, & hostilis <sup>3. Reg. cap. 15.</sup> Odii in Hieroboam, licet primum detrectet pugnam, ne se inuicem comminuant populi, tandem ubi videt se Regis Israël circumuentum exercitu, inuocato Deo, ac præcinentibus sacerdotum tubis audax prælium ingreditur, simul addito ad clamorem militum terrore Dei quinquaginta millia virorum fortium Israël vulnerati occumbunt, cæteri cum Hieroboam pulsi in fugam vix effugiunt insequentem Abiam. Hic <sup>2. Par. cap. 13.</sup> victor vicina oppida Bethel, & Ephron iure belli occupat. Dignus hac suorum clade Rex Israël, & totius fere regni excidio, qui vitulos aureos vnum in Bethel, alterum in vrbe Dan colendos

posuerat, ne populus adiens Templum Hierusalem principi suo, & quasi postliminio rediret. Sed vanâ superstitione id tandem perfecit, vt simul cum Religione felicitatem regni cum filio amiserit.

---

*Bellum Æthiopicum suo Rege Asa.*

C A P V T XIX.

**D**Ecem annos pacis initia regni Asa habuere, post defunctum patrem Abiam. Hoc diuino munere præmianda fuit huius Regis pietas ac Religio. *2. Par.* Quippe curæ illi fuerat cultum omnem *6. 14.* profanum expungere, aras subuertere, confringere statuas, lucosque succidere, & quidquid olim religiosissimi Moyſes & Iosue fecere; quin etiam saluâ matris reuerentiâ Priapi simulachrum, cuius illa turpissimo cultui præerat, in frustra comminuit, & in fauillas redactum proiecit in Cedron. Decimo regni exacto anno Zara dux Æthiopum in Iudæam penetrat, velut experimentum facturus Hebrææ virtutis. Quàm timendus hic, cuius exercitus decies centena millia, & currus trecenti? Nunquam vlllo loco populus tantum virium vidit. Sed quantulus hic numerus contra exercitum Dei præliantem. Quippe vel solus terror Æthiopas in fugam auertit. Hæc

tam citò populorum quàm aquarum  
 eluuijs dèriuatione siccata est. Tot in-  
 super cæsa hostium millia, vt sæuire gla-  
 dius in plura non suffecerit. Tantæ in Vr-  
 bem alportatæ manubiæ, vt spolia to-  
 tius orbis viderentur.

---

*Bellum civile secundum sub  
 Rege Afa.*

C A P V T XX.

**Æ** Thiopum profligato exercitu quid 3. Reg. 16.  
 timendum erat Regi Afa? Timuit  
 tamen Baasa Regem Israël, qui oppi-  
 dum Rama muro vallauerat, vt ne quis  
 tutò ex Iuda illuc adire posset. Quid  
 tum? Proiectâ spe Dei Rex Iuda ad Be-  
 nadab Regem Syriæ confugit, præmis-  
 soque ingenti munere sibi conciliat. In-  
 gressi Syri terram Israël, Ahion, Dan,  
 Abel, & cunctas Vrbes muratas Neph-  
 talim violenti percurrunt. Absistit ab  
 opere suo Baasa, & victori dat manus.  
 Victoriâ exultantem Afa Regem incre-  
 pat Anani Propheta de inuocato Syro-  
 rum auxilio, quasi verò qui infinitos  
 prope Lybiæ populos fuderat confusus  
 in Deo, vt pauciores sterneret, quæ-  
 renda fuerint humana auxilia. Indigna-  
 tus Rex Prophetam in neruum trudi iu-  
 bet, sed in pœnam tam indigni suppli-  
 cii, dolore pedum lethali afficitur, vt

qui vatis pedes in cippo torserat, torqueretur ipse in pedibus, & qui in solâ medicorum arte spes suas locauerat, cum ipsis medicamentis periret.

*Bella intestina Regni Israël.*

C A P V T X X I.

5. Reg.  
16.

**H**Oc regnum, sicut male parta, citò dilapsurum erat, nisi Deo auspice firmitatem ac robur etiam ab intestinis dissidiis accepisset. Extincto Hieroboam regnat filius Nadab. Huic Gebethon Urbem Philistinorum obsidenti infidiatur Baasa filius Ahia Tribus Issachar, denique incautum enecat, totam mox Ieroboam stirpem gladio extirpat: ita prædixerat Ahias Silonites. Baasam excipit filius Hela, sed admissum à Patre homicidium percussus à seruo suo Zambri propriâ nece expiat. Zambri ex seruo Rex, ne iterum seruiat, & ne veniat in manus Amri, quem Regem exercitus legerat, se intra Regiam cum Regia ipsa inflammat. Dehinc in partes scinditur Imperium Israël. Media pars populi Thebni filium Gineth, media Amri assequitur: atque ita diuisis animis, diuisi quoque regni suprema dies instabat, nisi pars vna vicisset alteram, & sublato Thebni solus regnasset Amri in Samaria Urbe, quam à Gomor duo-

bus talentis emptam exstruxit, & caput regni esse voluit. Huic Achab successit, pessimi Patris peior filius, Tyrannus in populum. Testis vinea Naboth, non modò inuito ipsi erepta, sed ipse quoque astu Iezabel vxoris lapidatus. At præsertim in Deum impius, cuius Religionem cum cultu sacrilego Baal commutauit; & in Prophetas, vno Eliâ excepto, communi cæde defæuit.

cap. 21  
3. Reg.

*Bella Iosaphat & Achab  
confœderatorum.*

C A P V T XXII.

**H**I duo Reges & regno & animo & religione dispares, quodam tamen fœdere sociantur, & iunctis viribus feliciter pugnant, quia vnius pietas impietatem, alterius inumbrat & obruit, ne perniciosa sit regno. Quis cultus diuini obseruantior Iosaphat Rege Iuda, qui lucos, aras Deorum, & excelsa sustulit de Iuda? Huic quidquid legis prosperè cessisse, præmium pietatis intellige; si quid pariter impio, & sacrilego Achab, Dei beneficia recognosce, quæ quantò magis ingratum, tantò mileriorem fecere. Concessa illi de Rege Syriæ insignis victoria, vt quem nec fames, nec pluuia negata de cælo à vana superstitione auerterant, saltem triumphus de hosti-

Paral. c.  
17. vsque  
ad 20.

Reg. 3;  
c. 20.

bus ad Religionem deferret. Igitur Benadad numero militum ferox Samaritis deditioem imperat. *Hac faciant, inquit, mihi Dei, si suffecerit pulvis Samaria pugillis omnis populi qui sequitur me.* Sed quid sine Deo numerus? Cogitur Rex Syriæ ab Urbis obsidione abstinere; & quod prodigii simile est, ipsi pedissequi principum Israël in principiis castrorum collocati, (vt Propheta iusserat) præcipientes Syros dant in fugam: Rex ipse vectus equo vix insequentem Achab præterit, relictâ à tergo magnâ suorum manu, quos gladius victoris absumpsit. Primo prælio victus Benadad, sequente anno secundum instaurat, tamen in campestribus locis. Dixerant enim Syri ad extenuandam victoriam, *Deus montium est Deuseorum, ideo superauerunt nos, & non est Deus vallium, idcirco obtinebimus eos in campestribus.* Hæc blasphema verba vlciscitur Deus, centum millibus perditum intra vnum diem occisis, cæteros in Urbem Aphec profugos; id est viginti septem millia, muri ruina prostermit, & ibi loco perfugii monumenta inueniunt. Quanto Benadad Regis luctu, quâ rerum desperatione hæc gesta, vt per seruos faccis indutos, & appensis collo funiculis ad clementiam Achab supplex confugerit? Pacem illi Rex Israël & vitam propriæ vitæ largitur dispendio. Quippe tertio prælio cum Syris post

*Ex cap. 22. lib. 3. Reg.* triennes inducias habito, sagittâ in incertum iactâ transfoditur. Hæsit illa inter

ter pulmonem & stomachum & vitam etiam indignanti abruptit. Nec profuit mutatus habitus aut larua vultus, totis hostium in Regem intentis arcubus; sanguinem occisi Achab linxere auidi canes in pœnam effusi sanguinis Naboth vti contestatus fuerat vates Helias. Ad hoc certamen venerat affinitate coniunctus Iosaphat, mox illum Syri facto agmine tantum non occiderant, quia statim creditus ac visus est Achab, sed vocatâ Dei ope tanto periculo eductus est vt adhuc de Moabitis, de Idumæis ac de filiis Ammon vno certamine triumpharet. Tota latissime Regio cadaueribus oppleta; non expectabat gladium militis Iosaphat, ipsi inter se hostes mutuis se vulneribus concidebant. Hic doluit populus Iuda non inuentos, quos caperet aut feriret. Tanta è castris auecta præda tamque varia suppellex vt exportandæ non sufficerent iumenta, triduum idcirco in auferendis spoliis consumptum est.

---

*Bella Regis Ioram & Ochosia.*

C A P V T XXIII.

**I**N Iosaphat defuncti locum substituitur Ioram religiosissimi Patris degener filius. Huic rebellat populus Edom, hoc est Idumæa, creato sibi pro arbitrio

*Ex cap.  
8. lib. 4.  
Reg.*

Rege : tum ab ipso deficit Lobna Ciuitas. Et hæc quidem in expiationem scelerum Regis Iuda quorum quasi præludium fuit occidisse cunctos fratres. Toto exercitus robore etiam noctu confurgit Ioram, & properasse ultionem in Idumæos, vicisse fuit, adeo vt iterum seruirent, tamen citra tributi legem. Non ita in Philistæos & Arabas felix expeditio : imò ab his tota terra Iuda impunè vastatur, Regia diripitur, vxores & filii præter minimum natu Ochosiam trucidantur. Rex ipse scelestissimus, perpetuo alui tormine & longâ tabe consumptus, tandem egestis visceribus animam quoque egressit. O qualem animam, cuius corpus nullis exequiis prosecutus est populus, vt indignum sepulchri honore. Hoc supplicio Patris nihilo melior Ochosias seu Azarias amicus & socius Ioram Regis Israel in illius quoquè fati societatem venit. Ambos ad bellum profectos aduersus Azahalem Regem Syriæ pari nece paulo post coniungit Hieu filius Namsi, cui delendam domum Achab commiserat Deus.

---

*Mutatio regni Israel.*

C A P V T XXIV.

Exc. 9. lib. 4. R<sup>g</sup>. **I**Am semel & iterum mutatâ gente & familiâ diuersi regnauerant in Israel.



Nam sicut domum Ieroboam Baasa, ita & huius familiam Zambri & Amri pater Achab, quasi instigante Deo, aboleuerant. Ecce tertio Dominum mutat Imperium Israel, & excisâ domo Achab, in solio sedet non Iehu suo, sed ius dat Deus vngendo in Regem & furoris diuini ministrum deputat. Post Achab, Ochosiæ filio ( & quia hic sine liberis lapsus per cancellos cœnaculi decesserat ) Ioram fratri tradita potestas regnandi. Hunc sedentem in curru cum Ochosia Rege Iuda intento arcu sagittâ transfodit Iehu scapulas inter, proiectoque in agrum velut aselli cadauere, iuxta Dei edictum pariter in Ochosiam in Samaria latitantem facto impetu prauæ societatis pœnas exercet : præsertim Iesabel Reginam de fenestra præcipientem agit. Quid isti profuit stibio pinxisse oculos & caput calamistro compsisse, nisi vt pulchrior facta scœdiori morte occumberet, & data præda canibus, delicatiùs illi vescerentur. Conculcata insuper equorum vngulis, & iussa tumulari, nihil inuentum est residui præter caluariam & pedes & summas manus, cæterum corpus arroserant canes. Ideo *Hæcine est illa Iesabel?* vulgò dicebatur. Occisis Rege Ioram ac Iesabel in septuaginta illorum liberos scœuitum est, vt tota funditus stirps Achab interiret. Ideo septuaginta virorum capita delata in cophinis ab optimabibus Samariæ. Huc transgressus Iehu præsertim in

ædem Baal, quam, proiectâ in ignem statuâ, in latrinas conuertit, falso Numini cunctos Sacerdotes & Prophetas immolat. Tali hostiâ litandum fuit ne amplius litaretur. Sic diuinæ vltor iniuriæ, veri Dei cultum instaurat Namfiades & impietatem Achab eradit.

*Bella Regis Ioas & Amasie filii.*

C A P V T XXV.

Ex c. 11.  
lib. 4.  
Reg.

**I**Nterfecto ab Iehu Ochofia Rege Iuda, mater pro illo regnat Athalia, & vt impunè & sola regnet, liberos omnes Ochofie filii neci dat, vltra sexum ferocior. Ioas lactens adhuc cum nutrice subducitur (Iofabeth Ioiadæ Pontificis vxor cauta nepotem abdiderat.) Hoc furtum non vidit cæca Reginae ambitio, at furti sensit perniciem. Nam feptimo post anno eiecâ templo ad portam equorum impacta terræ occisa est. Ita Pontifici licuit septennem puerum diademate insignire, & vnctum oleo plebi adorandum sistere. Nihil hostile aut seditionibus turbidum, quamdiu pius Ioas magnis sumptibus facta tecta templi perficit. Mortuo Ioiada, cuius disciplina Regem vt discipulum continuerat, mox adulatione principum delinitus diuinos honores impius vsurpat. Impii Regis infinitum ferè po-

pulum modicus Syrorum exercitus debellat Deo fretus ultore, nec nisi ingentibus manubiis seu templi seu Regiæ exportatis abscedit. Ioam adoratum à suis Rex Asahel deprimit; tandem serui coniurant in Dominum, & in domo Mello exanimum relinquunt. In parri-

Exc. 148

cidas animaduertit Amasias per omnia similis Patri, hoc est initio pius, ideo triumphator Idumæorum ad viginti millia; postremò impius Diis à se subactæ gentis indecorè supplicans. Post hac infelix in Bethsames Oppido capitur à Rege Israel, qui non patente portâ rupto muro Hierosolymam ingressus quidquid auri argentique aut vasorum siue in Templo siue in Regia repertum est, simul obsides in Samariam transfert. Prouocauerat hunc in certamen Rex Iuda: *Veni, inquit, & videamus nos.* Venit ille & vidit & vicit insolentem. Huius quasi præscius victoriæ scripserat Rex Israel, *Carduus Libani misit ad Cedrum quia est in Libano dicens, Da filiam tuam filio meo uxorem, transferuntque bestie saltus & conculcaverunt Carduum.* Nec satis pœnarum dedisse visus est Amasias, donec suorum coniuratione opprimitur in vrbe Lachis quò fugerat, vt genere mortis, sicut vitæ moribus Patrem referret.

---

*Res gesta in regno Israel.*

## CAPVT XXVI.

**I**Nterim ordine Regnum Israel filii Iehu obtinent. Primus Ioachas decem & septem annos : Secundus Ioas sexdecim : Tertius Hieroboam quadraginta & vno anno. Postremus Zacharias sex omnino menses. Hi omnes pessimi ac profani principes superstitionis pœnas luerunt. Ioacham Rex Syriæ Asahel tam frequentibus præliis sicut puluerem aræ attriuit, vt relictæ tantum fuerint quadraginta equites, decem currus, ac peditum decem millia : Zachariam Sellum filius labes percutit gladio & cum illo progeniem Iehu solio exturbat. Cum Ioas & cum Hieroboam, prosperè actum est, vtique quia minus isti peccauerant.

*Finis Libri tertij.*



## LIBER QVARTVS.

---

*Bella reliquorum Regum Iuda.*

### CAPVT PRIMVM.

**I**REQVENS deinceps pugna Hebræorum cum hostibus, at rara victoria. Vergente in senectam iuuentute, & jam inclinato tam viuidæ ætatis robore, quid mirum si victos identidem Hebræos legas, & posthac ab omni ferè hoste prostratos? Nunc cerne-  
re liceat Ægyptios, Assyrios, Philistæos, Idumæos, Arabes, & cæteros id genus barbaros in illius gentis velificatos ruinam, nec antè à bellico furore temperasse quàm totum Daudidis Imperium vel tributo vel seruitute damnaverint; imò (quàm fluxæ res humanæ!) in alias terras eiecerint. Tanti causæ excidii, crescentia in dies vitia populi, & ex nimia felicitate corrupti mores. Quid Salmanasar, Sennacherib, Nabuchodonosor & alia dura nomina in terras vel Iuda vel

Israël adduxit? nonne continua & pertinax decem tribuum superstitio? Quid præsertim Babylonios? Nunquid ab Ezechia ostentati ingentes thesauri & regni Gaza pretiosissima? Quid sanguine etiam Prophetarum vicos Urbis infecit? Num impotens Regum dominatio & superbiæ proxima crudelitas? Et hæc insequentibus bellistam frequenter obuia, vt mirari liceat non funditus periisse gentem Hebræam, sed quasi rediuuiam à suo funere surrexisse.

---

*Bella Regis Ozia & Ioathan.*

C A P V T I I.

Ex c. 15.  
I. 4. Reg.

**R**egnante Oziâ seu Azariâ vel Zachariâ ( trinomius fuit ) profligato Philistæo, Vrbes Geth, Azotum & Iabnia muro suo nudantur: Arabes in Gurbaal & Ammonitæ deuicti stipendio mulctantur. Hæc prosperè initio regni gesta, terrore nominis Ozia apud exteros personante; quia bonus ac religiosus in Deum. At ex secundis rebus elatus & tumens tanquam auitæ paternæque hæres superbiæ adolet incensum in templo præter fas & morem, nec contentus Regali, etiam Sacerdotum honorem sibi arrogat. In hoc præsertim offensus Deus Regem percutit leprâ in fronte. Tum leprosum illum è Tem-

plo iuxta legem ejicit Pontifex, extraque Regiam seponit quasi priuatum: ita qui Regem cum Sacerdote miscere voluit, ex utroque fastigio excidit. Ioathan filius viuentis patris ac priuati administrator regni sufficitur; tandem mortuo illo possessor ac Dominus, de Rege Ammonitarum triumphat. Data illi victori centum argenti talenta, & decem mille cori tritici totidemque hordei. Tam felici Imperio dignus erat optimus Princeps, hoc vno infelix quod pessimum filium reliquit heredem.

*Bella Regis Achaz.*

C A P V T I I I.

**H**ic est Achaz paternæ religionis desertor, cultor Dæmonum, contemptor Dei, ita ut in clauso Salomonis Templo Aras diis gentium & fana toto ferè regno posuerit. Etiam in pœnam scelerum infelix, inops, & populo suo inuisus & execrabilis. Fœderati inter se Rex Israël Phacee & Rasin Rex Syriæ vires coniungunt aduersus Achaz. Sed quid tanti, cum vel vnus Rex Israël sufficiat? Quippe vbi retrocessit Rasin ad sua tuenda quibus imminebat Theglathphalazar Rex Assyriorum, ( hunc Achaz missis muneribus sollicitauerat in excidium Syriæ ) solum bello appetere Re-

Ex c. 16.

l. 4. Reg.

gem Israël audet Rex Iuda, & victoriam præsumit ex impari hostium numero; vincitur tamen Achaz, parte vnâ exercitus captiuatâ, alterâ cæsâ gladio. Hanc pestem Rex amoliri à regno potuit, si audito Isaiâ & desuper petito signo Deum placasset. Sed spreto Dei auxilio maluit humanum accersere, & hoc ipsum, deficiente diuino, deesse aut irritum esse persensit. Nam Rex Assyriorum post occisum Rasin & vastatam Syriam in ipsum Achaz conuertitur, nec nisi totis exhaustis templi ac Regiæ thesauris relegit iter in Assyriam. Itaque relictus inops Achaz, totum videt Imperium Philistinorum & Idumæorum patere incursibus ac prædæ datum. Denique moritur vsque adedò suis inuisus, vt sepulchro regni priuarint.

---

*Transmigratio & finis regni Israël.*

C A P V T I V.

Exc. 17.  
l. 4. Reg.

**H**Æc ad orientem versus in partibus Iudæ, ad occidentem verò in regno Israël pessimè res se habent. Regibus Israël se aliis alios solio trudentibus, & ad cumulum adductis sceleribus, quid reliquum erat nisi vt aliquando Rex cum populo in alienas terras migraret, si fortè animum mutaturus esset cum cælo? Seruiens vterque hosti, spes



erat sanctior ut tandem fieret, qui regnans & florens pessimus fuerat. Igitur postquam Sellum Zachariæ necem intulit, eodem hic scelere post mensem necatur à Manahen Gaddi filio. Iste ab Vrbe Thapsa, quam ingredi destinauerat, repulsus, etiam prægnantium scissione portas sibi occlusas vlciscitur. Denique quasi firmando imperio necessarium sæpius aduocat Phul Assyriorum Regem, traditis argenti talentis mille stipendij loco. Felix iste qui filium Placeiam non occisus hæredem substituit. Placeiam tamen, Placee filius Romeliæ & vitâ & solio destituit. Ipse similiter manu Osee filij Elatransfoditur ut pereat gladio, qui gladio percusserit, iam antè bonâ regni parte amisâ. Nam Rex Assur Theglathphalazar, captâ Galilæâ & terrâ Nephthalim, tres fere Tribus migrare iusserat in Assyrios. Postremus Regum Osee & propè impietate primus. Captum hunc Salmanasar annui tributi lege obstringit, sed rebellantem Osee, vocato in suam opem Suâ Rege Ægypti, tandiu ferus expugnat, donec vi captâ Samariâ post triennem obsidionem & Rege in carcerem misso reliquas Tribus in Assyriam transfert, & in alieno solo collocat, qui patriis sedibus abutebantur ad sacrilegia. Inter captiuos insignis vnus Tobias, tam religiosus in Deum, ut vnicum hunc in ipsa turba Deorum Gentilium coluerit; tam sanctus, ut

cæcus ex fimo arundinum factus, patientiæ alterum exemplar euaserit. Dignus demum quem Raphaël Angelus abstersâ per piscis iecur cæcitate persanauerit; cuius filium comes sospitem ad Medos duxerit, & nobili contraque spem felici matrimonio junxerit, & mille aliis beneficiis cumulauerit.

---

*Bella & gesta Ezechie Regis  
& sequentium.*

C A P V T V.

Ex c. 18.  
vsque ad  
l. 4. Reg.

**I**Terum ad Iudam conuertimur, relictâ Samariâ, quam ne solam & inhospitam esse sineret Rex Assyriorum adductâ in has terras suorum coloniâ, populi Israël vacuas Vrbes & sedes impleuit. Verùm in hos novos colonos, quia nulli verum Deum colerent emissi è syluis leones facto impetu vorabant omnes, donec missus sacerdos ex Israël, qui ceremonias & legem Dei reponeret. Interim Ezechias paterni sceptri melior patre curam susceperat. In hunc Sennacherib Rex Assyriorum collatis signis inuadit, & vno velut torrens impetu cuncta prosternit. Non audet Ezechias cum barbaro cominùs congredi, licet ante debellatis Philistæis; procul amandare recogitat trecentis argenti talentis sponte oblatis. Imò refixis

laminis aureis quas ipse valuis Templi  
pius affixerat, religioni se tunc præua-  
ricari credidit. Datâ ex pacto pecuniâ,  
non abstitit hostis, instat propius &  
mœnibus ac portis Urbis Ierusalem  
incubat. Parum est quod jam quasi victis  
ne dum victor insultat, nisi etiam blas-  
phemet in Deum. At non impunè: Tha-  
raca Rex Æthiopix Assyriam armatus  
intrat, cogitur Sennacherib redire ad  
suos, sed mussans & minis propè quàm  
plagis truculentior. Nihil territus Eze-  
chias, populum quoque timere prohi-  
bet; *Multò plures nobiscum sunt, quàm  
cum illo. Cum illo enim brachium carneum,  
nobiscum Deus noster.* Et mox nocte il-  
lâ ab vnico Angelo cæsa iacent centum  
octoginta quinque millia hostium &  
absque vulneribus, ô rem miraculi ple-  
nam! mors sæua discurrit. Posterâ luce  
tam ingenti clade conspectâ domum re-  
uertitur, & viuere aliquandin finitur,  
testis vt fiat Majestatis quam ore con-  
tempserat. Reuersus Niniuen & ado-  
rans in Templo Nesroth Deum suum,  
à filiis suis Adramelech & Harasar in-  
terficitur. Non dignus qui Angelico  
periret gladio, parricidio velut hostis  
naturæ mactatur. Hæc insignia victo-  
riæ & triumphî decora ab insigni Reli-  
gione Ezechix. Nam paternæ impie-  
ratis erasis vestigiis, succisis lucis,  
versis altaribus, Templum Dei clausum  
à Patre reuerauit, Phase solemni ritu  
instituit, & vt Salomonem pietate, sic

opibus & inclitâ gloriâ æquasse dicitur. Nihil tale in filio Manasse, in Amon nepote. Hic vterque nullum bellum gessit, nisi bellum æstimas, quod multum innoxii sanguinis fusum est. Testis Esaias auunculus Manasse, quem hic ligneam ferrâ exsecuit. Placidâ morte Manasses, Amon sicâ per seruos sublatus est. Tam vitâ quam potestate vterque omnibus oneri fuit.

*Bellum. Ægyptium secundum  
Rege Iosia.*

Exc. 22.  
lib. 4.  
Reg.

**T**Am crudeli Auo, tam impio parenti successit Iosias mitissimus omnium Princeps; purgatum superstitionis sordibus Templum & ritè omnia ad Dei cultum digesta monumenta sunt eximiae pietatis. Bellum huic cum Necho, Rege Ægypti in Assyrios signa inferente. In ipso æstu pugnae occisus Iosias in Magedo sanctius quidem, at non fortius potuit Rex tantus occumbere.

---

*Transmigratio Babylonis.*

CAPVT VI.

Exc. 23  
lib. 4.  
Reg.

**A**bductis decem Tribubus, reliquæ ambæ Benjamin & Iuda nihil do-

mestico sapiunt exemplo. Captiuantur & istæ quoque, pares sicut moribus ita & suppliciis. Igitur Rex Ioachaz Iosæ minimus natu, quem Regem populus constituerat, à Pharaone Nechao reuinctus in Ægyptum expellitur, & ibi priuatus moritur velut obfes captiuandi mox totius populi. In locum Ioachaz, Eliachim maiorem promouet Nechao ac mutato nomine Ioachim nuncupat. Hic tyranno à quo regnum acceperat, libens etiam cum ingenti tributo seruit & seruus mauult viuere, ne regnet ingratus. Post à Nabuchodonosor expugnatur Pharaos, capiturque Syria, & ibatur in regnum Ioachim, nisi annuo stipendio contentus victor barbarus abiisset. Trienni soluto pretio seruitium indignatur & rebbellat Rex Iuda, rebbellantem opprimit totis viribus Rex Babylonis, Templum expilat, interfecti Regis cadauer inhumatum projicit extra muros & sepulturâ asini sepelitur, vt ante scripserat Hieremias. Itatamen in Patrem læuit Tyrannus, vt Ioachim seu Iechoniæ filio Patris tradat Imperium, & hunc paulo post obsidione vrgens ad deditionem compellit, veritus ne paternæ necis vltor cum vicinis coniureret in Regnum Babylonicum. Itaque à sceptro & à patria amouet. Dedit ipse sese Iechonias, suadente Hieremiâ & cum matre, vxore, principes, amicos & optimos Ciuitatis; sustinet quoque Babylonem se traduci atque in

vincula coniici, quasi præscius se olim solvendum. Patruus Mathathias inter-  
**Ex c. 24.** rim rerum potitur & Sedechias audit imposito à Tyranno nomine. In hunc postremò Chaldæi cum Rege feroces inuolant, vt periurum hominem pactam fidem seruare doceant. Primùm Ciuitatem oppugnant, clausam penetrant, vallatam exscindunt: inualuerat obsessorum fames, vt matres etiam filios epulando, ô rem inauditam! illi succurrerent. Hinc fame, hinc obsidione urgente, fugit Sedechias & fugam nocte præcipitans, non potuit tamen obsidentes latere. Comprehensus coram  
**Ex c. 25.** Tyranno sistitur, tum ipsi effodiuntur oculi, necantur coram patre filij, vt tota in illo stirps Regia intereat, tandem catenatus Babylonem cæcus abducitur, carcerisque vmbrâ pœnas luit incarcerati Hieremiæ, qui hæc non auditus prænuntiauerat. Translati cum Rege quotquot vel gladio vel fami superfuerant. Relicti in Vrbe vel seruitio inutiles vt pueri ac senes; vel prædæ fastidium, vt pauperes; vel certè colendis agris necessarii, vt vinitores & agricolæ. His Rex datus Godolias, nullo insigni regio aut Imperii nomine, quia præfesse tam paucis & calamitosi nulla dignitas erat, vt sicut in Vrbe, Urbis reliqua tantum erat imago, (hanc enim cum Templo Nabuzardan militiæ Princeps inflammaverat solo æquatis per circuitum mœnibus)

nibus ) ita ipse umbram Regiæ Maie-  
statis teneret.

*Missiones & miracula Prophetarum.*

C A P V T V I I.

**V**Nde tanti, ac florentis regni casus Ex c. 12.  
lib. 2.  
& ruina? Numquid quia non au- Reg.  
diti Prophetæ à Deo missi? Nam inter il-  
la præcedentia Regum tempora virtuti-  
bus, vitiisque permixta, imò, si verum di-  
cimus, magnis insigniora criminibus,  
quanta erga suos Reges siue iustos, siue  
impios cura Dei, ac prouidentia; istos  
vt à profanis arceret cultibus, illos vt  
in pietate statueret? Quot missi ad illos  
viri, seu vates Dei? Quot pronunciata  
Oracula, quibus obtemperare, tota  
Regnantium, & Imperii vna hæc erat  
salus. Mittitur Nathan ad Dauidem, &  
ex parabola, seu fabula raptæ ouiculæ  
veritatem adulterii, deinde ex ore Re-  
gio pœnitentiæ vocem, *peccavi*, expri-  
mit. Vtinam sic ad se missum audisset  
filius Salomon. Certè nec tam vxorius  
senex fuisset, nec scindendo regno oc- Ex c. 13.  
lib. 3.  
casionem dedisset. Missus alter ad Ie- Reg.  
roboam dum thus adolet, quia non  
auditus, protinus Regi manus exaruit,  
quæ orante Prophetâ mobilis rursus  
effecta est. Quid de cæteris dicam, ac  
præsertim de impiissimo Achab? Venit

ad hunc Michæas, nec modò non auditur vera pronuntians, sed in carcerem truditur pane & aquâ cibandus; similiter Elias, cum verbis minacibus etiam monstra, seu miracula addidit, quid aliud egit, quàm vt persequentem fugeret, aut vitam perderet? Eliæ autem miracula, & aliorum suis sparsa locis in vnum hunc locum cogere placuit, vt simul, & citiùs vno tenore continuata permisceantur.

---

*Miracula Elia Propbeta.*

C A P V T V I I I.

Exc. 17.  
3. Reg.  
vsque ad  
6. 2. l. 4.

**Q**Vis credat virum tam pilosum, & ferinum habitu, vt feræ potiùs quàm hominis figuram reddat; tam egentem, vt eum in Vrbe vidua pauper, corui in deserto pascant; tam imbellem, vt vel mulier vna Iezabel in fugam compellat: hic tamen tantæ authoritatis, vt cælo pluuiam vel imperet, vel prohibeat; vt ignem quasi vindicem in aduersarios emittat? Testes duo quinquagenarij Regis Ochosiæ, quos subitus ignis extorruit; in ipsam etiam mortem accepto imperio, quo viduæ Sarephthanæ filium vitæ restituit. Primùm iussus omnem è cælis seu rorem, seu pluuiam ad tres annos excludere, mirum est vt arentibus herbis, pascuis & cuncta fame



depopulante, non ante terris infusa pluuiâ, quàm Elias orauerit. Certus hic ic à Deo exauditum iri in aqua, sicut prius in igne holocausti, victor vltorque magnificus Sacerdotum Baal. Quantus hic, qui vel ex impio, & prope ferro Achab pœnitentiæ signa extorquet cilicium, saccum & ieiunium; & tam arduum superbiâ caput humilitate depressit? *Nonne vidisti*, inquit Deus, *humiliatum Achab*? Tam facile huic viro Iordanis aquas pallio scindere, & sicco tranare vestigio, quàm pedibus planum iter ingredi. Certè tanto ciue indignus erat hic, quem incoluerat mundus. Placuit Deo in meliorem transferre, & subito turbine raptum, curruque igneo vectum in fœlicissimâ sede collocare iam æternitatis candidatum.

---

*Miracula Elisei Prophetae.*

C A P V T I X.

**Q**Uot istius gesta legeris, tot fere in ostenta, & miracula offendis. Hic ille est discipulus Eliæ, & famulus ab aratro ad sacrum vaticinium arcessitus vicisse tamen Magistrum videtur, multitudine potiùs an claritate signorum incertum est. Et fortè duplex ille spiritus Eliseo concessus duplo maior fuit

Ex c. 2  
vsque ad  
13. l. 4.  
Reg.

miraculorum effectio, quæ nec ipsâ morte, & emortuis ossibus finita est. Imputa, si libet, pallio Eliæ totam hanc prodigiorum seriem, nihil est tamen causæ cur hoc ipsum deneges Elisei virtutibus, quas ad sui nominis ostentationem Deus ipse promouerat. Igitur rapto bigis igneis Eliâ in cœlos, primus ad miracula gradus sternitur transitus Iordanis sicco vestigio, & arente alueo: deinde ne vicinam Urbem Iericho prætereat Eliseus, & ubi-vis mira efficiat, ubi maximè necessaria, sale infuso in fontes sterilitatem loci, quem aquæ pessimæ inhospitalem fecerant, facile abstulit. Et hæc sanatio aquarum eò mirabilior, quò ineptior medicina. Calvo huic Prophetæ certatim pueri caluitiem veluti conviciū jactant: ecce duo vrsi quadraginta mox contumeliosos pueros in frustra concidunt; hōc ultionis prodigio adultos instruens Vates, quando nec teneræ pepercit ætati. Tribus Regibus fœderatis aduersus Regem Moab deficiunt aquæ in via, postulante Ioram Rege Israël filio Achab, nihil conceditur, at in gratiam Iosaphat Regis Iuda & aquæ vbertim desertis in locis scaturiunt, & victoria de Rege Moab speratur. Quid prosequar olei exuberantiam in domo viduæ vnius de vxoribus Prophetarum, quando non prius stetit oleum, quàm vasa deficiunt? Quid viginti panes hordeaceos centum viris

ad satietatem appositos, & ad reliquias  
vsque profusos? Similiter missam in le-  
betem farinulam, quæ pulmenti ama-  
ritiem, & mortem in olla consumpsit?  
Lepram Naaman principis militiæ Re-  
gis Syriæ septimâ lotionem Iordanis ab-  
stersam, & in puerum Giezi transfu-  
sam, eò quod munera, vestes, argen-  
tumque inuito hero acceperat? Fœcun-  
ditatem Sunamitidi concessam, & fœ-  
cundati vteri prolem vitæ restitutam.  
Quid plura? Ferrum aquis innatat more  
corticis; produntur insidiæ Regis Sy-  
riæ; percutitur cæcitate exercitus, ta-  
men in Samariam adducti Syri, & pote-  
stati Regis Israël permissi dimittuntur  
illæsi, imò & bene pasti. Denique post  
signa tanta, quæ rudis illa ætas obstu-  
puit, & priora erubere sæcula, moritur  
Eliseus, qui vitæ, mortisque administra-  
uit imperium. Fleuit morientem Rex  
Ioas, flentem consolatus est vates diui-  
nus spe amplâ victoriæ Syriacæ, quæ  
septies Regi futura erat, si septies ter-  
ram percussisset. Quid beneficij ab ex-  
pirante Propheta non impetrasset Rex  
iste, à quo iam mortuo proiectum de-  
functi cadauer vitam hausit, & in se-  
pulchro mortis vim omnem elisit? Vo-  
luit Eliseum Rex Ioram capite minuere,  
quasi reum tam longæ Syrorum obsi-  
dionis, & tam duræ famis, ut caput asini  
octoginta argenteis, & stercora colum-  
barum quinque argenteis vxnirent; ip-  
sæ quoque mulieres filios suos voræ-

rent, sed quò tanta Elisei miracula, nisi vel aliquò pestem hanc à suis auertisset cervicibus?

*Miracula Isaia Propheta.*

C A P V T X.

Exc. 19.  
 & 20.  
 l. 4. Reg.

**Æ** Grotat Rex Ezechias, nec illum tantæ Majestatis fastigium à populi infirmitatibus excipit, aut absoluit. Ægrotanti mittitur Isaia Propheeta; & licèt distans attamen mors vicina nuntiatur. Ad hæc plorat, & orat Rex, & cum precibus, tum lachrymis placato Deo divinam prope mutat sententiam, quando se vidit à graui ægitudine curatum, & vitam audit ad quindecim annos productam. Vtrumque sanè plenum miraculi, atque prodigij, quò magis rerum seu ordini, seu conditioni contrarium. Primùm applicita fisorum massa, & vt Propheeta iusserat, persanatur vlcus, & morbus Regius vel inani, vel etiam pestifero remedio, vt intelligas sicut in morbis, ita in remediis diuinum esse aliquid; nec tam medicamenti æstimandam qualitatem, quàm Dei medentis manum, qui pro arbitrio de noxiis quoque rebus vtilis exhibet medicinas. Deinde promissa à vate vita productior tam incerta primâ fronte videbatur, quàm mors vrget imminens

nuntiata. Quid mirum ergo si Rex vel dubitat, vel interrogat? *Quod erit signum quia die tertia ascensurus sum Templum Domini?* Ideo faciendæ rei signum certissimum ingens portentum optioni dat. *Vis*, inquit, *ut ascendat umbra deoem lineis, an ut revertatur totidem gradibus?* Facile est, Rex ait, umbram crescere, nec hoc volo, ut fiat, sed ut reuertatur retrorsum decem gradibus. Et ecce inuocato Deo Isaias umbram per lineas, quibus iam descenderat in Horologio Ahascum Sole reducit decem gradibus, & productior factus dies vitæ longioris obles certissimus fit. Discant mortales tam promptum Soli esse retrorsum cedere, quàm stare immotum iubente Deo.

---

*Interregnum, & captivitas Iudæorum.*

## C A P V T X I.

**P**ost Sedeciam nullus deinceps ex stirpe Iudæorum Rex Ierusalem usque ad Assamonæos Hyrcanum scilicet, & Aristobulum; Salathiel quidem Iechoniæ Regis, & hujus Zorobabel filius inter concaptiuos fratres principatum obtinent, & duces appellantur; at Regis nomen, & regni insignia deferre captiuis non licuit. Quam interim indignè Babyloniam seruitutem tulerit Hebræus, testatur interfectio

Ex c. 25.  
l. 4. R. g.

Godolix. Hunc Ismaël regali oriundus sanguine cum decem ex nobilioribus, qui in Maspha confugerant, dirè interficit, nec à Chaldæis Iudæos comites cædendo distinguit. Cæteram plebem gentis reliquias tendere in Ægyptum cogit timor, ne cuncti pro vno Godolia occiso pereant. Mirum est quo robore animi profanos deorum cultûs repudiauerit inter alios Daniel, ideo ad leones damnatus. Et ibi ille perierat, nisi mitiores feras, quàm homines habuisset. Ieiunium illum, & impastum Angelus messorum prandio reficit per Abachuc Prophetam, illuc ex Iudæa crine suspensio delatum. Præterea Danielis socij Ananias, Azarias, Misaël, vel Sidrach, Misach, & Abdenago apud Chaldæos statux Nabuchodonosor negato diuino cultu fortiter caminum, vti certaminis locum, adeunt. Intrat Angelus cum tribus, vr ab istis in incendiarios flammæ fornacis excutiat. Cremata quidem mox vincula, compedesque Iuuenum, fortè vt liberiùs inter ipsos ignes, velut inter auras incederent. Pepercit flamma corporibus, imò vestibus, quorum animi meliore igni ardebant. Stupet Nabuchodonosor viso quarto Iuvene tres inter, quos sicut nec cibus Regius contaminauerat, regiâ mensâ esculentius expertos ieiunium, aut legumina, ita nec ignis tantillum libauerat. Hinc Rex exclamat, *Non est alius Deus, qui possit ita saluare.* Interim ad septuaginta

Ex c. 1.  
usque ad  
7.  
Daniel.

septuaginta annos productam seruitutem afflicti mœrent Hebræi, quos Tyranni quatuor Nabuchodonosor, Euilmerodach, Balthazar, & Rex Medorum Darius duris exercuere Imperiis. At Daniel toti tunc Orienti præfectus & secundus à Rege, tantò melius & indulgentius captiuos habuit, quantò sibi chariores. Tantum illi fastigium ex declarato Regis somnio de visa statua, cuius caput ex auro optimo, pectus & brachia ex argento, venter & femora ex ære, pedes denique partim ex ferro, partim ex testa consistèrent. Experta sanctissima vxor Susanna, experti impudicissimi Iudices, experti quoque Sacerdotes Belis quanta in Daniele erga improbos inclementia, & erga iustos profusa charitas.

---

*Finis captiuitatis Babylonica.*

CAPVT XII.

**P**ost septuagesimum annum finita tandem seruitus & cum libertate mutata. *Ex c. 11. 1. Efd.* Expectandus diu fuit tanti beneficii author Rex Cyrus, nec antè seruire desitum est, quam Tyranni omnes Babiloniæ vel fato defuncti, vel occisi gladio. Nabuchodonosor natu maior Euilmerodach excipit. Hic paternum regnum sperans sibi ereptum iri à Patre etiam extincto, cadauer in trecentas partes diuisum prædam

projicit vulturibus. Impius sanè æquè ac vecors. Credidit Patrem, sicut ex homine factus bestia, iuxta vaticinium Danielis & arboris somnium, rursus ex bestiâ in hominem redierat, ita fortè post mortem recepturum regnum cum corpore. Post hunc Balthasar iunior natus, qui percussus à Dario Medorum Rege vitam cum regno miserè amisit. Ita illi extantes de muro digiti dum scriberent, *Mane, Thecel, Phares* significauerant. Sublatis de medio Chaldeis, libertatis vindex Hebrææ regnat Cyrus. Nam traducto à Medis ad Persas imperio, subiectos populos maximè Iudæos fœlices iubet ac securos agere; Ex torres redire in patriam, restaurandæ urbis ac Templi datâ veniâ. Reddita quoque vasa Sacra, quæ sustulerat Nabuchodonosor, quibus abuti ad pocula non audet, postquam audiit Balthassar non tam irruptione hostium, quàm sacrilegio periisse. Pauci tamen in Iudæam redire visi sunt, ceteros vel vxoribus vel partis extra patriam remorantibus. Aded natale solum amabant, ubi etiam nati seruierant. Penes tam paucos ac inopes nullus ducitur murorum ambitus, vix Templi iacta fundamenta, saltem ædificatum ad sacrificia Altare, denique intra pomœrium non tam substructæ ædes quàm casæ. Ita non Vrbs sed quædam imago Urbis surgebat.



*Bellum Holofernus contra Iudæos.*

## CAPVT XIII.

**Q**uantò insignior visa est Cyri beneficentia, tantò Cambyſis filii detestabilior crudelitas, qui rescisso edicto paterno beneficia in contumelias ferus commutat. Ideò fortè dictus Nabuchodonosor, vt sicut ille urbem ac Templum demolitus incenderat, ita hic, ne denuò excitaretur, inhibuit. Tam sanctum opus suspendit impius, ne rebellionis arcem collocet, & hostibus vires sufficiat. Sed, ô malè prudentem aduersus Deum, qui in tantæ pœnam impietatis, ab imbelli fœmina Hebræa vinci finit, qui viris superior esse contenderat. Misso Holoferne militiæ principe post subactam Mediam ac triumphatum Arphaxat Regem, in Iudæam inuolat, Cappadociam, Damascum & alia munitissima regna prætergressus; quot passibus tot victoriis Oriente lustrato. Satis paterno clarus imperio videri poterat, si fines vllos caperet cupido regnandi. Ingresso Galilæam Holoferni Bethulia viculus ferè obsistere audet. Locum incolæ, quem natura munierat, Deo fidentes, obsideri se sinunt. Et iam peditum centum viginti millia, equitum viginti duo non tam armis quàm terrore ciues circumdederant, iamque inciso aquæ-

*Ex toto  
lib. Iu-  
dith.*

ductu & prohibitis fontibus ne in Urbem influerent, exhaustis per viginti dies cisternis, cogitauerat Princeps Ozias tradere hosti siti enectum populum. Sic deditio-  
ni reserat proxima, nisi sæculo illi contigisset fortissima mulierum Iudith. Viris hæc animosior cædem Holofernis, quam vir non auderet, festina exequitur. Tamen in re tam virili non oblita fœminam, mundum muliebrem pulchro corpori aptat, culta comptaue procedit ad castra, Abrâ comite, vt quam viri bellatores manu, ipsa oculis & amore sui præsumat victoriam. Capti Assyrii primo tam præstantis Matronæ conspectu, cui formam Deus splendore quodam auxerat, exclamant amentes. *Quis condemnat populum istum, qui tam decora mulieres habet?* Introducitur in tabernaculum Ducis & fuge consilium partim professa, partim mentita, ad nuptias Tyranni aut saltem ad delicias destinatur. Illa non abnuere, dissimulare etiam si opus est, imò palam redamare amantem. Inuitata ad epulum non dedignatur, & datâ veniâ, quos comportauerat cibos, manducandi, regali mensæ accumbit; ille cum immodico vino ardentissimum amorem bibit. Tum in conclavi suam ita edormit crapulam, vt nec sanctissimæ viduæ fas sit illudere, nec cædi destinatæ elabi. Ingrauescit somnus principis, contentiùs orat Iudith, grande facinus perfectura. *Confirma me*, inquit, *Deus Israël & respice in hac hora ad opera manuum mearum.* Nihil cunctata comam

ac ceruicem apprehendit , & pugione ad lectuli columnam appenso bis ferit, quasi duplex fœminæ ictus necessarius foret ubi vnicus viri sufficeret ; deinde amputatum caput in Abiæ peram proicit , euolutoque extra conopæum trunco , lectum non tam sanguine quam vino reïpersum relinquit. Tanti capitis præda onusta Iudith è castris Bethuliam regreditur ouans, & prolato de perâ capite , Ecce , inquit , *caput Holofernîs quem percussit Dominus per manum fœminæ* , Stupet populus ac simul fremit lætitia , tædis accensis tam fortem viduam circumstans & ab ore dicentis pendens. Contrâ Assyrii viso principe decollato facilè palantes caduntur , vix fugæ relicto præsidio. Interim triginta per dies collecta spolia , quorum melior pars & opimior attributa est Iudith ; at pia mulier Templo affigi iussit , vt tanti Dux facti non fœminâ , sed Deus crederetur. Hoc tandem fatum Holofernîs capitalissimi hostis Iudæorum. Simili prope exitu aliquantò post superbus Aman vitæ patibulo affixus amisit , qui perire totam gentem in patibulis voluerat. Totum hoc negotium expedit Regina Esther apud Assuerum Regem ac coniugem , & vnica tam barbari consilii quærimonia capitale Amani iudicium fuit. Ita factum est vt sicut priora sæcula Debhora & Iahele fortibus fœminis, ita hæc posteriora Esther & Iudith fortitudine inclytis gloriarentur.

Ex c. 7  
l. Esth.

*Prelia pro restauratione urbis ac  
Templi.*

C A P V T X I V.

*Ex cap. 2.  
lib. 1.  
Esdra.*

**A**Nno quadragesimo sexto post defunctum Cambysem quartus à Cyro Darius Hystaspis eiusdem cognatus magno se voto exoluit. Vouerat hic authore Zorobabel, si Persarum Rex fieret consummandi Templi Hierusalem veniam se daturum, dedit ille voti compos cæsis duobus Magis fratribus qui regnum inuaserant. Missus in Hierusalem Zorobabel qui pendens & interruptum Templi ædificium ad umbilicum perduxit. Edicto insuper cautum est, ne quis perficiendo operi obstaret, & ideo crucis intentatur supplicium. Missus postea Esdras ab Artaxerxe, missus & Nehemias, ille legem diuinam instaurat, & non tam tabellis quam populæ mentibus accuratè insculpit; hic totam Urbem à fundamentis nouam excitat, mœnibus cingit, & portis claudit ac munit. Interim multa cum finitimis populis quos liuor adusserat & tam assiduè commissa prælia, ut Iuuenum pars ædificando, pars præliando insisteret; hic ex area fiebat acies & trullas cum gladiis & lanceis gestabant fabri simul & milites, interdiu toti in opere, noctu partiti vigilas excubabant, & si dicere fas est, vnâ manu trullam,

alterâ gladium tractabant aut lanceam.

*Expeditio Alexandri magni in  
Iudeam.*

C A P V T X V.

**I**Mperante orbi nunc Chaldæo, nunc *Exc. 1.  
lib. 1.  
Mach.* Medo, nunc Persâ, prout ius erat in armis, ad Græcos quoque transit Imperium; hic erat quasi ordo factorum. Igitur Dominos mutante orbe per tempora mutat & Iudæa. Servire cogitur Alexandro Macedoni cui cognomen Magnus, non tam ex corporis quàm ex animi magnitudine, cui vix satis erat terrarum ambitus. Ille toto Oriente armis penetrato, Palæstinam quasi ultimam provinciam cogitauerat, & vltro festinantem accelerabat prædæ amor auditâ vbertate soli, vetustate gentis, religione Templi ac præsertim opulentiâ. Orant Iudæi & precibus prædonem mundi beneficium faciunt. Magnus ille (quis non stupeat?) in Iaddo pontifice, qui obuius processerat stolâ indutus Cydari & laminâ coruscus, Deum adorat, mactat in Templo hostias, Iudæos ubique gentium patriis vti legibus concedit, & septimum annum iubet esse tributum exortem. Sic perendæ Urbis & gentis consilia, in beneficia commutantur.

*Bella & persecutiones Antiochi Regis  
in Indaos.*

C A P V T X V I.

*Exc. 1.  
lib. 1.  
Mach.*

**A**Lexandri veneno extincti nullus relictus hæres; ille diuiso in duodecim socios Imperio, affectasse creditur, ne quis apud posteros sibi par potentiâ legeretur. Successit res pro voto, in pauciores tamen id est in quatuor Reges tota Orientis collecta est Dominatio. Primus Ægypto Ptolomæus Lagi filius; in Macedonia Arideus seu Philippus Alexandri frater; in Thracia & Hellesponto Lysimachus; in Syria demum & Babylone Seleucus Nicanor primus regnasse traditur. Ab hoc septimâ sobole Antiochus Epiphanes, qui Romæ obses fuerat pulso fratre Seleuco Syriæ regnum inuadit, fratre sacrilego peior: quippe ille Heliodoro duce Templi ærarium spoliatum miserat, & spoliauerat, nisi armatus eques in Heliodorum priores equi sui calces elisisset; sicque humi abjectum, alii duo equites, intellige Angelos, contudissent verberibus, extinctusque iacuerat, nisi pro semianimi orans Onias quasi reuocasset à mortuis. Non cautior fratre Antiochus, sed irreligiosior Templum ingressus totum despoliat & collocatâ Iouis statuâ ritus gentium profanos imperat; Imperio reluctantes

dirâ nece extinguit. Testis Eleazarus senex, qui carnes porcinas iussus edere vel edentem fingere, maluit flagellis ad necem cædi, quàm senectutis canitiem tam turpi notâ inuri. *Non enim*, inquit, *ætati nostra dignum est fingere.* Testes septem cum matre Machabæi, quos Antiochus Tyrannus, non iisdem sed equè diris tortos suppliciiis non tam mori quàm ad meliorem fecit vitam transire, ut deinde in laureas verterentur supplicia, & Regis crudelitas triumphus Martyrum fieret & insigne virtutis. Authore Iasone & Menelao (hi tunc pessimi Iudæorum) positum est in vrbe Gymnasium & constituta Ephèbia. In illo ritus gentium doceri iussi sunt Iuvenes; in ista (proh pudor!) præstare ad omnem libidinem; cæsa intra triduum octoginta millia civium, ut cæteros tanta cædes à cultu Dei vel absolueret vel deterreret; sed is est religionis amor, ut vel fugere expediat timidis, vel audacibus certum sit mori.

*Bellum pro religione Duce  
Mathathiâ.*

CAPVT XVII.

*Ex c. 1.  
lib. 1.  
Mach.*

**I**gitur Hierosolymis egressus Mathathias in montem Modin totam secum transfert familiam hoc est quinque filios, Ioannem, Simonem, Iudam Machabæum, Elezeorum & Ionatham. Ibi occiso qui à Rege litari Idolis mandauerat, factò similiter impetu in quendam Iudæum qui legis defensor palam Diis gentium fecerat, dimissâ vrbe Modin in deserta loca progreditur. Illum secuti complures, cultus diuini obseruantissimi, quasi iustum constant exercitum. Horum mille, quia die Sabbati descendere ad certamen nefas, Ducum prostrati gladio occumbunt: cautiore alii nec Sabbatum à præliis excipiunt, & iam non pro focus, sed pro aris pugnantes feliciter vincunt. Victores totam regionem superstitionum fæce lustrant expiantque. Postremò, destructis gentium altaribus & circumcisis infantulis, moritur Mathathias religionis quàm vitæ amior, cuius pietatis tot monumenta sunt, quot Liberorum fortia facta, in quibus patrem etiam post funus viuere & spirare conspicuum fuit.



*Bellum Machabaum primum*  
*Duce Iuda.*

C A P V T X V I I I.

**D**Efuncto Mathathie Vicarius reli- Ex c. 3.  
usque ad  
10. lib. 1.  
Mach.  
 ctus est Iudas filius Machabæus  
 nomine, vnde hæc quæ sequuntur Ma-  
 chabæa bella. Hic Princeps religiosi  
 exercitus inter fratres delectus Quot  
 præliis tanquam leo vires Antiochi Re-  
 gis contuderit, quot Reges ac principes  
 finitimarum gentium vel fugauerit, vel  
 ceciderit, vix credere est, præsertim  
 tam paucis copiis & tam exiguo belli  
 apparatu. Primum Apollonius Sama-  
 riæ, deinde Seron Syriæ princeps, vter-  
 que Iudæ manu interfectus, illius om-  
 nis deletus exercitus, huius octingenti  
 gladio percussi, cæteri in fugam dati,  
 debellandi Antiochi præiudicium fuerunt  
 & omen certissimum. Rex hic Iudæo-  
 rum perpetuus hostis, contractis per om-  
 ne Regnum auxiliis & exhaustis in mili-  
 tes thesauris, subito impetu Iudam tenta-  
 re parat, & si fas est, opprimere; despe-  
 rat tamen vincere, in tanta rerum sua-  
 rum tenuitate (quippe nulla tunc à Iu-  
 dæis, nulla à Græcis Urbibus, quæ ab ipso  
 defecerant, vectigalia pendebantur.) Igi-  
 tur partito cum Lysia filii sui nutritio,  
 exercitu toto, Syriam illi bellumque in

Iudæos demandat ; ipse in Persas vadit ad quærenda belli noui stipendia. Missi in Iudæam à Lysia Ptolomæus, Nicanor, & Gorgias fortissimi Duces, data equitum quadraginta millia, & peditum septem. Ad tantum numerum imprimis magna in castris Iudæorum trepidatio, deinde spes vincendi post celebratum & ieiunium & sacrificium ex consilio Iudæ ; mox ad primum conflictum, quasi nollet cunctari victoria, pulsi fugatique Syriaci Duces & castris opulentis exuti (nam eò Syri mercatores quasi certi de victoria, multo cum auro & Tyriis opibus frequentes venerant, ad emenda mancipia.) Lysias post annum reparatis, imò auctis viribus adest violentior, instat quoque Iudas audacior & funditus represso hoste, relegatoque in Syriam, Hierosolymam victor ingreditur, Templum expiat, altare nouum extruit, arcemque occupatam à Syris pro viribus oppugnat ; filios Esaü in Acrabathane percutit ; filios Bean suis in turribus quò confugerant, incendit ; Ephron ciuitatem, quia transitum suis negauerat, peremptis ciuibus, solo æquat. Quanto dolore accepta ab Antiocho Rege (qui tunc in Perside habebat) tanta suorum clades, & turpis Lysia fuga & insignis Iudæ triumphus. Tunc in summam rerum suarum desperationem adductus (nam Elimaidem in Perside Urbem nobilissimam, auro argentoque copiosissimam, prædæ instans frustra oppugnauerat, fortiterque repressus à ciuibus

cogebatur victus & vacuus Babylonem reuerſi ) *Quantus Regis impii mœror hic fuerit, præſertim ſtimulante delictorum conſcientiâ, quod populum Dei tot ærumnis vexauerit, ipſa etiam ſacra violauerit, teſtatur mors inde conſecuta. Expirantis propè hæc aurea verba extant, vtinam ex animi pœnitentia, *Iuſtum eſt ſubditum eſſe Deo & mortalem non paria Deo ſentire.* Relicto hærede Antiocho filio, regnique adminiſtro Philippo amico ac nutritio Antiochi qui Eupator ad diſcrimen Patris dictus eſt, ita volente Lyſiâ, nulla cum Iudæis pax ſub nouo Rege. Quin ipſe quaſi Patre fœlicior futurus, conſtato numeroſiſſimo exercitu in Iudæam contendit. Adducta centum millia peditum, & viginti equitum, inſuper Elephanti triginta duo & certare docti & ligneas turres geſtare habiles dorſo, præmonſtratus quoque ad ſpiritum bellicum acuendum ſanguis vix & mori. Sed hic tantus belli apparatus citiùs impedimento fuit quàm terrori. Teſtis Eleazar ille, qui viſo Elephante cæteris ſupereminente & Regiâ loricâ veſtito, arbitratus in eo Regem inſidere, protinus abjecto clypeo per medias hoſtium legiones ad beſtiam penetrat, tum ſub eam ingreſſus ſubiecto gladio interimit; itaque cadens beſtia Eleazarum mole & ruinâ ſui corporis opprimit: atque ita tantus Miles emoritur tam immani cadauere incluſus magis quàm oppreſſus, & ſuo quaſi ſepultus triumpho æternum*

sibi nomen, super incumbente bestia, imposuit. Igitur hoc vno prælio victus Antiochus pacem petere & fœdus inire cogitur suadente Lysia. Sed quia periurus fidem violat, in ultionem perfidiæ à Demetrio Seleuci filio regno simul spoliatur & vitâ. Tandem tot antea præliis victor Machabæus, tot clarus triumphis, adhuc pulso fugatoque Bacchide, quem Demetrius Syriæ Rex miserat cum Alcimo pessimo Iudæorum, interfecto etiam Nicanore, demum ipse in prælio cum Bacchide à Syria reuerso, non tam victus quàm cessans vincere occumbit, eò quòd ferè solus, totam belli ad dextrum cornu ingrauescentis molem in se sustinuit. Hic relictis sibi paribus fortitudine fratribus desiderium sui ac dolorem omnium mitigare potuit, at memoriam & nomen nulla sæcula abolebunt.

*Bellum secundum Machabæum  
Duce Ionatha.*

EX C. 10.  
11. 12. l. **N**obile caput, manum fortem, cor  
i. Mach. inuictum, prope omnia mors Hebræis abstulerat in vno Iuda, nondum tamen exhauserat totum Matathiaë sanguinem. Trunco statim Reipublicæ corpori redditum est caput prior germanum, & omnia cum capite: ex populi suffragio defuncto Iudæ successit frater Ionathas nec armis, nec famâ minor. Primum illi facinus sanguinem fratrum repetere ab interfecto-ribus. Ioannis quidem à Iam-

briis, quos in ambitioso nuptiarum apparatu interceptos occidit; Iudæ verò à Bacchide cuius exercitum cecidit, dignas fratri inferias. quare Bacchides pacem coactus si non petere saltem seruare, quamtūvis turbarum molirentur malè feriat quidam ex Iudæis. Intèrim Alexander Anthiochi nobilis filius occupatâ Ptolemaide Syriam inuasit. Demetrius quò faciliùs inuasorem expelleret Ionatham conciliare sibi studet, studet & Alexander vt occupata retineret; vterque pretiosa offert titulosque clariores: sed Ionathas huic fauit, qui destitutum tanto præsidio Demetrium facilè profligauit in acie & occidit, Deo vindicante gentem suam de hoste implacabili. Hinc Alexandro orta ingens de Ionatha aestimatio, quem & apud Ptolemaidem dum sponsam recipit à Ptolomæo Ægypti Rege filiam Cleopatram, Rex honorificè habuit, & donatum veste purpureâ formidabilem fecit perduellibus qui cò confluxerant accusandi studio. Quam fluxæ res hominum! tam placida serenitas stare non potuit. Demetrius ex altero natus, vt Alexandrum de occupato regno detruderet, bellum renouat Apollonio duce; sed quâ manu Ionathas, Alexandrum euexerat, eundem sustinuit deuicto Apollonio, & disiecta Demetrii iunioris factione. Huic gratiæ ne deesset Alexander addidit adhuc glorificare Ionatham & missâ fibulâ ex auro visus est in eum supremos honores concessisse. At

Ægypti Regis auersus animus ereptam Alexandro Cleopatram dum tradit Demetrio, tradit & regnum: sic attritus bello infœlix gener profugit in Arabiam, vbi pro salute mortem reperit truncatus caput perfidâ Arabis manu. Nouum Regem dum accendere cupiunt iniqui ex Iudæis, accusant Ionatham, sed hanc calumniarum procellam ille suâ præsentia statim fugauit & muneribus, quæ Regis gratiam promeruere & sibi, & toti populo. Nocuit Demetrio sua fortuna, dum nil videt quod amplius timeat, paternos exercitus misit & offendit; id arripiens Tryphon olim Alexandro militans, illius filium ex Arabia reuocat, patrisque solio erat repositurus, nisi Ionathas obstitisset, vitâ Demetrio assertâ per horrendam stragem rebellium Antiochenorum, quos in ipsâ Vrbe receptus Ionathas cum tribus mille Iudæis cecidit ad viginti millia supra centum. Hinc iræ Tryphonis suo tempore erupturæ. At ingratus Syrus dum promissa non modo non exoluit sed vexat Ionatham, hostem ex amico facit; tandemque Antiocho reduci cum Tryphone coactus cedere, funesto experimento didicit quantum in vno Ionatha perdiderat præsidii, quantum addiderat æmulo. Interea non tam intentus rebus Antiochi Ionathas quin suas etiam curaret: receptis aut vi aut deditioe multis arcibus totâ prope Iudæa eiecit extraneos & perduelles, populumque sanctum tantum non asseruit

ruit in solidam libertatem. Rebus ita compositis amicitiae foedus renouat cum Romanis & Spartiatis: sed qui Demetrio fauebant ingenti exercitu iterum turbant, nocturnaque impressione Ionatham tentant opprimere, ut viam sibi sternerent ad Antiochi ruinam; at ille nominis sui famam potius, quam armis insidiatores disiecit turpi fugam. Triphon qui hactenus ambitioni suae causam Antiochi prae texerat profligatis, omnino partibus Demetrii, destinabat tandem peragere scelus quod iam diu conceperat. Obstabat vnus Ionathas, ne per Antiochi eadem arriperet diadema quod adolescenti imposuerat tantum ut reciperet; Quare veteris ut putabat iniuriae memor, & regnandi libidine furens dolo aggreditur quem aperte non poterat. euocatum igitur Ptolemaidem specie amoris, militibusque diminutum ad tria millia; Ptolemensium manu capit Ionatham reliquo comitatu interfecto. Indignum tanto principe fatum cui victoria visa fuerat hactenus famulari, & triumphos quærere vnde cumque: sed quid aliud sperasset ab ignaua vulpe leo generosus?

*Bellum tertium Machabaeum Duce  
Simone.*

Captiuo Ionathâ populus rediturus erat in seruitutem nisi Dominus seruasset virum, de semine eorum per quos

*salus facta est in Israël.* Is fui Simon, Iudæ Ionathæque germanus, postremæ de Matathia reliquiæ, atque suæ spes vltima Gentis. Paternæ igitur fraternæque virtutis æmulus, noluit in tanta calamitate deesse publicæ rei, nec parcere animæ suæ in tempore tribulationis. Quare oblatum à populo imperium lubens accepit. Prima illi cura occupare Ioppen, misso Ionathâ Absalomi, cum forti manu, hinc imminenti Triphoni cum exercitu se opponere. Inopinatus tanti Ducis occursum terruit Tyrannum, qui quem desperabat vincere aperto bello, opprimi posse putavit emunctâ pecuniâ quæ nervus est belli. Ionatham, quem victum trahebat, soluendum nuntiat si dentur argenti talenta centum & duo filii obsides. Fraus erat & Simoni certa, sed ut invidiam declinaret apud suos, misit & argentum, misit & obsides, nec recepit fratrem. Quin paulò post toties perfidus Tryphon scelus scelere auxit, & Ionathæ filiorumque cædem adiecit tot furtis & periuriis. Indignâ morte peremptum principem vix credere est quantum fleuerit populus, quantum Simon, qui defuncti ossa nè iacerent sine honore insepulta, nobili clausit tumulo. Hunc tantò apparatus totî familiæ extruxit in Modin quanto fortè nec Ægypti Reges sua sepulcra. Inter altas eximii operis columnas, non minoris artificii Pyramides erexit pro numero corporum, septem nempe, patri scilicet & matri, tum



quatuor fratribus, tandem vltimam sibi aliquando destinavit. Columnis arma imposuit & sculptas naues in trophæum, vt totum opus pro miraculo haberi potuerit, & familiæ suæ nomen gestaque perennare. Sic primùm Deo charus, quia pius; tum Demetrio, quia fortis, à quo & impetrauit populo cuiuscumque tributi remissionem. Interea Gazam vi capit purgatque ab Idolis; arcem quoque quæ Hierosolimis fræno erat & scandalo recipit, diemque deditiois consecrat in annum ritum. Tunc cœpit altâ pace Iudæa frui, cœpit & Simon magni Pontificis titulo palam clarari, qui illi vltro delatus & à suis & à Demetrio & à Romanis. Numenium enim Romam miserat qui donis amplissimis antiqui fœderis renouationem aut emerat aut meruerat. Demetrio capto à Persis dum auxiliares copias emendicat, successit Antiochus filius, qui Simonem coluit quandiu Tryphonem habuit regni æmulum. At illo propè attrito in Iudæos consilia vertit & arma: primùm per Athenobium legatum repetit arces captas, idest libertatem à Iudæis, tum negatas extorquere parat per Cendebræum viribus auctum. At vim vi repulit Simon, & iam impotens belli per filios Ioannem & Iudam triumphis prioribus hunc postremum adjecit: dum enim lustrat Iudæam, vrbibusque muniendis vacat, à Ptolomæo Abobi filio, & perfido genero quem Hiericonti præ-

fecerat exceptus , specie conuiuii, in munitiuncula Doch , tandem interficitur cum filiis Iuda & Matathia. Quid non mortalia pectora cogit regnandi malè sacra fames ? Scelus scelere cumulasset & funus funeri miscuisset impius paricida , nisi Ioannes reliquus iam ex tanta principum familia monitus , missos satellites præuenisset & captos immolasset sanguini suo iustissimâ, ultione. Hic est ille Ioannes qui deinceps paterni hæres imperii Sacerdotique non , modò nullam domesticæ gloriæ virtutique maculam degener induxit, sed eam auxit splendore, vrbium expugnator regumque terror.

---

*Bellum Romanum primum in  
Iudeos.*

CAPVT XIX.

*Ex Iosepho Anti-  
quit. Iudaic. l. 13.  
& sequent. t. 1.*

**C**Haldæis, Medis, Persis, Græcis-  
que Regibus in prædam à Deo dati  
Iudæi veluti immanibus bestiis, tan-  
dem à Romanis seu Latinis subacti, per-  
petuo tributo damnantur. Hi postremi  
totius iam rectores orbis, vt qui Asiam,  
Europam & Africam victricibus ar-  
mis coniunxerant, tam facilè de tota  
Iudæa ac de mundi angulo & rusculo  
triumphum reportant. Præsertim Duce  
Pompeio gestum hoc bellum, hoc est

sub victore omnium gentium quas ille adierat, & populi Romani facilè principe : imò si ita visum fuisset superis candidato totius orbis Imperatore. Ille Mithrydatice confecto bello, debellata Armenia Pontique regione, de reliquo orbe expugnando quasi luderet, Iudeam ingreditur, non tam exercendi militis causâ quàm refocillandi. Huc Pompeium adduxit cum noua vincendi materia tum Hyrcani Regis Iudeæ cum fratre Aristobulo hostilis contentio. Amborum Alexandra mater, Hyrcanum Pontificem & Regem simul, Aristobulum iuniorum priuatum viuere destinauerat. Mortuâ matre, in Hyrcanum collecto exercitu inuadit Aristobulus, victoque fratre in campis Hyerichuntinis, victor regnat. Pulsus Hyrcanus primùm Aræ Regis Arabum vsus auxilio, tandem spe suâ delusus, ad Pompeium supplex confugit vt inuictum ducem Romanum, tamen calamitatis suæ magnitudine permoueret. Majestatis Romanæ esse duxit Pompeius principem à germano pulsum solio reponere, sicut potestatis erat auferre sceptrum quibus vellet. Ante omnia ex oppido Alexandrino quò se receperat Aristobulus, multâ Syrorum Romanorumque manu exturbatur : tum urbem Hierosolymam auctula sicut in rete compingitur. Facili operâ captâ, Vrbe rebellem in custodia collocat Pompeius, vt captius He-

bræus regnare dediscat. Ingresso in Urbem Romano, non continuo paruit delubrum (prohibebat arx imminens.) Tres menses oppugnatum Templum, irruptum est tandem: illoque pro religione loci intacto relicto, Romam Dux renaugat (utinam tam fœlix quàm pius!) impositoque Hierosolimis tributo, Pontificem Hyrcanum statuit fratremque abducit secum captivum cum liberis. Trium Regum id est Tigranis in Armenia, Mithrydatis in Ponto, Aristobuli in Iudæa victor Pompeius; plusquam Regali honore excipitur à Senatu. Interim quies in Iudæa Hircano Pontifice. Sed Alexander Aristobuli filius profugus ex itinere armatâ manu popularatur agros Iudææ & munitissimas arces occupatas multo milite præmunit: has tamen consilio matris, Scauro præfide ac demum se ipsum ut imparem Romanorum viribus tradit: ita miser Iuuenis excitatum ignem deditione sui extinguere cogitur. Paulo post ex custodia & ex Urbe elapsus Aristobulus, rursus in Hircanum arma movet sed eodem quo filias fato: quippe Marcus Antonius Gabinio iubente, toto Iudeorum quem raptim collegerat dissipato exercitu, in carcerem Romam amandat. Solutum vinculis Cæsar rerum potitus cum duplici cohorte transmittit in Syriam, ut ipsi Iudææ regnum vel arte compareret vel armis subjiciat. Hoc tamen Cæsaris con-

filium ( ô insolentem fortunæ ludum! ) quidam ex Iudæis Pompeiani , sublato per venenum Aristobulo irritum cassumque efficiunt. Næ ille veneno tollendus fuit , qui virus ambitionis ad sui, patriæque pernicem hauserat.

---

*Bellum Parthicum contra Iudæos.*

C A P V T XX.

Parthi, Pacoro duce, sollicitante Antigono Aristobuli minore natu, Palestina incumbunt. Euphratem transgressis milia talenta, virgines quadringentas spondet Lyfanas pro reducendo in regnum Antigono patre, qui multis Parthorum millibus Hierosolimam cingit obsidione ; repugnat acriter Herodes pro Regia & Phaselus frater pro mœnibus. Tandem Urbem ingreditur Antigonus ipso Pentecostes die, at non incruento certamine : tam fortiter medio foro utrinque pugnatum est, ut agendum de pace fuerit in ipso æstu pugnae ne qui vicerant victis similiores essent quàm victoribus. Dum de pacis fœdere agitur & in Pacori fidem incauti se tradunt Hitcanus, Phaselus, & Antigonus, duo primi in ipso itinere comprehensi hanc esse sentiunt barbarorum fidem ut numquam seruent, & tunc

magis decipiant quando minùs videntur. Redditur folio Antigonus permissusque sæuire, Hircano auriculas dentibus admorsas truncat, ô indignam Rege vltionem! Quid egit hoc supplicio? vt ne mutilus posthac sacris operaretur Hircanus: deinde Phaselo dum necem parat, hic proprio impetu occupat sæuientem eliso ad saxum capite, nec liberas manus nec ferri copiam habens. Perierat quoque Herodes frater nisi ad Arabes properatâ fugâ tyranni consilia cluisset.

---

*Bellorum Romanum secundum.*

C A P V T X X I.

**A**cceptâ fratris morte Herodes, vt suprema expirantis verba impleat (dixerat enim æquo animo se mori, quia vltorem viuum relinqueret) mediâ hyemis tempestate Romam properat; Expositoque Senatui tum viæ consilio, tum suorum ac Iudææ miserabili statu, regnum flagitat, impetratque fauentibus maximè Augusto atque Antonio. Rex in Capitolio constitutus in Iudæam reuocatur, sociis Silone & Ventidio, qui securum regnare iubeant Herodem ex Senatus Populique Romani imperio, Aduentantem in Galilæam Silonem

lonem corrumpit auro. Tunc Rex Antigonus & saltem cogitati Belli extorquet inducias. Sic in dies dilata obsidio & ipsâ hyeme inchoatâ, tum frigore tum inopiâ victus soluitur. Quæstus est de auaro ac perfido Silone Herodes apud Antonium: substituitur illi Sosius dux impiger & corruptis moribus. Hic obsessam quinque menses Urbem Solymam expugnat: miles tantâ irrumpit ferociâ vt parcat ætati nulli, nulli quoque sexui, licet inclamet Herodes; Parcite ferro, ne si vacuum ciuibus datis Urbem, solitudinis me Regem relinquatis? Vix quoque ab expilandis Templi opibûs abstentum est. Ideo hanc victoriam Herodes, quam si victus fuisset, grauiorem reputans, publicas pecunias priuatis, id est suis redimit ac compensat. Postea aureâ vinctus catenâ perducitur ad Antonium Antigonus & securi feritur.

---

*Finis Bellorum & regni Iudaici.*

C A P V T XXII.

**T**Andem sublato hoste, Imperium abripit sibi Herodes, Hyrcanum, nepte illius Marianne sibi iunctâ coniugio, Sacerdotem in Vrbe patitur, donec in suspicionem regni affectati ad-

ductum, interfici mandat, Ionatham-  
que fratrem subrogat sacro Magistra-  
tui, vt suæ Mariannes dolorem vel le-  
niat, vel abstergat. Hīs artibus & ar-  
mis Herodes in Iudææ Regem euadit,  
licet alienigena, postquam in perempto  
Hyrcano vltimus Regum Iudæorum de-  
fuit, vt Christo locus deinceps daretur  
& sceptrum.

*Finis Flori Sancti.*



---

**F**Lorum hunc Sanctum seu Epitomen  
Historiæ Sacræ Patris Mathæi Bole-  
ran nostræ dum viueret Congregationis:  
Vbi à tribus ex nostris Theologis quibus  
id commissum fuit, recognitus est & di-  
gnus luce visus, permittimus typis manda-  
ri. In quorum fidem has litteras manu  
nostrâ subscriptas, & sigilo nostro mu-  
nitas dedimus Parisiis Kalendis Octobris  
anni millesimi sexcentescimi quinquagesi-  
mi quarti.

**BALDVINVS DE BREVX**, Præpositur  
Generalis Congregationis  
Doctrinæ Christianæ.

---

*Approbations des Docteurs.*

**N**Os Presbyter, Regi Christianissimo Conciliis & concionibus, in sacra Theologiæ Parisiensis Facultate Doctor Sorbonicus & Rector Ecclesiæ Parrochialis sancti Bartholomæi, legimus *Florum Sanctum*, hoc est *Historia Sacra Epitome Religiosi viri Mathæi Boleran*, dum viveret in Collegio Narbonensi in Theologia Professoris. In eo nihil nisi Orthodoxum & tersum, stylus rei Majestate conspicuus, nec suâ breuitate obscurus, dignus qui post obitum auctoris lucem videat immortalem. Scripsimus ad finem & gratiam in ædibus nostris, hac ipsa die Maij decimâ quintâ anni 16j4.

R O V L L E

---

**E**Go infra scriptus in sacra Theologiæ Parisiensis Facultate Doctor Sorbonicus; legi Librum cui titulus est *Florus Sanctus*, hoc est *Historia Sacra Epitome*. Parisiis die vigesima secundâ Iunij 1654.

M. GRANDIN.

A01 1469241







BIBL  
VII

X